

অমলা

শ্রীউপেন্দ্রনাথ গঙ্গোপাধ্যায়

ডি, এম, লাইসেন্সরী
৪২, কর্ণওয়ালিস্ স্ট্রীট, কলিকাতা

— প্রকাশক —

শ্রীগোপালদাস বজ্জয়দা

৪২, বর্ণওয়ালিস্ট্রীট, কলিকাতা

দ্বিতীয় সংস্করণ

আশ্বিন, ১৩৪৭

প্রিন্টার—শ্রীপ্রমথনাথ মারা

শ্রীকৃষ্ণ প্রিন্টিং ওয়ার্কস্

২৫৯, আপার চিংপুর রোড, কলিকাতা

মূল্য—৩৫ টাকা

পূজনীয় অগ্রজ

শ্রীযুক্ত লালমোহন গঙ্গোপাধ্যায়

মহাশয়ের হস্তে

এই পুস্তক

ভক্তি সহকারে

উৎসর্গ করিলাম ।



এম্বকার প্রণীত -উপন্যাস-

যৌতুক	২১০
শশিনাথ (২য় সংস্করণ)	২১০
রাজপথ (২য় সংস্করণ)	৩১
ঐমূল তরু (২য় সংস্করণ)	২১
অমলা (২য় সংস্করণ)	২১
অভিজ্ঞান	৩১
অস্তুরাগ	২১০
দিকশূল	২১০
সোনালাী রঙ	২১০
নবগ্রহ	২১০
গিরিকা	২১০
বৈতানিক	২১
রাতজাগা	২১০

অমলা

১

শীতকালের দিন,—পাঁচটা বাজিতে বাজিতেই সন্ধ্যা হইয়া আসে। হরমোহন মুখোপাধ্যায় অফিস হইতে আসিয়া সামান্য জলযোগ করিয়াই গৃহিণী প্রভাবতীকে কহিলেন, “একটা গায়ের কাপড় দাও, একবার বেরোতে হবে।”

স্বামী অফিস হইতে যখন আগেন, তখনই তাঁহার মুখে একটা গভীর চিন্তার রেখা প্রভাবতী লক্ষ্য করিয়াছিলেন; যনে করিয়াছিলেন, হরমোহন জলযোগ করিলে সে বিষয়ে অহুস্কাণ করিবেন। তাহার উপর হরমোহন বাহিরে যাইবেন শুনিয়া প্রভাবতী বুঝিলেন, নিশ্চয়ই একটা কোন অশুভ ঘটনা ঘটিয়াছে; কারণ, বিশেষ প্রয়োজন ব্যতীত সন্ধ্যার পর হরমোহন গৃহ হইতে বাহির হইতেন না,—বিশেষতঃ শীতের রাত্রে।

চিন্তাধিত হইয়া প্রভাবতী জিজ্ঞাসা করিলেন, “তোমার মুখ শুকনো দেখছি; কি হয়েছে বল দেখি? কোথায় যাবে এখন?”

বিরক্তিবিৰূপ মুখে হরমোহন কহিলেন, “একবার অমলার খণ্ডর-বাড়ী যেতে হবে। আজ অফিস যাওয়ার সময় তার খণ্ডরের একটা

চিঠি পেয়েছিলাম, তখন আর তোমাকে দেখাই নি। অফিসের কোটের পকেটে আছে, বার ক’রে দেখ।”

প্রভাবতী তাড়াতাড়ি পত্র বাহির করিয়া পাঠ করিলেন। অমলার স্বস্তর, অর্থাৎ হরমোহনের বৈবাহিক গোবিন্দনাথ, হরমোহনকে পত্র লিখিয়াছেন। পত্রে লেখা ছিল, “যে আপনার বংশগত কলঙ্কের কথা গোপন করিয়া তর্জলোকের ঘরে কত্তা সমর্পণ করে, তাহাকে আমি হইতর মনে করি। আমার গৃহে অত্রাক্ষণের কত্তার স্থান কিছুতেই হইবে না। আপনার কত্তার সহিত আমার পুত্রের বিবাহ দিয়া আমি সমাজে পতিত হইয়াছি; যথাবিধি প্রায়শ্চিত্ত করিয়া সমাজে উঠিব। অল্প হইতে আপনার কত্তা আমার পুত্রবধূ নহে। যত শীঘ্র সম্ভব আমি আমার পুত্রের বিবাহ দিব। আপনি আজ সন্ধ্যার পর আসিয়া আপনার কত্তাকে লইয়া যাইবেন; নচেৎ তাঁহাকে আজ রাতেই ভূত্যের মারফৎ আপনার গৃহে পাঠাইয়া দিব।”

তিনমাস হইল হরমোহনবাবুর কত্তা অমলার সহিত বিজয়নাথের বিবাহ হইয়াছে। বিজয়নাথের পিতা চতুর্দশ শতাব্দীর এই মহা বিপ্লবের মধ্যেও হিন্দুধর্মের চরম গোঁড়াবীতে নিজেকে আবদ্ধ রাখিয়াছিলেন; এবং সামাজিক খুঁটিনাটির সামান্য ব্যতিক্রমও তিনি সহ্য করিয়া চলিতেন না। তাই কয়েক দিন হইতে একটা কোনও সংবাদ অবগত হইয়া তাহার গত্যাগত্য নিরূপণের জন্ত বিশেষরূপে অত্মসন্ধান লইতেছিলেন। আজ প্রত্যুষে সে সম্বন্ধে সঠিক সংবাদ অবগত হওয়ার পর, আর একদিনও অপেক্ষা না করিয়া, তৎক্ষণেই নূতন বৈবাহিক হরমোহনকে পত্র লিখিয়া ভূত্যের মারফৎ পাঠাইয়া দিলেন।

গোবিন্দনাথের পত্র পাঠ করিয়া প্রভাবতী চিন্তায় অবসন্ন হইয়া

পড়িলেন। হরমোহনের পিতামহের জন্ম সংক্রান্ত একটা কাহিনী বহুদিন হইতে প্রচলিত আছে। এক সময়ে তাহা লইয়া এমন একটা গোলযোগ উপস্থিত হইয়াছিল যে, তাহার ফলে হরমোহনের পিতাকে গ্রাম ত্যাগ করিয়া কলিকাতায় আসিয়া বাস করিতে হয়। কলিকাতায় সমাজ নাই, স্মৃতরাং দলাদলির উপদ্রবও নাই। সমাজের অগম্য-ক্ষেত্র কলিকাতায় আসিয়া হরমোহনের পিতা শান্তিলভ করিলেন। মধ্যে আর কোনও গোলযোগ ছিল না। হরমোহনের বিবাহের সময়ে একবার সে কথা উঠিয়াছিল,—কিন্তু প্রভাবতীর পিতা তাহাতে কর্ণপাত করেন নাই। তাহার পর আর কখনও এ প্রসঙ্গ উঠে নাই। গোবিন্দনাথের পত্রে যে সেই প্রসঙ্গেরই উল্লেখ ছিল তাহা বৃত্তিতে প্রভাবতীর বিলম্ব হইল না।

পত্রখানা যুড়িয়া রাখিয়া চিন্তিত মনে প্রভাবতী কহিলেন, “তুমি কি বলবে?”

হরমোহন কহিলেন, “দেখি, যদি বুঝিয়ে-সুঝিয়ে মন থেকে ও কথাটা দূর করতে পারি।”

“অমলকে নিয়ে আসবে?”

“সহজে আনব না। তবে যদি একান্ত না শোনে, তা হলে ত আর ফেলে আসতে পারব না।”

প্রভাবতী কহিলেন, “এনো না। আজ যদি অমলা তোমার সঙ্গে চলে আসে, তাহলে ব্যাপারটা পাকা হয়ে দাঁড়াবে; পরে আর পাঠান শক্ত হবে। আর একটা কথা, রাগারাগি কোরো না; তুমি আবার একটুতেই রেগে ওঠ। তুমি যখন মেয়ের বাপ, তখন তোমাকেই নীচু হ’তে হবে।”

একটু বিরজিত-ব্যঞ্জক দৃষ্টিতে প্রভাবতীর দিকে চাহিয়া হরমোহন কহিলেন, “কেন, যেহেতু বাপ ব’লে আমার আত্মসম্মতির জ্ঞান পাক্তে নেই না কি?”

প্রভাবতী দেখিলেন আর কথা বাড়াইলে বিপরীত হইবে, গৃহ ছইতেই হরমোহন জুটু ছইয়া যাইবেন। তাই, আর কোনও কথা না বলিয়া, একখানা গাংত্রবজ্ঞ আনিয়া হরমোহনকে দিলেন। দুর্গা নাম অরণ্য করিয়া হরমোহন গৃহ ছইতে নিজান্ত হইলেন।

ওয়েলিংটন কোয়ারের অঞ্চলে গোবিন্দনাথের বৃহৎ অট্টালিকা। বৈঠকখানায় সুবিস্তৃত শয্যার উপর অঙ্কশায়িত অবস্থায় গোবিন্দনাথ আলবোলায় দীর্ঘ নল হস্তে তামাক খাইতেছিলেন, এবং নিকটে বসিয়া প্রতিবেশী বিনোদ পাল চামচ নাড়িয়া উত্তম চা শীতল করিতে-ছিলেন।

মুখ হইতে নল সরাইয়া, বিনোদ পালের দিকে অর্কোন্নীলিত চক্ষে দৃষ্টিপাত করিয়া গোবিন্দনাথ কহিলেন, “কি হে? এ কথা কেন শুনে বাড়ীতে স্থান দেওয়া যায়? তুমিই বল না। স্থান দেওয়া যায় কি?”

বিনোদ পাল চায়ের পেয়ালা মুখে তুলিয়াই, পুনরায় ডিসের উপর নামাইয়া রাখিয়া, চামচ দিয়া একমনে চা নাড়িতে লাগিলেন।

“বল না হে? কথা কচ্ছ না কেন? তোমার হ’লে তুমি রাখতে?”

একটু ইতস্ততঃ করিয়া বিনোদ কহিলেন, “তা বটে। তবে কি না মেয়েটার জন্তে বড় দুঃখ হয়!”

শয্যার উপর উঠিয়া বসিয়া গোবিন্দনাথ কহিলেন, “তা কি করব! সংসারের নিয়মই এই,—একজনের দোষে আর একজন কষ্ট পায়।”

কোন উত্তর না দিয়া বিনোদ চায়ের পেয়ালা মুখে তুলিলেন।

একজন ভৃত্য আসিয়া কহিল, “বৌদিদির বাপ এগেছেন।”

গোবিন্দনাথ কহিলেন, “এইখানে নিরে আয়।” বসিয়া পুনরায় তাকিয়ায় চেস্ দিয়া শুইয়া পড়িলেন।

বিনোদ পাল ব্যস্ত হইয়া কহিলেন, “আমি তবে উঠি ভায়া।”

গোবিন্দনাথ কহিলেন, “বিলক্ষণ ! তোমার সামনে সব কথা হবে ব’লেই ত’ এই শীতে তোমাকে ডাকিয়েছি। তুমি বোস।”

“আমি থাকলে একটু অসুবিধা হবে না কি ?”

“কিছু না।”

ধীরে ধীরে কক্ষে-প্রবেশ করিয়া হরমোহন গোবিন্দনাথকে নত হইয়া নমস্কার করিলেন। প্রতি-নমস্কার না করিয়া গোবিন্দনাথ অঙ্গুলি সঙ্কেতে একটা চেয়ার দেখাইয়া কহিলেন, “বসুন।”

হরমোহন আসন গ্রহণ করিলে গোবিন্দনাথ কহিলেন, “গাড়ী নিয়ে এসেছেন ত’ ?”

মুহূর্ত্তে হরমোহন কহিলেন, “আজ্ঞে না।”

“কেন ?”

কিংকর্তব্যবিমূঢ় হইয়া হরমোহন একবার বিনোদ পালের দিকে চাহিলেন। সে চাহনির অৰ্ধ বিনোদ সহজেই বুঝিলেন। কহিলেন, “গোবিন্দ, আমি এগুন আসি ভাই।” বলিয়া উঠিবার উপক্রম করিলেন।

ব্যস্ত হইয়া গোবিন্দনাথ কহিলেন, “না, না, বোস, বোস। তোমার সমুচিত হবার কোন কারণ নেই। এ অস্তঃপুরও নয়, আর যন্ত্রণা-ঘরও নয়,—এখানে কোনও গুপ্ত কথা হবে না।” আলবোলা হইতে কলিকা উঠাইয়া বিনোদের হস্তে দিয়া কহিলেন, “এই নাও, তামাক খাও, তোমার পাশে হ’কো রেখে গিয়েছে।”

হরমোহনকে লক্ষ্য করিয়া বিনোদ কহিলেন, “আগে উনি খান।” বলিয়া গোবিন্দনাথের আলবোলার কলিকা রাখিতে গেলেন।

ব্যস্তভাবে বাধা দিয়া গোবিন্দনাথ কহিলেন, “আমার ঘরে শুধু বামুন-ক্যুয়েতেরই হঁকো আছে,—ওঁদের হঁকো নেই। তা হলে বাজার থেকে নতুন হঁকো আনাতে হয়। তুমি খাও।”

গোবিন্দনাথের কথা শুনিয়া হরমোহনের অন্তরে যেন উত্তপ্ত লৌহ-শলাকা প্রবেশ করিল; কিন্তু তৎক্ষণাৎ প্রত্যাবর্তীর উপদেশ মনে পড়িয়া গেল—রাগারাগি কোনো না,—যেহেতু বাপকে নীচু হতে হয়। অতি কষ্টে আত্মসম্বরণ করিয়া হরমোহন নীরবে বসিয়া রহিলেন। বিনোদ পাল অতিশয় সঙ্কুচিত এবং ক্রিষ্ট হইয়া ধীরে ধীরে তামাক টানিতে লাগিলেন।

হরমোহনের দিকে বক্রভাবে দৃষ্টিপাত করিয়া গোবিন্দ কহিলেন, “গাড়ী আনেন নি, তা আপনার মেয়েকে হাঁটিয়ে নিয়ে যাবেন না কি? আপনার যদি তাতে পরসার লাগ্ন হয়, আমার কোনও আপত্তি নেই। তবে পথ অনেকটা, একটা গাড়ীর বোধ হয় দরকার হবে।” বলিয়া একজন ভৃত্যের নাম করিয়া হাঁক দিলেন।

ভৃত্য আসিলে তাহাকে কহিলেন, “যা, একখানা ঠিকে গাড়ী নিয়ে আয়। স্ত্রীমবাজার যাবে।”

আঘাতের উপর আঘাত খাইয়া হরমোহনের মন একেবারে ঝাঁকিয়া বসিয়াছিল। হৃদয়হীন অভদ্র গোবিন্দনাথকে শাস্ত করিবার জন্য চাটুক্ষি করিতে একেবারেই প্রবৃত্তি হইতেছিল না,—বিশেষতঃ তাহা করিলেও যখন কোন উপকারের সম্ভাবনা দেখা যাইতেছিল না। কিন্তু দুর্ভাগিনী কস্তার স্নেহকরুণ মুখ স্মরণ করিয়া হরমোহন স্থির করিলেন, একবার ভাল করিয়া চেষ্টা করিয়া দেখিবেন। বিনোদপালের উপস্থিতির জন্য একটু সঙ্কোচ বোধ হইতেছিল। কিন্তু আর অপেক্ষা করাও চলে না—

গাড়ী আগিয়া পড়িলে তখন আর সুবিধা হইবে না। হরমোহন কহিলেন, “দেখুন, আপনার চিঠি পেয়ে পর্যন্ত আমার মাথার আকাশ ভেঙ্গে পড়েছে। এ কথা সর্বৈব মিথ্যা,—আমার কোন পরম শত্রু আমাকে বিপদে ফেলবার জন্তে আপনাকে এ কথা বলেছে। আপনার মত বিজ্ঞ ব্যক্তি—”

হরমোহনের কথায় বাধা দিয়া গোবিন্দনাথ কহিলেন, “আমার বিজ্ঞতার আপনার যদি কোন সন্দেহ না থাকে, তা হলে জানবেন, আমি আমার কোন কর্তব্য অসমাপ্ত রাখি নি। এ সংবাদ আমি আজ পাইনি,—প্রায় দশ দিন হ’ল পেয়েছি। যখন প্রথম পাই, তখন এ বিষয়ে আপনাকে কোন কথা জিজ্ঞাসা করা সমীচীন ব’লে মনে করিনি; কারণ, সংবাদ ভুল হ’লে, অকারণ আপনার মনে কষ্ট দেওয়া হ’ত। এ সংবাদ পাওয়া মাত্র আমি অমুসন্ধান আরম্ভ করেছি। সে যেমন-তেমন অমুসন্ধান নয়,—অন্ততঃ পাঁচ ছয় জন লোক আপনাদের গ্রামেই গিয়েছে। তারা সকলেই আপনার পিতামহর বিষয়ে একই সংবাদ নিয়ে ফিরেছে।”

হরমোহন কহিলেন, “গ্রামে আমাদের শত্রুর অভাব নেই,—তারা সকলেই মিথ্যা অপবাদ দিয়েছে।”

বিজ্ঞপের হাসি হাসিয়া গোবিন্দনাথ কহিলেন, “এ কথা মন্দ নয়! ভক্তলোকদের বিশ্বাস করব না,—আর বিশ্বাস ক’রব আপনাকে!”

আত্মসম্বরণ করা হরমোহনের পক্ষে কঠিন হইয়া উঠিল। কহিলেন, “কেন, আমি অভক্ত না কি?—”

গোবিন্দনাথ দৃঢ় স্বরে কহিলেন, “সে বিষয়ে কোনো সন্দেহ আছে? যে অবাক্শণ হয়ে এমন ক’রে ব্রাহ্মণের সর্বনাশ করে, তাকেও ভক্ত বলতে

হবে নাকি ? আপনার বাড়ী থেকে আমি যেয়ে এনেছিলাম ব'লে তবু আমার পরিজ্ঞানের একটা পথ আছে,—যে আপনার ঘরে কতটা সমর্পণ করবে, তার কি উপায় হবে বলুন দেখি ! হাড়ি মুচি ডোমকেও ভদ্র বলতে পারি, কিন্তু আপনাকে পারিনে !”

গোবিন্দনাথের কথা শুনিয়া বিনোদ পাল মনে মনে সঙ্কুচিত হইয়া উঠিলেন। কড়িকাঠের দিকে উদাস ভাবে দৃষ্টিপাত করিয়া কহিলেন, “গোবিন্দ, কথা বাড়িয়ে কোন লাভ নেই তাই। তুমি যা করবে, তা ত করবেই, মিছে ভদ্রলোককে—”

বাধা দিয়া গোবিন্দনাথ উত্তেজিত হইয়া কহিলেন, “তুমি ভুল করছ বিনোদ ! গোবিন্দ চাটুয্যে ভদ্রলোকের মর্যাদা রাখতে জানে,—ভদ্রলোককে আপনার বৈঠকখানায় বসিয়ে অপমান করবে এত ইতর সে নয় ! কিন্তু—”

বিনোদ বিরক্ত হইয়া উঠিলেন। কহিলেন, “গোবিন্দ, তুমি বুঝতে পারছ না ; আমি তোমাকে চুপ করতেই বলেছিলাম, পুনরুক্তি করতে বলি নি। আমার সে উদ্দেশ্য ছিল না।”

গোবিন্দনাথের চুর্সাক্যের নিষ্ঠুর পীড়নে হরমোহনের মন একেবারে বিজ্রোহী হইয়া উঠিয়াছিল। এক দিকে গোবিন্দনাথের চর্যাবহার, এবং অপর দিকে কস্তার অনিষ্টের আশঙ্কা—এই উভয়ের নিষেধণে হরমোহনের আত্মসম্মান এতক্ষণ উৎপীড়িত অথচ উপায়হীন হইয়া ছিল। মহলা তাহা যখন প্রবলভাবে সাড়া দিয়া উঠিবার উপক্রম করিল, ঠিক সেই মুহূর্তেই বিনোদচন্দ্র ক্রীণভাবে তাঁহার পক্ষ অবলম্বন করায় হরমোহন চিন্তা সংবত করিবার অবসর পাইলেন। বাষ্পের অতিরিক্ত চাপে বয়লার ফাটিয়া বাইবার উপক্রম করিতেছিল, এমন

সময় তাহার এক পাশে একটি ছিন্ন করিয়া দেওয়ায়, ক্রুদ্ধ বায়ু সেখান দিয়া কিয়ৎ পরিমাণে নির্গত হইয়া সেই চাপ হাড়া হইয়া গেল। অগ্নির মূর্তি ধরিয়া বাহা জলিয়া উঠিবার উপক্রম করিতেছিল,—সহানুভূতির ক্ষীণতম আঘাতেই তাহা অভিমানে আকারে রূপান্তরিত হইল। হরমোহন কহিলেন, “আমি না হয় অভদ্র,—ধরুন, আমি আপনার নিকট কণাটা গোপন রেখে গুরুতর অপরাধ করেছি; কিন্তু আমার মেয়ের ত’ কোন অপরাধ নেই,—তাকে কেন পায়ে ঠেলবেন? তার প্রতি দয়া করুন!”

গোবিন্দনাথ কহিলেন, “একজন পাপ করে, আর অপর একজনকে তার প্রায়শ্চিত্ত করতে হয়,—এই ত’ সংসারের নিয়ম। প্রবঞ্চনা ক’রে ভুল্ললোকের ঘরে মেয়ের বিয়ে না দিয়ে, যদি নিজেদের সমাজের মধ্যে দিতেন, তা হলে আর আপনার মেয়ের কষ্টের কোন কারণ হোত না। আপনার মেয়ে কষ্ট পাবে বলে ত’ আমি ধর্মত্যাগ করতে পারি নে।”

হরমোহন তপ্ত হইয়া উঠিয়া কহিলেন, “আমার নিরপরাধ কন্যার সর্বনাশ ক’রে ধর্মের নামে আপনি যে মহা অধর্ম করছেন, ঠিক জানবেন এর প্রায়শ্চিত্ত আপনাকেও করতে হবে,—আপনিও বাদ পড়বেন না।”

ক্রুদ্ধিত করিয়া বিকৃত স্বরে গোবিন্দনাথ কহিলেন, “প্রায়শ্চিত্ত আমাকে ত’ করতেই হবে। কিন্তু আপনার মুক্তিটা ঠিক বুঝলাম না! ত! আপনার কন্যা যদি নিরপরাধ হয়, তা হলে একজন বেস্তার মেয়েরই বা অপরাধ কোণায়? তারও ত’ জানকৃত কোন দোষ বা পাপ নেই?”

গোবিন্দনাথের এই তুলনার উক্তিতে হরমোহনের স্ত্রীর উপর প্রত্যক্ষ ভাবে হয় ত’ কোনও আঘাত ছিল না,—কিন্তু হরমোহন তাহাই মনে করিয়া একেবারে প্রদীপ্ত হইয়া উঠিলেন। তাহার ধৈর্যের উপরে

কিছুক্ষণ হইতে প্রবলভাবে যে উৎপীড়ন চলিতেছিল সহসা তাহা যখন এইরূপে নিশ্চয় ভাবে সীমা অতিক্রম করিল, তখন হরমোহন কস্তার ইষ্ট-অনিষ্টের কথা সম্পূর্ণ ভুলিয়া গেলেন। শত শিখায় যাহা দাবানলের মত প্রজ্বলিত হইয়া উঠিল, আর তাহাকে বুধা আশা বা আশঙ্কায় চাপিয়া রাখা গেল না। উন্নতের মত হরমোহনের চক্ষু জ্বলিয়া উঠিল; কহিলেন, “তোমার মত চামারের বাড়ী থেকে যত শীঘ্র আমার মেয়েকে নিয়ে যাই, ততই মঙ্গল! মনে করব, আজ হতে সে বিধবা হয়েছে, আজ নিজ হাতে তার সীঁথের সিঁদূর মুছে দেব! তোমার মত পাপিষ্ঠের মুখ দর্শন করলেই তার পাপ হবে!”

শুনিয়া গোবিন্দনাথ ধীরে ধীরে উঠিয়া বসিলেন। হরমোহনের দিকে তীক্ষ্ণ, কুঞ্চিত দৃষ্টিপাত করিয়া কহিলেন, “বটে! বিধ নেই,—কিন্তু কুলের মত চক্র আছে দেখছি যে! আমার বাড়ী ব’লে আমাকে অপমান? আমার জন-দশবার চাকর আছে,—একবার তাদের হাতে তোমাকে অর্পণ করব না কি? তাতে অবিস্ত্রি তোমার মানের জট হবে না,—কিন্তু শারীরিক ক্লেশ একটু হতে পারে।” গোবিন্দনাথ চীৎকার করিয়া উঠিলেন, “দেবী সিং!”

প্রভুর উত্তেজিত কণ্ঠস্বর শুনিয়া দেবী সিং মুহূর্তের মধ্যে কক্ষের তিতর আসিয়া হাজির হইল, “হজুর!”

ব্যস্ত হইয়া বিনোদ পাল কহিলেন, “গোবিন্দ, এ কি ছেলেমানুষী তুমি করছ? তোমার কি বুদ্ধি একেবারে লোপ পেয়েছে!” বলিয়া বিনোদ দেবী সিংকে চলিয়া যাইতে ইঙ্গিত করিলেন।

বিনোদচক্রের কথায় কর্ণপাত না করিয়া গোবিন্দনাথ কহিলেন, “নিকালো গুয়ার কো।” বলিয়া হরমোহনকে দেখাইয়া দিলেন।

চাকর দিয়া প্রহারের ইচ্ছিতে হরমোহন অপमानে এবং স্থানীয় কাঠের মত শক্ত হইয়া গিয়াছিলেন। গোবিন্দনাথের আদেশ শুনিয়া সবেগে উঠিয়া দাঁড়াইলেন; এবং বাশের মোটা লাঠিটা শক্ত করিয়া ধরিয়া দেবী সিংএর দিকে আরক্ত নেত্রে চাহিয়া কহিলেন, “খবরদার, এক পা এগোলে মাথা গুঁড়িয়ে দোব!”

বিড়ালের চেয়ে কুকুরের শক্তি অধিক, এ ধারণা বিড়ালেরও আছে, কুকুরেরও আছে; কিন্তু নিরুপায় অবস্থায় বিড়াল যখন সন্মুখের দুই পা উঠু করিয়া বিকট মুখভঙ্গীর সহিত ক্যাস্ ক্যাস্ শব্দ করিতে থাকে, তখন কুকুরকেও আপনার শক্তির বিষয়ে সংশয়াপন্ন হইতে হয়। নিরীহ হরমোহনকে গোবিন্দনাথ অসহোচে আক্রমণ করিয়া চলিয়াছিলেন, কিন্তু সহসা যখন হরমোহন নিজের সমস্ত শক্তি সঞ্চয় করিয়া রক্তমূর্ত্তি ধারণ করিয়া দাঁড়াইলেন, তখন গোবিন্দনাথ বা দেবী সিং কেহই ব্যাপারটা সুবিধার বিবেচনা করিল না। দেবী সিং মনে করিল, প্রভুর আদেশ পালন করিতে গিয়া পৈত্রিক মন্তকে ওরূপ গুরুতর ভাবে বিপন্ন করা কোন ক্রমেই উচিত নহে; এবং গোবিন্দনাথ স্পষ্ট বুঝিলেন যে, বাক্যের তিতরে যতই ঝাঁজ ভরিয়া দেওয়া যাউক না কেন তাহাতে মাল্লয়ের মাথা ফাটে না; পরন্তু বাশের লাঠি অতিরিক্ত মোটা হইলে অবলীলাক্রমেই ফাটে। প্রথমে কাহার মন্তকের উপর বংশ-দণ্ডের পরীক্ষা করবেন, হরমোহন তাহাই ভাবিতেছিলেন কি না, ঠিক জানি না, এমন সময়ে বাহিরে বারান্দায় পরিচারিকার অসুবর্ত্তিনী একটি বালিকা মূর্ত্তি দেখা গেল। সেই মূর্ত্তি দেখিবামাত্র হরমোহন বেগে ঝড়ের মত ঘর হইতে নিজাক্ত হইয়া গিয়া বালিকাকে দুই বাহর মধ্যে আবদ্ধ করিয়া কহিলেন, “চলু মা, চলু মা! এ পাপ-পুরী যত

শীঘ্র ছেড়ে যেতে পারিস্ ততই মজল !” বলিয়া বালিকাকে লইয়া গাড়ীতে গিয়া উঠিলেন।

গাড়ীর ঘর্ষর শব্দ যখন মিলাইয়া গেল, তখন গোবিন্দনাথ তাকিয়ায় হেলান দিয়া কহিলেন, “আঃ, পাগ গেল !”

সে কথার অমূসরণে কোনও কথা না বলিয়া বিনোদচন্দ্র প্রস্থানের উদ্দেশ্যে উঠিয়া দাঁড়াইলেন।

গোবিন্দনাথ কহিলেন, “এরি মধ্যে চললে কেন হে ? তামাক খেয়ে যাও।”

“না, আর বসব না। রাত হয়েছে।” বলিয়া বিনোদ চলিয়া গেলেন।

অমলা খণ্ডরালয় হইতে বহিষ্কৃত হওয়ার পাঁচ ছয় দিন পরে কোন এক অপরাহ্নে বিজয়নাথ তাহার দ্বিতলস্থ শয়ন কক্ষে শয্যায় শয়ন করিয়া অমুদ্রিত চীন্তে বাহিরের দিকে চাহিয়া ছিল। ওয়েলিংটন ক্লোয়ারের কিয়দংশ তথা হইতে দেখা যাইতেছিল। তথায় নিম্ন শ্রেণীর বহুসংখ্যক লোক সমবেত হইয়া কোনও বিষয় লইয়া তুমুল বচসা বাধাইয়াছিল ; কিন্তু তাহাদের কলহ বা কোলাহলের প্রতি বিজয়নাথের কিছুমাত্র মনোযোগ ছিল না। যে দুরন্ত বেদনা এই কয়েক দিন বুকের মধ্যে দপ্ দপ্ করিয়া নিরন্তর তাহাকে ব্যথিত করিয়াছে, তাহারই নিরবশেষ আঘাতে তাহার সমস্ত চেতনা বিকল হইয়া ছিল। সে অসংলগ্ন ভাবে নিজের বর্তমান অবস্থা উপলব্ধি করিবার চেষ্টা করিতেছিল। বাল্যকাল হইতেই সে মাতৃহীন। ভ্রাতা ও ভগ্নী কেহই তাহার ছিল না। বিপত্নীক পিতার একমাত্র সন্তান হইয়াও সে স্নেহ অপেক্ষা অধিকতর শাসনেরই মধ্যে পালিত হইয়া বড় হইয়া উঠিয়াছে। বিষয়-বিজ্ঞ কঠোর পিতার কর্তব্য পরিচালনার অবকাশে মাঝে মাঝে গোবিন্দনাথের আত্মশূলী বিনোদিনী আসিয়া মরুভূমির মধ্যে ঝুটিধারার মত, কিছুদিনের ক্ষণ্ত বিধি-নিয়ন্ত্রিত সংসারের মধ্যে একটা স্নেহ-সরসতার সৃষ্টি করিত ; কিন্তু সে নিতান্তই মাঝে মাঝে। কঠিন পর্যন্ত যেমন গিরি-নির্বরিণীর উচ্ছ্বাসকে একটুও নিরোধ করে না, অবলীলাক্রমে নিজের কঠোরতার উপর দিয়া বহিয়া যাইতে দেয়, ঠিক সেইরূপে গোবিন্দনাথ বিনোদিনীর সর্বপ্রকার ইচ্ছা-অভিলাষ

কার্য-কলাপের নিয়ে শাস্ত হইয়া থাকিতেন। সংসারে অমলা প্রবেশ করিবার পর বিজয়নাথের বৈচিত্র্যহীন জীবন কয়েক দিনের জন্য এক নূতন আলোকে প্রদীপ্ত হইয়া উঠিয়াছিল, কিন্তু এক অচিন্তিত ঘটনার মধ্য দিয়া দীপ্তিটুকু চিরদিনের জন্য অপসৃত হইয়া গেল, রহিল শুধু অনপনয়ে দাছ ! শীতকালের দ্রুত-বিলীয়মান অপরাহ্নের অস্পষ্টতার দিকে চাহিয়া চাহিয়া একটা অপরিমের ঘানি ও দুগার সমগ্র বিশ্ব-সংসারের উপর বিজয়নাথ জুড় হইয়া উঠিল। মনে হইল তাহার জীবনটা যেন এক বজ্র-বিদীর্ণ মহীৰুহ, পত্র-পুষ্প বাহা কিছু সব জলিয়া গিয়াছে, শুধু নিফল দেহটা মাটির নিম্নের শিকড় অবলম্বন করিয়া দাঁড়াইয়া আছে।

পদশব্দে বিজয়নাথ ফিরিয়া দেখিল কক্ষে একজন ভৃত্য প্রবেশ করিয়াছে। কোন প্রশ্ন না করিয়া সে নিঃশব্দে তাহার দিকে চাহিয়া রহিল।

“দাদাবাবু, আপনাকে কর্তায়শাই ডাকছেন।”

“কেন ? কি দরকার ?”

ভৃত্য প্রয়োজন নির্দেশ করিতে পারিল না।

ক্ষণকাল অলস ভাবে পড়িয়া থাকিয়া বিরক্তি সহকারে বিজয়নাথ শয্যাভ্যাগ করিল ; তৎপরে নিম্নতলে বৈঠকখানায় গোবিন্দনাথের নিকট উপস্থিত হইল।

গোবিন্দনাথ বৈঠকখানায় একাকী অবস্থান করিতেছিলেন, বিজয়নাথকে দেখিয়া কহিলেন, “বোস।”

বিজয়নাথ উপবেশন না করিয়া অন্তদিকে চাহিয়া দাঁড়াইয়া রহিল।

আর কোনও প্রকার ভূমিকা না করিয়া গোবিন্দনাথ কহিলেন,

“তোমার বিবাহের সন্ধক স্থির করেছি। পঁচিশে মাঘ তোমার বিবাহ দোব।”

বিজয়নাথের উত্ত্যক্ত বিদ্রোহী মন এই প্ররোচনায় একেবারে সংযমহীন হইয়া উঠিবার উপক্রম করিল, কিন্তু কোনও রূপে নিজেকে শাস্ত করিয়া লইয়া সে কহিল, “স্থির করবার আগে আমাকে ডাকলে ভাল হোত।”

“কেন?”

বিজয়নাথ একটু ভাবিয়া লইয়া বলিল, “তা হলে বাদেব সঙ্গে কথা স্থির করেছেন, তাদের নিকট অপ্রতিভ হবার কারণ ঘটত না।”

গোবিন্দনাথ তামাক টানিতেছিলেন; বিজয়নাথের কথা শুনিয়া আলবোলায় নলটা ধীরে ধীরে স্থাপন করিয়া বিজয়নাথের দিকে তীব্র দৃষ্টিপাত করিয়া কহিলেন, “ঠিক বুঝলাম না। অপ্রতিভ হবার কারণ কেন ঘটবে?”

বিজয়নাথ দৃঢ়স্বরে কহিল, “আমি বিয়ে করব না।”

“কেন?”

একটু ইতস্ততঃ করিয়া বিজয়নাথ কহিল, “প্রবৃত্তি নেই।”

উত্তর শুনিয়া গোবিন্দনাথ উত্তপ্ত হইয়া উঠিলেন; কহিলেন, “তুমি যখন এতটা প্রবৃত্তিবাজ হয়ে উঠেছ, তখন কথাটা আর একটু পরিষ্কার ক’রে জানা দরকার। হরমোহনের মেয়েকে কি তুমি ত্যাগ কর নি?”

বিজয়নাথ কহিল, “যে কথা শেষ হয়ে চুকে গেছে, সে কথা আবার নতুন ক’রে তুলে লাভ কি? সে বিষয়ে ত’ আমার সঙ্গে আপনার সব কথা হয়ে গিয়েছে।”

“তবে বিয়ে করতে প্রবৃত্তি নেই কেন?”

বিজয়নাথ অবিচলিত কণ্ঠে কহিল, “ঠিক সেই জন্মেই প্রবৃত্তি নেই। এবার যার সঙ্গে বিয়ে হবে, বলা যায় না ত ছদ্মিন পরে তাকেও হয়ত আবার ত্যাগ করতে হ’তে পারে। তার চেয়ে বিয়ে না করাই ভাল।”

পুত্রের এ কৈফিয়তে গোবিন্দনাথ কিছুবাত্র সন্তুষ্ট হইলেন না। বিজয়নাথের কথায় যে প্রচ্ছন্ন রোষ ও তিরস্কার নিহিত ছিল, তাহা তাঁহাকে তীব্রভাবে দংশন করিল। আরক্ত নেত্রে বিজয়নাথের প্রতি দৃষ্টিপাত করিয়া কহিলেন, “তুমি কি বলতে চাও যে, এখন থেকে তুমি আমার কোন কথা বেনে চলবে না, নিজের স্বাধীন মতে চলবে?”

বিজয়নাথ কহিল, “না, আমি ঠিক তা বলতে চাইনে, কিন্তু এটুকু আপনাকে জানাচ্ছি যে, দ্বিতীয়বার বিবাহ আমি করব না। অতএব অনর্পক আপনি সে বিষয়ে কারো সঙ্গে কথা করে অপদস্থ হবেন না।”

গোবিন্দনাথের চক্ষু জলিয়া উঠিল। কহিলেন, “তুমি আমাকে এত দুর্বল মনে কারো না যে, তুমি আমার একমাত্র ছেলে ব’লে তোমার সব রকম উপদ্রব আমি সহ ক’রে চলব!”

অমলাকে পরিত্যাগ করিবার বিষয়ে আলোচনার সময়ে গোবিন্দনাথ একবার বিজয়নাথকে এই বলিয়া ভয় প্রদর্শন করিয়াছিলেন যে, অমলাকে পরিত্যাগ করিতে স্বীকৃত না হইলে তিনি বিজয়নাথকে বিষয় হইতে বঞ্চিত করিতে পারেন। পুনরায় গোবিন্দনাথকে সেইরূপ ইঙ্গিত করিতে দেখিয়া বিজয়নাথের চিত্ত জলিয়া উঠিল। তাহার মনে হইল একপ হীনতা স্বীকার করা অপেক্ষা পথে পথে ভিক্ষা করিয়া জীবন ধারণ করাও শ্রেয়। সে ক্রুদ্ধ কণ্ঠে কহিল, “আপনার সম্পত্তির লোভে আমি সব রকম অত্যাচার সহ ক’রে চলব, আমাকেও তত

হুঁসল মনে করবেন না। আপনার রক্ত আমার শরীরে আছে ; আমি আপনার পোষাপুত্র নই !”

এত বড় কথার উত্তরে গোবিন্দনাথ কোনও কথা বুজিয়া পাইলেন না। তিনি নির্ঝাক হইয়া বসিয়া রহিলেন।

গোবিন্দনাথের উত্তরের জন্ত অপেক্ষা না করিয়া বিজয়নাথ কহিল, “এ বিষয়ে আপনি যা স্থির করবেন, তা আমাকে জানাবেন। যে বিষয়ে আমি আপত্তি জানিয়ে গেলাম তা ছাড়া আর কোনও বিষয়ে আমার আপত্তি হবে না।” বলিয়া তথা হইতে সে প্রস্থান করিল।

মানুষের আয়ু শেষ আছে, কিন্তু জ্ঞানের শেষ নাই, সে কথা সেদিন গোবিন্দনাথ কতকটা বুঝিয়াছিলেন।

সময় জিনিষটা এমন যে, তাহার গতিকে আর কিছু না বলিলেও অবাধ বলা নিশ্চয় চলে। সুখ দুঃখ, রোগ শোক, হাঙ্গরোদন কোন কিছুই খাতিরে তাহার অন্ধ অবিশ্রাম গতি এক মুহূর্তেরও অন্ত সংকুত থাকে না। তাই হরমোহনের বেদনাপীড়িত ঋণ্যর দুঃখের গুরুভার বহন করিয়াও জগতের সহিত ভাল রাখিয়া চলিল। চলার অবশ্য প্রভেদ আছে; কেহ সুখের হাওয়া-গাড়ীতে অবলীলাক্রমে চলিয়াছে, কেহ দুঃখের ভয়পদে সকাতরে চলিয়াছে। কিন্তু চলা তিন্ন কাহারও উপায়ান্তর নাই, চলিতেই হইবে।

স্বপ্ন গৃহ হইতে অমলার বহিষ্কৃত হওয়ার পর ক্রমশঃ ধীরে ধীরে দীর্ঘ তিন বৎসর কাটিয়া গিয়াছে। হরমোহন ও প্রভাবতীর হৃদয়ের ক্ষতর উপর কালের প্রলেপ পড়িয়া পড়িয়া ক্রমশঃ তাহা অধিক হইতে অর হইয়া আসিয়াছে; দুর্ভাগিনী কস্তার ছরদৃষ্ট লইয়া তাঁহাদের যে মনঃকষ্ট এখন তাহার সহিত তাঁহারা অনেকটা বোঝাপড়া করিয়া লইয়াছেন। তাঁহারা বুঝিয়াছেন যে, তাঁহাদের এই স্বামিত্যক্তা কস্তাটিকে তাহার সীমান্তে সিন্দূর এবং হস্তে লৌহবলয় থাকা সত্ত্বেও বিশ্বাসই মত মনে করিতে হইবে, এবং তাঁহাদের কস্তাও বাহাতে তাহার যথার্থ অবস্থা উপলব্ধি করিয়া আপনাকে তদতিরিক্ত কিছু মনে না করে, সে বিষয়েও তাঁহারা মনোযোগী হইতেছিলেন।

কিন্তু এ বিষয়ে অমলার চিন্তের গতি তাহার পিতামাতার অনুগামী ত ছিলই না, বরং বিপরীত ছিল। যে-দিন বৈবাহিকের সহিত বচসা করিয়া হরমোহন অমলাকে নিজ গৃহে লইয়া আসেন, সেদিন পিতা-

মাতার চাকল্য দেখিয়া অমলারও মন অধীর হইয়া উঠিয়াছিল মত্যা, কিন্তু সেদিন তাহার বালিকা-হৃদয়ে সে তরঙ্গ উখিত হয় নাট এখন যাহা সময়ে সময়ে তাহার হৃদয়কে উদ্বেলিত করিতে আরম্ভ করিয়াছে। তখন তাহার চিন্তে বাসনা-কামনার উদ্গাদনা ছিল না, তাই ক্ষতির মাপকাঠিও ক্ষুদ্র ছিল। কিন্তু তাহার পর এই তিন বৎসরে ক্রমশঃ তাহার দেহ ও মনে যৌবনের প্রবল প্রাবল যে কানায় কানায় ভরিয়া উঠিয়াছে, তাহার অনিবার্য উপদ্রব হইতে সে কেমন করিয়া পরিত্রাণ পাইবে? পলে পলে ক্রমশঃ যাহা সঞ্চিত হইয়া উঠিতেছে, অথচ সার্থকতার বিহীন প্রবাহে প্রশান্ত হইয়া বহিয়া যাইবার উপায় নাই, তাহা উদ্ধার না হইয়া আর কি হইবে?

প্রথমে অমলা ব্যাপারটাকে নিতান্ত সামান্তরূপেই গ্রহণ করিয়াছিল। পিতার স্বত্তরে বচসা, কোনপ্রকার গুরুতর কারণ তাহার অজ্ঞাত, কাজেই অল্প দিনে মিটিয়া যাইতে বাধ্য। স্বামীর নিকট সে যে শুধু নিরপরাধ তাহাই নহে; এই অল্পদিনের মধ্যেই সে যে স্বামীর হৃদয় অনেকখানি অধিকার করিয়া লইয়াছিল সে জ্ঞানও তাহার ছিল। তবে কেন সে স্ত্রীর সহজ এবং ভ্রাতৃ প্রাপ্য হইতে বঞ্চিত হইবে? কেন সে মনে করিবে যে, পাপ না করিয়াও সমস্ত জীবন তাহাকে প্রায়শ্চিত্ত করিতে হইবে? কিন্তু কোনো প্রকার পরিবর্তন না আনিয়া যখন দিনের পর দিন মাসের পর মাস কাটিয়া গেল, তখন অমলা ব্যস্ত হইয়া বিজয়নাথকে কয়েকখানি পত্র লিখিল। প্রথমে সহজ পত্র, তাহার পর অভিমান, তাহার পর ক্রোধ, সর্বশেষে মিনতি। প্রত্যেক পত্রটি লিখিয়া উত্তরের অপেক্ষায় সে উদ্গীর্ব হইয়া থাকিত; মনে মনে বিজয়নাথের পত্রের মর্ম্ম কল্পনা করিত। অকারণ-নিষ্ঠুর আচরণের

জন্ম পত্রমধ্যে কত দুঃখ, কত অমৃততাপ প্রকাশ ; তাহার পর সেই অসঙ্গত অপরাধ-খালনের জন্ম কি ব্যাকুল ও কাতর ভাষায় কমা প্রার্থনা করা ! পত্রের প্রতি অক্ষর যেন দুঃখ ও বেদনার এক একটি পর্দা ! নিজের অমুখোপ ও ভৎসনা-তীক্ষ্ণ পত্রের উত্তরে বিজয়নাথের কল্লিত কাতর পত্র পাঠ করিয়া অমলা মনে মনে কুণ্ঠা ও ক্রেশ অমৃতভব করিত। তাহার পর একদিন বসন্তের কোনো এক অপূর্ণ সন্ধ্যায়, যখন প্রকৃতি গন্ধে-বর্ণে, পুষ্প-গীতে, প্রমত্ত কামিনীর মত লালসা-চঞ্চল হইয়া উঠিয়াছে ; মলয় পবন, চন্দ্র কিরণ ও পাপিয়ার তান মিশ্রিত হইয়া এক অদ্ভুত রসায়ন প্রস্তুত হইয়াছে ; এবং সেই উগ্র আসব পান করিয়া বিশ্ব বিবশ হইয়া টলমল করিতেছে ; মিলনের সেই মাহেজ্ঞকণে সহসা বিজয়নাথ আসিয়া উপস্থিত হইবে,—ব্যথিত, অমৃতপ্ত ! চক্ষে আকুল আগ্রহ, বক্ষে ব্যাকুল প্রেম ! অমলা মুদ্রিত কলিকার মত, সঙ্কুচিত গুঞ্জির স্তায় আপনাকে আপনার মধ্যে নিবদ্ধ করিয়া কঠিন হইয়া অবস্থান করিবে,—সংজ্ঞাহীন, শব্দহীন, অসাড়া ! তাহার পর আবেদন নিবেদন মিনতি বিনতি ; তাহার পর সহসা কখন চক্ষের পলকে বাহতে কণ্ঠে, অধরে অধরে বক্ষে বক্ষে নিবিড় মিলন !

কিন্তু হায়, কোথায় সে অধীর উন্নত মিলন ! কোথায় পত্র-পত্রোত্তর ! কোথায় বসন্তের মদালস সন্ধ্যা ! এ যে নিদাঘের দুঃসহ প্রদাহে সমস্ত জলিয়া পুড়িয়া গেল !

এইরূপে দিনের পর দিন অতিবাহিত হইয়া ক্রমশঃ, মেঘের মধ্যে বজ্রের মত, অমলার অন্তঃকরণে দুঃখের মধ্যে বিদ্যেব উৎপন্ন হইল। মনের যখন এইরূপ অধীর বিজ্রোহী অবস্থা তখন সহসা এক দিন অমলার জীবন-পথে প্রেমথ আসিয়া দাঁড়াইল।

প্রমথ পিতৃমাতৃহীন ধনী যুবক। নিবাস হুগলী জেলার অন্তর্গত কোন গ্রামে। উচ্ছৃঙ্খল চরিত্রের সহিত অর্থ সংযুক্ত হইলে মানুষ যে পথের পথিক হয়, প্রমথনাথের নিকট সে পথের কোনো সন্ধান-সন্ধি অজ্ঞাত ছিল না। সমঝদার ব্যক্তির বলিত, এ বিষয়ে প্রমথ অদ্বুত কৌশলী ; উপহার ভাষায়, নারী-মুগ্ধায় সে নিপুণ শীকারী। কোনো চকিতা ত্রস্তা হরিণীকে ধরিতে হইলে, কখন তাহার কর্ণে বংশীর কোন্ রাগিণী বর্ষণ করিতে হইবে, কোন্ পথে তাহার গতি অপ্রতিহত রাখিতে হইবে এবং কোন্ পথে রোধ করিতে হইবে, পদস্থলনের জন্ত কখন তাহার পথে প্রচ্ছন্ন গম্বর প্রস্তুত করিতে হইবে, এবং কোন্ পরম এবং চরম অবসরে তাহার চতুর্দিকে নিক্ষিপ্ত জাল ধীরে ধীরে কিম্বা দ্রুতবেগে গুটাইয়া লইতে হইবে, সে সকল কৌশল এ ব্যাধের সম্পূর্ণ আয়ত্ত ছিল। গতিকে সে এমন মন করিতে জানিত যে, দেখিলে তাহাকে গতিহীন বলিয়া ভ্রম হইত ; এবং উদ্দেশ্যকে সে এমন প্রচ্ছন্ন রাখিতে পারিত যে, শীকার তাহার করায়ত্ত হইয়াও তাহার উদ্দেশ্য বুঝিতে পারিত না।

অমলার সহিত প্রমথের একটা আত্মীয়তার সম্পর্ক ছিল বটে, কিন্তু তাহা এতই ক্ষুদ্র যে, সম্পর্ক অপেক্ষা সম্পর্কের অভাবই তাহার দ্বারা অধিক স্মৃতিত হইত। অমলা প্রমথনাথের দূর সম্পর্কিণী মাসীর নন্দ-কন্যা। কিন্তু দূরকে নিকট করিয়া লইবার কৌশল যাহার জানা আছে, তাহার নিকট কোন দূরত্বই দূর নহে। তাই সেদিন যখন হরমোহনের গৃহে উপস্থিত হইয়া অমলাকে সম্মুখে পাইয়া তাহাকে অন্তরালে ঘাইবার

অবসর না দিয়াই প্রমথ বলিয়া উঠিল, “কি অমলা, তোমার প্রমথদাদাকে মনে আছে ত ?” তখন অমলার গমনোদ্ভূত চরণ সহসা গতি হারাইয়া আর এক পদও অগ্রসর হইতে পারিল না। সম্পর্ক ধরিয়া যে ডাক দিয়াছে, তাহাকে লজ্জা করিতে সঙ্কোচ বোধ করে না, এমন নির্লজ্জ অতি অল্পই আছে।

অমলার মুখে কিন্তু প্রমথর প্রশ্নের কোন উত্তর আসিল না ; সে লজ্জায়ুক্তিম মুখে মার্তির প্রতি দৃষ্টিপাত করিল।

প্রভাবতী হস্তমুখে कहিলেন, “মনে নিশ্চয়ই আছে, তবে বছর চার পাঁচ তোমার দেখা ত’ আমরা পাই নি। প্রমথকে প্রণাম কর অমলা।”

অমলা ভূমিষ্ট হইয়া প্রমথকে প্রণাম করিল। অবনতা অমলার মস্তকে হস্তার্পণ করিয়া প্রমথ कहিল, “চিরসুখী হও।” অমলা সরিয়া আসিয়া জননীর পার্শ্বে উপবেশন করিল।

প্রমথর আশীর্বাদ শুনিয়া প্রভাবতী দীর্ঘনিঃশ্বাস ফেলিলেন। “সুখ আর কোথায় বাবা ? সুখের পথে ত’ বিধাতা চিরদিনের জন্য কাঁটা দিয়েছেন !”

কথাটা প্রমথ ভালরূপই জানিত, কিন্তু তব্বিষয়ে যেন সে কিছুই জানে না সেইভাবে সবিস্ময়ে বলিল, “কেন বল দেখি ? কি হয়েছে ?”

প্রভাবতী সংক্ষেপে কিন্তু ধীরে ধীরে প্রায় সব কথাটাই বলিয়া গেলেন। বসিয়া থাকা অপেক্ষা উঠিয়া যাইতেই বেশী লজ্জা করিতেছিল বলিয়া উঠি উঠি করিয়াও অমলা মাথা নীচু করিয়া বসিয়া নিজের ছুরদৃষ্টের কাহিনী শুনিতে লাগিল, এবং সেই সঙ্করণ কাহিনী শুনিতে শুনিতে ছলনার মধ্যেও প্রমথর মুখে মাঝে মাঝে বিরক্তি ও ঘৃণার স্পর্শশ্রুতি চিহ্ন অঙ্কিত হইয়া উঠিতে লাগিল।

কাহিনী সমাপ্ত হইলে প্রমথ ক্ষণকাল একপাশে নির্ঝাঁক হইয়া রহিল যে, তাহার মুখের দিকে চাহিয়াও প্রভাবতীর, এবং তাহার মুখের দিকে না চাহিয়াও অমলার মনে হইল যে দুঃখে, ক্রোধে ও স্বপ্নায় তাহার মুখ দিয়া কথা বাহির হইতেছে না। অবশেষে দস্তে দস্ত নিশ্চেষ্ট করিয়া চাপা গলায় প্রমথ যখন কয়েকটা দুর্বোধ্য ইংরাজী বাক্য উচ্চারণ করিল, তখন তাহার মর্ম কিছুমাত্র না বুঝিয়াও প্রভাবতী ও অমলা বুঝিল যে, গোবিন্দনাথ ও বিজয়নাথের প্রতি সেগুলি কঠোর কট্টকি।

সমবেদনার প্রভাবে প্রভাবতীর চক্ষে জল আসিল। অঙ্কলের প্রান্তে চক্ষু মুছিয়া কহিলেন, “এ যে আমার কি শাস্তি হয়েছে বাবা! এর চেয়ে যদি যেয়েটা—” বাকি কথা মুখেই রহিয়া গেল, এত দুঃখেও কন্টার অকল্যাণের বাক্য মুখ দিয়া বাহির হইল না।

মুখ বিকৃত এবং চক্ষু বিস্ফারিত করিয়া প্রমথ কহিল, “কি বলব মাসিমা, এর ওষুধ হচ্ছে চাবুক, ঘোড়ার চাবুক!” কিন্তু বক্তৃতাটাকে এক নিমেষে অমলার মুখের ভাবে তাহার মনের ভাব বুঝিয়া লইয়া বলিল, “কিন্তু এ আমি নিশ্চয় বলতে পারি যে, বিজয়ের এর মধ্যে কোনো দোষ নেই, বাপের বর্তমানে সে কি করতে পারে বল? লেখাপড়া শিখে সে যে নিজের ইচ্ছায় এমন আনোয়ারের মত ব্যবহার করবে, এ আমার কিছুতেই বিশ্বাস হয় না। তুমি ঠিক জেনো মাসিমা, সময়ে এসব ঠিক হয়ে যাবে।”

ব্যথিত স্বরে প্রভাবতী বলিলেন, “একদিন আমিও এই আশাই করতাম। কিন্তু আর আমার সে আশা নেই। তাই যদি তার মনে থাকত তাহলে এই তিন বৎসরে মেয়েটাকে অন্ততঃ একখানা চিঠিও ত দিতে পারত? আচ্ছা, তা না-হয় নাই দিলে, কিছুদিন আগে পথে

এঁদের সঙ্গে দেখা হয়েছিল, এঁরা কথা কইতে গিয়েছিলেন, কিন্তু সে কথা ন্ন ক'য়ে পাশ কাটিয়ে চ'লে গিয়েছিল। তবে আর ভাল বলি কাকে বল ?”

কথাবার্তার গতি ক্রমশঃ যে রূপ ধারণ করিতে লাগিল, তাহাতে আর কোন প্রকারেই অমলার সেখানে বসিয়া থাকা চলিল না। উঠিবার সঙ্কোচ কোনো প্রকারে অতিক্রম করিয়া সে উঠিয়া পড়িতেই প্রভাবতী বলিলেন, “অমলা, প্রথমতঃ জন্মে জলখাবার নিয়ে এস ত মা। এই রোদে বাছার মুখ একেবারে শুকিয়ে গেছে !”

জলখাবারের জন্ত নুহ আপত্তি করিয়া প্রথম পুনরায় পূর্ব কথা পাড়িল। অমলা ঘর হইতে বাহির হইয়া যাইবার পূর্বেই তাড়াতাড়ি বলিল, “এ সব কথা আমাদের আগে জানাও নি কেন মাসিমা ? আমার বিশ্বাস, ব্যাপারটা এতদূর গড়ান সম্ভেও আমি মিটিয়ে দিতে পারব।”

কথাটা শেষ পর্য্যন্ত শুনিবার একটা অধীর আগ্রহ বহন করিয়া, অমলা ধীরে ধীরে বাহির হইয়া গেল। প্রথমতঃ আখ্যায়িক-বচন শুনিয়া তাহার অসাড় বিমুখ হৃদয় সহসা যেন বিদ্যুৎস্পৃষ্টের মত চকিত হইয়া উঠিল,—আশার আনন্দে নহে, কৌতূহলের উত্তেজনায় ; যে পথের লৌহ-দ্বারে অদৃষ্ট কঠিন অর্গল দিয়া দিয়াছে, সেখানে আর ব্যবস্থা করিবার কি বাকি আছে, তাহাই জানিবার আগ্রহে।

প্রভাবতী কিন্তু আশায় ও আনন্দে একেবারে উদ্বেলিত হইয়া উঠিলেন। কল্লার দুর্ভাগ্যের জন্ত তাহার মনে এক মুহূর্ত্তও স্নেহ ছিল না। কালের প্রভাবে চুঃখের সে তীব্র ক্লেশ কমিয়া গিয়াছিল বটে, কিন্তু একটা বদ্ধ-গতীর বেদনা হৃদয়কে নিরন্তর তারাজ্ঞাস্ত করিয়া রাখিত। তাই এই দুর্ভাগ্য পারিবারিক অমঙ্গল হইতে উদ্ধার পাইবার

বিন্দুহাজ আশ্বাস পাইয়াই তাঁহার মন সস্তাবনা। সস্তাবনার বিচার না করিয়াই একেবারে নাচিয়া উঠিল।

“তা যদি পার বাবা, তা হলে, তুমি পেটের সস্তানের তুল্য তোমাকে আর বেশী কি বলব, পোড়ারমুখীর একটা কিনারা হয়। তা না হলে, মা হয়েও এ কথা আমার মুখে বাধছে না, ওর থাকার চেয়ে না থাকাই ভাল।”

অমলা যতক্ষণে প্রমথর জন্ত জলখাবার লইয়া প্রবেশ করিল, ততক্ষণে প্রমথ আশা ও আশ্বাসের প্রয়োগে প্রভাবতীর মন সম্পূর্ণরূপে জয় করিয়া লইয়াছিল। এই ভাবিয়া প্রভাবতীর অশুশোচনা হইতেছিল যে, মনান্তরের প্রথম সূচনার সময়ে প্রমথ কেন আসে নাই, তাহা হইলে সম্ভবতঃ এই নিদারুণ বিপত্তি ঘটিতেই পারিত না। এত দুঃখের পরও যাহার ককণায় পরিত্রাতা রূপে আজ প্রমথ আসিয়া দাঁড়াইয়াছে, তাঁহার চরণোদ্দেশে প্রভাবতী শতবার মনে মনে প্রণাম করিলেন।

এক হস্তে একখানা রেকাবে কিছু আহাৰ্য্য ও অপর হস্তে এক গ্লাস জল লইয়া অমলা প্রবেশ করিল, এবং প্রমথর অনতিদূরে একখানি আসন পাতিয়া, আগনের সম্মুখে জল-হাত বুলাইয়া জলখাবারের পাত্র ও জলের গ্লাস রাখিয়া মুখ তুলিতেই প্রমথর দৃষ্টির সহিত তাহার দৃষ্টি মিলিত হইল। সম্পর্কের হিসাবে প্রমথ অমলার দাদা, তা সে সম্পর্ক যত দূরই হউক না কেন; এ পর্য্যন্ত বাক্যে ও আচরণে প্রমথ সেই সম্পর্কেরই হিসাব রাখিয়া আসিয়াছে, এবং গৃহে পদার্পণ করিয়া অবধি সে অমলার জীবনের সর্বোচ্চ ইষ্টসাধন করিবার ভার স্বেচ্ছায় গ্রহণ করিয়া, অন্ততঃ বাহ্যতঃ, অমলার একজন পরম শুভাহুধ্যারী রূপে নিজেকে দাঁড় করাইয়াছে। প্রমথর স্বপক্ষে এ সকল প্রমাণ থাকা সত্ত্বেও, মনুষ্য-

মস্তিষ্ক-নিহিত আত্মরক্ষা স্বাভাবিক বুদ্ধিবলেই হউক অথবা অপর যে কারণেই হউক, প্রমথকে ততখানি স্তম্ভাশ্রয়ী বলিয়া অমলার মনে হইল না, যতখানি প্রভাবতীর মনে হইতেছিল। প্রমথর সহিত চোখো-চোখি হইতেই অমলার মনে হইল যে, প্রমথর সেই তীব্র-তীক্ষ্ণ দৃষ্টির মধ্যে যে জিনিষটা সর্বাপেক্ষা উজ্জ্বল, তাহা ঠিক করুণা বা উপচিকীর্ষার মতই স্নিগ্ধ নহে। সে তাড়াতাড়ি দৃষ্টি নত করিল।

অমলা যখন অবনতি হইয়া জলধাবার দিতেছিল, তখন তাহার আনত-আরক্ত মুখের উপর প্রমথ ও প্রভাবতী উভয়েরই দৃষ্টি নিবদ্ধ হইয়া ছিল। মাহুকের মন এত সহজে ও সম্পূর্ণ রূপে প্রচ্ছন্ন থাকে যে, এই দুইটি পরস্পর-বিরোধী মন এত কাছাকাছি ও পাশাপাশি থাকিয়াও কোনো প্রকার গোলযোগের সৃষ্টি করিল না। প্রভাবতী নিশ্চিন্ত প্রসন্ন মনে যখন বুঝিয়া রহিলেন যে, প্রমথর পরহৃৎকাতর ক্রমে সহানুভূতি ও হিতৈষণার সূচনা করিত হইতেছে, ঠিক তখন তথার লালসা ও শঠতার রাসায়নিক ক্রিয়া পূরাদস্তুর চলিতেছিল।

হরমোহন আফিস হইতে আসা পর্যন্ত প্রভাবতী প্রমথকে ছাড়িলেন না, এবং প্রমথও সহজেই সে পর্যন্ত থাকিয়া গেল।

প্রমথর মুখে সকল কথা শুনিয়া হরমোহন বলিলেন, “আমার ত একটুও মনে হয় না যে, সে পাষণ্ডকে তুমি কোন রকমে রাজি করতে পারবে। তবে বিজয় যখন তোমার বন্ধু বলছ, তখন চেষ্টা ক’রে দেখতে পার। কিন্তু তার বিষয়েও আমার কোনো আশা নেই, সে-ও তার বাপেরই মত নির্ধম বলে আমার মনে হয়।”

কক্ষের বাহিরে দ্বার-পার্শ্বেই যে অমলা ছিল, তাহা প্রমথ, চক্ষে দেখিতে না পাইলেও, অহুমানে বুঝিয়াছিল। ঘরের বাহির হইতেও

বাহাতে কথা শুনিতে পাওয়া যায়, এরূপ উচ্চকণ্ঠ সে বলিল “গোবিন্দ-বাবুর বিষয়ে আপনি যাই বলুন মেসোমশায়, আমি তাতে আপত্তি করব না ; কিন্তু বিজয় আমার বন্ধু, তাকে ত আমি চিনি । সে কখনো নিজের ইচ্ছায় এ ব্যাপার করে নি । সে যখন স্বাধীন ভাবে চলতে পারবে, তখন নিশ্চয়ই তার ত্রুটি শুধরে নেবে ।”

প্রথমতঃ কথা শুনিয়া হরমোহন মনে মনে হাসিলেন ; মুখে বলিলেন, “তা বেশ ত, তুমি চেষ্টা ক’রে দেখ । যদি সফল হও ত একটা নিরীহ বালিকার ব্যর্থ জীবন সার্থক করবে । কিন্তু দোহাই বাবা, আমাকে যেন এর মধ্যে টেনো না । আমি আর জীবনে গোবিন্দা হারামজাদার সঙ্গে বাক্যালাপ করব না, তা যদি সে এসে আমার পায়ে ধ’রে ক্ষমা চায়, তবুও নয় ।”

একটু হাসিয়া প্রথম বলিল, “না, এর মধ্যে আপনার সাহায্য আমি একেবারেই চাইব না । তা ছাড়া, ঠিক অবসর না বুঝলে আমিও এ বিষয়ে কথা পাড়ব না । দেরী যদি হয়, তাহলে মনে করবেন না যে, আমি নিশ্চেষ্ট রয়েছি, বা চেষ্টা নিষ্ফল হোলো ।”

হরমোহন বলিলেন, “না, না, সে তুমি যেমন ভাল বুঝবে, করবে । কখনই যে ঘটনা ঘটবে না ব’লে আমার বিশ্বাস, সে ঘটনা কেন শীঘ্র ঘটেছে না ব’লে আমি কখনো অধীর হব না ।”

পুনরায় হাসিয়া প্রথম বলিল, “আপনি যখন আমাকে এমন অবাধ অবসর দিচ্ছেন, আর যেন সফলতার একটুও আশা রাখছেন না, তখন আমার মনে হচ্ছে, আমি নিশ্চয় সফল হব ।”

এক পেয়ালা গরম চা নিঃশেষ করিয়া প্রথম বাহিরে আসিয়া গৃহ-কার্যরতা প্রভাবতীকে বলিল, “হাসিনা, আজ তাহলে চললাম ।” তাহার

পর অদূরে দণ্ডায়মান। অমলাকে লক্ষ্য করিয়া বলিল, “অমলা, পান থাকে ত, হু চারটে দাও, অনেকখানি রাস্তা চলতে হবে।”

ব্যস্ত হইয়া প্রভাবতী বলিলেন, “অমল, শীগ্গীর তোমার প্রথম দাদাকে পান দাও ; যদি সাজা না থাকে ত সেজে দাও।” প্রমথকে লক্ষ্য করিয়া বলিলেন, “রাত হয়ে গেছে, ছুটি থেয়ে যাও না বাবা ?”

স্বিতমুখে প্রমথ বলিল, “এ ত বাড়ীর কথা মাসীনা, দরকার হ’লে চেরে থেয়ে যাব। কিন্তু আজ নয়, আজ আমার একটু বিশেষ দরকার আছে।”

“তবে শীগ্গীর আর একদিন এসো।”

“তা আসব এখন। পান সাজা না থাকলে দরকার নেই অমলা, আমি চলাম।” বলিয়া প্রমথ প্রস্থানোত্ত হইল।

“না, না, দেরী হবে না ; সেজে দিচ্ছে। পান নিয়ে তবে য়েয়ো।” লিয়া প্রভাবতী রন্ধনালয়ের অভিমুখে প্রস্থান করিলেন।

পাশের একটা ঘরে অমলা তাড়াতাড়ি পান সাজিতে বসিয়াছিল, প্রমথ আসিয়া নিকটে দাঁড়াইল।

“পান সাজতে হ’ল অমল ? মশলা দিলেই ত পারতে ? তাই দাও না।”

এই অতি-বনিষ্ঠতার সন্ধাননে লজ্জিত হইয়া অমলার মুখ লাল হইয়া উঠিল। সে অবনত মস্তকে বলিল, “দেরী হবে না, একটু দাঁড়ান।”

বিস্ময়াভিষ্যের সুরে প্রমথ বলিয়া উঠিল, “দাঁড়ান কি রকম কথা অমলা ! আপনার লোককে কখনো আপনি বলতে আছে ? দাঁড়াও !”

এই আত্মীয়তাসূচক ভৎসনার অধিকতর লজ্জিত হইয়া অমলা

মাথা নত করিয়া রহিল। তৎপরে চার খিলি পান মুড়িয়া উঠিয়া দাঁড়াইয়া নীরবে প্রমথর দিকে আগাইয়া ধরিল।

অমলার হস্ত হইতে পান লইয়া স্নিতমুখে প্রমথ বলিল, “আচ্ছা আজকে ক্ষমা করলাম ; কিন্তু ফের যদি কোনো দিন এমন অবিবেচনা করাজ কর, তাহলে সকলের সামনে তোমাকে আপনি ব’লে সম্বোধন ক’রে শাস্তি দোব। আর এমন ভুল হবে না ত ?”

অগত্যা অমলাকে মুহূর্ত্ত সহকারে বলিতে হইল, “না।”

“বেশ !” বলিয়া প্রমথ প্রক্লম্বুখে প্রশ্রয় করিল।

পর দিন প্রাতে প্রমথ তাহার এক বিশেষ অমুগত বন্ধুর গৃহে উপস্থিত হইল। বন্ধুর নাম মাণিকলাল মুখোপাধ্যায়।

মাণিক গৃহেই ছিল, বাহিরে আসিয়া প্রমথকে দেখিয়া হস্তমুখে বলিল, “কি প্রমথ, এত সকালে কি মনে ক’রে ?”

প্রমথ হাসিয়া বলিল, “তোমাকে মহাজন করতে।”

“মহাজন করতে ? কার মহাজন হে ?”

ইতস্ততঃ দেখিয়া লইয়া প্রমথ মাণিকলালের কর্ণে মুহুরে কথা বলিল।

“কি রকম ?” বলিয়া বিস্ময়-বিস্ফারিত নেত্রে মাণিক প্রমথের প্রতি চাহিয়া রহিল।

“সব না শুনলে বুঝতে পারবে না। তোমার সঙ্গে বিশেষ একটু পরামর্শ আছে। কোথায় বসবে বল ?”

“এইখানেই বোস না। এখানে এখন কেউ আসবে না।”

অর্দ্ধ ঘণ্টার মধ্যে সমস্ত পরামর্শ স্থির হইয়া গেল। প্রমথ বলিল, “কি হে, পারবে ত ?”

প্রমথের কথা শুনিয়া মাণিক শুধু ঈষৎ হস্ত করিল, প্রশ্নের উত্তরে কিছু বলার প্রয়োজন আছে বলিয়া মনে করিল না।

প্রমথ বলিল, “তা হলে আর দেবী ক’রে কাজ নেই, এখনই বেরিয়ে পড়। আমি সন্ধ্যার সময়ে আবার আসব। নাম আর ঠিকানাটা কাগজে লিখে নাও।”

ধরের একরাশ টাকা জলে ফেলা। তারপর সমন ধরাবার জন্তে পেয়াদার কাছে খোসামুদী, তারপর এত কষ্টে যদি বায়লা ডিক্রী হ'ল ত' ডিক্রীজারীর ব্যবস্থা, বাড়ী ক্রোক করানো, নিলাম করানো। তারপর আপনার হাওনোটের টাকা, বাড়ীখানি যদি কোথাও বাধা থাকে, তা হলে—”

চিন্তিত মুখে প্রিয়নাথ তাড়াতাড়ি বলিয়া উঠিলেন, “ধায়ুন মশায়, ধায়ুন! আমি এত কথা না ভেবেই চিন্তিত হয়ে আছি, আমাকে আর বেশী ভয় দেখাবেন না! এখন উপায় কি বলুন দেখি?”

গম্ভীর মুখে মাণিক বলিতে লাগিল, “বাড়ী যদি বাধা থাকে ত আপনার টাকা যুজুড়ীর ট'য়াকে গেল। তারপর আপনি যদি নিতান্ত চক্ষুলাহীন হন ত' বন্ধুর বিক্রমে দেহ গ্রেপ্তারের ব্যবস্থা, বন্ধুকে জেলে দেওয়া; তারপর তাকে বলিয়ে ছ' মাস ধ'রে খাওয়ান (তর্জনী হেলাইয়া) আপনার নিজের খরচে!”

মাণিককে আর অধিক বলিবার অবসর না দিয়া প্রিয়নাথ ঈষৎ ক্রুদ্ধভাবে কহিলেন, “তা'হলে আপনি বলতে চান কি? আমি হাওনোটখানার টিকিট ছিঁড়ে আপনাকে দিয়ে দোব, আর আপনি গিয়ে লেখানা হরমোহনকে ফেরৎ দেবেন?”

মুচকিয়া হাসিয়া জিভ কাটিয়া মাণিক বলিল, “রামচন্দ্রঃ! তা'হলে আপনার আর উপকার করলাম কি? আপনি কতকটা ঠিক বলেছেন, আমি আপনার হাওনোটখানা নিয়ে যেতে চাই বটে, কিন্তু হুদে আসলে আপনার সব টাকা শোধ ক'রে দিয়ে তবে!”

“কি রকম?” প্রিয়নাথের চক্ষু বিন্মরে বিন্দারিত হইয়া উঠিল।

ধীর গম্ভীর সুরে মাণিক বলিল, “ঠিক যে-রকম বলছি। আপনি

যদি রাজি থাকেন, আজ বৈকালেই হাওনোটখানা কিনে নিতে রাজি আছি।”

“কিনে নিতে?”

“আজ্ঞে হ্যাঁ।”

“সত্যি কথা?”

“সত্যি কথা।”

“পরিহাস করছেন না?”

“পরিহাস করছি নে। পরিহাস করবার মত আপনার সঙ্গে কোনো সম্পর্ক আমার নেই।”

প্রিয়নাথের মুখ দিয়া আর কোনো বাক্য বাহির হইল না, শুধু বিষয়-বিমূঢ় হুটি চক্ষু মাণিকের মুখে নিক্ষেপ করিয়া নিঃশব্দে চাহিয়া রহিলেন।

মাণিক বলিল, “আপনি নিশ্চয়ই ভাবছেন, এত বিপদের ভয় দেখিয়ে এ লোকটি স্বেচ্ছায় সেই বিপদে নিজেকে কেন বিপন্ন করতে চাচ্ছে। কেমন, ঠিক নয়?”

ইতস্ততঃ করিয়া দ্বিধা-জড়িত কণ্ঠে প্রিয়নাথ বলিলেন, “না, ঠিক তা নয়। তবে হ্যাঁ, আচ্ছা ওই কথাটারই জবাব দিন না।” তাহার পর হঠাৎ পশ্চাৎ দিকে মুখ ফিরাইয়া উচ্চকণ্ঠে বলিলেন, “ওরে থোকা! শীগ্গীর একডিবে পান নিয়ে আয়।”

মনে মনে হাসিয়া, প্রকাশে দীর্ঘ চিন্তার ভাব দেখাইয়া, মাণিক কহিল, “কথাটা আপনাকে বলতে পারি, যদি এই আখ্যানটুকু পাই যে, কথাটা আর কেউ জানবে না।”

ব্যস্ত হইয়া প্রিয়নাথ বলিতে লাগিলেন, “আজ্ঞে না, কিছুতেই নয়,

কোনো মতেই নয়! তবে যদি আপনার দ্বিধা হয়, কাজ কি, নাই গুনলাম! নিশ্চয়ই একটা সঙ্গত কারণ আছে! আর যদি নাই থাকে, তাতে আমার কি এসে গেল!”

মাণিক বলিল, “বিলম্ব! আপনি যখন কথা দিচ্ছেন, তখন আবার দ্বিধা কি। তবে আপনি যখন বলছেন, সঙ্গত কারণ আছেই, আর না থাকলেও আপনার কিছু এসে যায় না, তখন না হয় নাই বললাম। কি বলেন?”

ব্যগ্র হইয়া প্রিয়নাথ কহিলেন, “বলবেন না, কখনো বলবেন না! নিজের গুপ্ত-কথা কখনো কাউকে বলতে নেই। কখনু কার মুখ দিয়ে ইচ্ছার অনিচ্ছার বার হয়ে যায় বলা যায় না ত!” তাহার পর কণ্ঠস্বর সহসা গম্ভীর করিয়া কহিলেন, “দেখুন মাণিকবাবু, কথাটা যখন তুললেন, তখন দেরী না ক’রে সেরে ফেলাই ভাল। মানুষের মনের কথা ত’ বলা যায় না। সাত পাঁচ ভেবে যদি পেছিয়েই পড়ি, সে ভাবনাও আছে ত?”

সবিনয়ে মাণিক কহিল, “আজ্ঞে ই্যা, সে ভাবনা ত’ আছেই, তার চেয়ে গুরুতর ভাবনাও আছে।”

চিন্তিত হইয়া প্রিয়নাথ কহিলেন, “কি বলুন দেখি?”

মাণিকলাল তেমনি নিরীহভাবে কহিল, “সাত পাঁচ ভেবে আমরাই যদি পেছিয়ে পড়ি!”

মাণিকলালের কথা শুনিয়া মনে মনে বিশেষরূপ চিন্তিত হইয়া প্রিয়নাথ উক্ত বিষয়ে আর কোনো কথা না কহিয়া চীৎকার করিয়া উঠিলেন, “ওরে ও খোকা, পান নিয়ে আর না রে!”

কয়েক দিনের মধ্যে যথাবিধি নোটস আদি জারি হইয়া হরযোহনের হাওনোট মাণিকলালের নামে বিক্রয় হইয়া গেল।

সন্ধ্যা উত্তীর্ণ হইয়া গিয়াছে, কিন্তু ঘরে ঘরে প্রদীপ জালিবার কোনও উদ্ভোগ নাই। ঘনায়মান অন্ধকারে বারান্নায় বসিয়া প্রভাবতী বিনম্র মুখে নিজের ছুরদুটের কথা চিন্তা করিতেছিলেন, এবং ঘরের ভিতর শয্যার উপরে বালিসে মুখ গুঁজিয়া অমলা অসাড় হইয়া পড়িয়া ছিল। আজ গৃহে নূতন মহাজন যানিকলাল আসিয়া হাঙ্গাম বাধাইয়াছে, পরদিন স্নেহে আসলে সমস্ত টাকা পরিশোধ না করিলে নালিশ করিবে।

অমলা আঁতর্ হইয়া পড়িয়া ছিল, কেবল মাত্র নালিশ হইবার ভয়ে বা ভাবনার নহে। যে ভীষণ বেদনায় তাহার চিত্ত নিপীড়িত হইতেছিল, তাহার জন্ত মহাজনের পরিবর্তে খাতকই প্রধানতঃ দায়ী ছিল। টাকার জন্ত যানিকলালের নিকট দুঃসহ অপমান-বাণী শুনিয়া ভিতরে আসিয়া হরমোহন অল্প যে হুই একটি কথা বলিয়াছিলেন, তাহা শুনিয়া অমলার পুনঃ পুনঃ ইহাই মনে হইতেছিল যে, তাহার বিড়ম্বিত জীবন লইয়া সে নিজে যত না কষ্ট পাইয়াছে, তাহার দশগুণ কষ্ট অপরকে দিয়াছে, এবং ভবিষ্যতে সে তাহার ছুরদুট লইয়া নিজে যত না অসুখী হইবে, তাহাকে লইয়া অপরে তাহার দশ গুণ অসুখী হইবে। মনে হইতেছিল ; এমনই অশুভ মুহূর্তে সে এই বৃহৎ দিবসের পৈত্রিক গৃহে প্রবেশ করিয়াছিল যে, গৃহখানি অপরের হস্তে তুলিয়া দিয়া তাহার একমাত্র সহোদরকে গৃহহীন না করিয়া সে নিরস্ত হইবে না।

যাহা হইবার তাহা তা হইয়াই গিয়াছে, তাহার আর কোনও উপায় ছিল না, অমলা ভাবিতেছিল ভবিষ্যতের কথা। এই দুঃখ ও অপমানের

হাত হইতে নিজেকে বাঁচাইবার উপায় সৰ্কানাই তাহার হাতে রহিয়াছে, কিন্তু তাহাতে ত বিপন্ন সংসারের কোনও উপায় হইবে না। তাহারই অন্ত যে নিষ্ফল অসার্থক ঋণ কালসর্পের মত তাহার পিতার বর্তমানকে ও তাহার সহোদরের ভবিষ্যৎকে কঠিন ভাবে বেঁটন করিয়া ধরিয়াছে, তাহার দৃঢ় পাশ হইতে কি প্রকারে মুক্তিলাভ করা যায়, অমলা তাহাই ভাবিতেছিল। সে বিষয়ে কোনো প্রকার উপায় করা তাহার পক্ষে অসম্ভব সে জ্ঞান মনে মনে সম্পূর্ণ থাকিলেও, নিজের জীবনটাকে তাহার আজ এমনই এক অক্ষম্য অপরাধের মত মনে হইতেছিল যে, নিজের উপর দিয়া এমন একটা নিদারুণ কল্পনা করিয়াও সে একটু তৃপ্তি পাইতেছিল। বিপদের দিনে মাতুষে যেমন শত্রুর হাত চাপিয়া ধরে, আজ এই মহা অপমানের দিনে ভেমনি অমলার মুহূর্তের অন্ত বিজয়নাথকে মনে পড়িল। পত্র লিখিয়া তাহাকে তাহার এই বিপদের কথা জানাইলে কি হয়? সে ত তাহারই স্বামী! কিন্তু স্বামী কথাটা মনের মধ্যে আসিতেই মুহূর্তের মধ্যে অমলার চিত্ত বিরক্তি ও স্তূণায় একেবারে বিক্লপ হইয়া পড়িয়াছিল! হি হি! তদপেক্ষা এখনি বাহিরে ছুটিয়া গিয়া মহাজনের পা জড়াইয়া ধরাও ভাল! তাহার মনে করুণা হইতে পারে, সে আরও কিছুদিন সময় দিতে পারে।

বাহিরে তখন হরমোহনের সহিত মহাজনের সেই কথাই হইতেছিল। মাণিকলাল বলিতেছিল, “এই কথাটা আপনি আমাকে বুঝিয়ে দিন যে, যে মাতুষ তিন বছরে মৃত্যু আসলে এক পরশা শোধ করলে না, তাকে আরও দু বছর সময় দিলে সে কেমন ক’রে সমস্ত টাকা শোধ ক’রবে?”

কথাটা প্রকাশ করিয়া বলিবার ইচ্ছা না থাকিলেও অগত্যা হরমোহন

বাধ্য হইয়া বলিলেন, “হু বছর পরে আমি লাইফ ইন্সিওরের টাকা পাব।”

“কত টাকা?”

একটু ইতস্ততঃ করিয়া হরমোহন বলিলেন, “প্রকিট নিরে প্রায় পাঁচ হাজার হবে।”

একটু চিন্তা করিয়া মাণিকলাল বলিল, “ও সব জামি বুঝিনে মশায়, লাইফ ইন্সিওরান্স বড় গোলমালে ব্যাপার। কোথায় কি গলদ আছে, ঠিক সময়ে পাবেন কি পাবেন না, তা কিছুমাত্র বলা যায় না। টাকা পাওনা হ’লে পাবার জন্তে যা লড়াইডাটা করতে হয়, তা একটা মামলা মকদ্দমার সমান। তারপর, আপনার পলিসি কোথাও বাঁধা আছে কি না তা জানিনে; না থাকলেও বাঁধা দিতে কতক্ষণ লাগে বলুন? আর কোনো বার যদি প্রিমিয়ম না দিলেন ত সমস্ত পরিকার হয়ে গেল! ও সব লাভ শ’ হাজার মধ্যে আমার বাবার দরকার নেই, আমি সোজাসুজি নালিশ ক’রে ডিক্রি করিয়ে নিই।”

মাণিকলালের কথা শুনিয়া হরমোহন আতঙ্কে শিহরিয়া উঠিলেন। ব্যয়স্কেপের নিঃশব্দ অভিনয়ের মত অদূর-ভবিষ্যতের নির্যাতন ও অপমানের দৃষ্টান্তগুলি তাঁহার মানস নেত্রের সম্মুখে যুহুর্ন্তের মধ্যে খেলিয়া গেল। ক্ষণকাল বিমূঢ় ভাবে অবস্থান করিয়া হরমোহন মিনতিপূর্ণ স্বরে কহিলেন, “দেখুন, আকসি আমার ক্যাস নিরে কাজ, আপনি যদি আমার নামে নালিশ করেন, তাহলে আমার চাকরী পর্যন্ত বেতে পারে। ছা-পোষা গরীবের এত বড় সর্বনাশটা করার চেয়ে আর দু-বছর সময় দেওয়া উচিত নয় কি? প্রিয়নাথ বাবু তিন বছর অপেক্ষা করেছেন, আপনি কি দু-বছরও পারেন না?”

ক্ষণকাল নীরব থাকিয়া শ্বেব-মিশ্রিত কণ্ঠে মাণিক বহিল, “দেখুন হরমোহন বাবু, সব সন্ধ্য হয়, স্নানাকামী সন্ধ্য হয় না। আপনি কি বাস্তবিকই বলতে চান যে, আপনি বুঝতে পারছেন না এ নালিশটা প্রকৃতপক্ষে আমার নাম দিয়ে প্রিয়নাথ বাবুই করছেন? আমি কি উদ্ভাদ হয়েছি যে, আপনাকে জানি নে শুনি নে—কতকগুলো ঘরের টাকা দিয়ে আপনার এই পচা ছাণ্ডানোট কিনব? প্রিয়নাথ বাবু আপনার বন্ধু, তাই চক্কলজ্ঞার খাতিরে আনাকে আড়াল ক’রে তিনি এই নালিশ করছেন। নালিশ না হয় তাই যদি আপনার ইচ্ছা, বেশ ভাল, টাকাটা ফেলে দিন।”

হরমোহন কহিলেন, “টাকা দিতে পারলে সময়ের অল্প আপনাকে এত পীড়াপীড়ি করব কেন? তা হলে কালকের অস্ত্রে অপেক্ষা না ক’রে আজই আপনার টাকা ফেলে দিতাম।”

এ কথার কোন উত্তর দিবার পূর্বেই প্রেমথ ঘরে প্রবেশ করিল, এবং মাণিকলালের প্রতি বিশেষ মনোযোগ না দিয়া হরমোহনের সন্মুখে আসিয়া দাঁড়াইল। প্রেমথর সন্মুখে মাণিকলালের সহিত দেনা-পাওনা সম্বন্ধে কোনো কথা বাহাতে না হয় ততক্ষণেই হরমোহন দুই চারিটা কথার পর প্রেমথকে ভিতরে বাইতে অমুরোধ করিলেন।

প্রেমথ কিন্তু ‘হ্যাঁ বাই’ বলিয়াই টেবিল হইতে সে দিনের খবরের কাগজখানা উঠাইয়া লইল এবং সহসা এমন একটা কোতূহলোদ্দীপক সংবাদের প্রতি তাহার দৃষ্টি আকৃষ্ট হইল যে, তাহার উৎসুক নেত্র সেই সংবাদের দেখে সংলগ্ন রাখিয়াই সে ধীরে ধীরে নিকটস্থ একখানা চেয়ার টানিয়া বসিয়া পড়িল।

মাণিক পুনরায় পূর্ব প্রসঙ্গের অবতারণা করিল। কহিল, “আপনি

বলছেন আপনার টাকা নেই। এ কথা যে সত্য নয়, তা আমি সে দিন প্রমাণ ক'রে দেখা যে দিন ডিক্রীজারীতে দেহ গ্রেপ্তারের ওয়ারেন্ট নিয়ে আপনার কাছে উপস্থিত হব। তখন আপনি বাধ্য হয়ে যে টাকা বার ক'রে দেবেন সে টাকা আপনি ইচ্ছা করলে আজই দিতে পারেন।”

মাণিকলালের কথার উত্তর দিতে হরমোহন ইতস্ততঃ করিতে লাগিলেন; তিনি ইচ্ছা করিয়াই কণকাল চূপ করিয়া রহিলেন, যদি সেই ইঙ্গিতে প্রথম সেখান হইতে উঠিয়া যার। কিন্তু যখন দেখা গেল যে, উঠিবার কোন লক্ষণ প্রকাশ না করিয়া কাগজের উপর গভীর মনোনিবেশ সহকারে প্রথম বসিয়াই রহিল, তখন অগত্যা হরমোহন কহিলেন, “আমার কথা বিশ্বাস করা ছাড়া এ বিষয়ে আমি আপনাকে আর কোনও প্রমাণ দিতে পারি নে। ভদ্রলোকের কথায় অশ্রদ্ধা করতে আপনার ভদ্রতায় যদি একটুও না বাধে তা হ'লে আমি নিরুপায়!”

হরমোহনের এই সবিরূপ অপমানসূচক বাক্য শুনিয়া মাণিক কণকাল চূপ করিয়া রহিল। তাহার পর মৃদু হস্ত করিয়া কহিল, “না, আমার ভদ্রতায় কিছুই বাধে না। কাল আপনার নামে নালিশ করতেও বাধবে না; পরণ্ড আপনার অফিস-বাষ্টারের মারফৎ সমন ধরাতেও বাধবে না। তারপর ডিক্রী হলে মায় খরচা হাজার পাঁচেক টাকা আদায় করবার জন্ত ডিক্রীদার যত রকম নির্ধ্যাতন করতে পারে, তার কোনটা করতেও বাধবে না। কিন্তু একটা কথা জিজ্ঞাসা করি, আপনার কথায় অশ্রদ্ধা করছি ব'লে আপনি আমাকে যথেষ্ট দুর্বাণ্য বলছেন, আপনার লেখা স্বাক্ষরনোটখানা যদি পকেট থেকে বার ক'রে আপনার সমুখে ধরি, তা হ'লে তার উত্তরে আপনি কি বলবেন? সেখানে

শুধু মুখের কথা নয়, আপনি নিজের হাতে লিখে দস্তখত ক'রে দিয়েছেন যে চাইলেই টাকা ফেরত দেবেন। টাকা ঢেয়ে ঢেয়ে ত' ভদ্রলোকের প্রাণান্ত হয়েছে, কিন্তু ভদ্রলোকের ত' তাতে কিছুমাত্র করুণা হল না! কমা করবেন হরমোহন বাবু, ভদ্রলোকের কথায় আমার একটুও শ্রদ্ধা নেই, বরং আপনারা বাদে ছোট-লোক বলেন তাদের কথায় আছে।”

মহাজনকে অমুরোধ করিবার কথা চিন্তা-স্থত্রে মনে হইতেই অমলা শয্যাভ্যাগ করিয়া বৈঠকখানার দ্বার-পার্শ্বে আসিয়া দাঁড়াইয়াছিল, মহাজনকে কোনো প্রকার অমুরোধ করিতে নিশ্চয়ই নহে,—তাহার পিতার সহিত মহাজনের অবশেষে কি ব্যবস্থা হয় তাহাই শুনিবার আশ্রয়। মাণিকলালের কথা শুনিয়া দুঃখে ভয়ে ও অপমানে অমলা কাঁঠ হইয়া গেল! কাল হইতে নিগ্রহ ও নিপীড়নের যে অভিনয় আরম্ভ হইবে, তাহা ভাবিয়া তাহার মাথা বিম্বিম্ব করিতে লাগিল। নিজের অবলম্ব দেহকে দ্বারপাশে কোন প্রকারে সংলগ্ন রাখিয়া, মাণিকলালের অপমান-বাহীর উত্তরে হরমোহন কি বলেন তাহা শুনিবার জন্য সে উৎকর্ণ হইয়া দাঁড়াইয়া রহিল।

এবার কিন্তু কথা কহিল প্রমথ। সংবাদপত্রের উপর হইতে দৃষ্টি উঠাইয়া লইয়া সে ধীরে ধীরে মাণিকলালের দিকে ফিরিয়া বসিল। তাহার পর দৃঢ় কিন্তু শান্তকণ্ঠে বলিল, “আমি যদি এ বিষয়ে ছু একটা কথা কই, তা হলে আমাকে মার্ক করবেন। আপনার খাতক যদি আমার নিকট আস্তীর না হতেন, তা হলে আমি কিছুতেই অনধিকার-চর্চা করতাম না।”

অভিনয়ের কৌতুকে স্তম্ভক মাণিকলালেরও অধর-প্রান্ত মুহ

হাতের খাটু কুঁকিত হইয়া উঠিল। কিন্তু তাহার সেইটুকু অসাধনতা হাতের ঘারাই লামলাইয়া লইয়া সে বলিল, “বলুন। খাতকের নিকট থেকে ত অভদ্র আখ্যা পেয়েছি; এখন নিকট আস্ত্রীয়েব কাছ থেকে বাকীটুকু লাভ ক’রে বাড়ী ফিরি!”

প্রমথ বলিল, “লক্ষ্মীর দরবারে বীর নাম মহাজন, তাঁকে অভদ্র বলবে এমন হুঃসাহস কারো নেই; তবে মহাজনেরও বীবহারটা এমন হওয়া উচিত, যাতে নিকুকেও তাঁকে দুর্জন বলতে না পারে। মহাজনের আচরণ মহৎ না হলে শব্দের অর্থ বদলে যায়।”

মাণিকলাল একটু ভাবিয়া বলিল, “সে ঠিক কথা। কিন্তু খাতক যদি খাতক হয়ে ওঠেন, তা হলে মহাজনকে বাধ্য হয়ে দুর্জন হ’তে হয়। কিন্তু এ সব বাজে কথা-কাটাকাটি ক’রে ত’ কোনো লাভ নেই, কাজের কথা যদি কিছু থাকে ত’ বলুন।”

কিছুযাত্র বিলম্ব না করিয়া প্রমথ কহিল, “হ্যাঁ, কাজের কথা আছে। আপনার উদ্দেশ্য যদি শুধু টাকা আদায় করাই হয়, আমাদের বিপন্ন করা না হয়, তা হলে আমাদের আরও কিছুদিন সময় দিতেই হবে; কারণ কাল আমরা টাকা আপনাকে দিতে পারি নে। (হরমোহনকে সন্মোদন করিয়া) পারি কি মেসো মশায়?”

বিস্ময়ভাবে হরমোহন কহিলেন, “না।”

মাণিকলালকে লক্ষ্য করিয়া প্রমথ বলিল, “তা হলে সময় আপনাকে দিতেই হবে; কারণ, আমাদের পক্ষে বতাই ভয়ানক হোক না কেন, নালিশটা আপনার পক্ষেও বিশেষ কঠিন হইবে না।”

মাণিকলাল সহসা বুঝ গভীর করিয়া বলিল, “কঠিন নৈশ্চয়ই হবে না। ম্যালেরিয়া রোগীর কাছে-কুইনীন্স কঠিন নয়। তবুও তাকে

কুইনীন্ খেতেই হয়। আপনাদের যদি কোঁতুহল থাকে, ত' চাক্র চৌধুরী উকিলের বাড়ী গিয়ে দেখতে পারেন যে, এই অকৃতিকর ব্যাপারটা এতদূর এগিয়ে গিয়েছে যে, আপনাদের এখান থেকে গিয়ে প্লেন্টে সই ক'রে ছাণ্ডনোটখানা তাঁর জিন্মা ক'রে দিলেই, কাল সাড়ে দশটার পর এটা আদালতের ব্যাপার হয়ে দাঁড়াবে। চাক্রবাবুর বাড়ী থেকেই এখানে আসছি, আর এগেই এঁকে বলেছি যে, শুধু হাতে আর একদিনও সময় দোব না। দোবনা যে তা নিশ্চয়ই, কারণ এঁর সঙ্গে আমার কোনো ঋতির বা চক্ষুলজ্জার কারণ নেই। অতএব আপনার যদি আর কিছু বলবার না থাকে ত আমাকে বিদায় দিন; কারণ, খুব কাজের লোক না হলেও, ঠিক এম্মি ক'রেই আমি সময় নষ্ট করিনে।”

এক মুহূর্ত চিন্তা করিয়া প্রমথ বলিল, “সময় আমাদের চাই-ই; আর আপনি যখন মহাজন তখন বখাশক্তি আপনার আদেশ পালন করতেও আমরা বাধ্য, অতএব—” প্রমথ পকেট হইতে মণিবাগ বাহির করিয়া তদ্ব্য হইতে একখানা নোট বাহির করিয়া মাণিকলালের সম্মুখে ধরিল।

প্রমথ মুখে নোটখানা হস্তে তুলিয়া লইয়া মাণিক বলিল, “মোটো একশ' টাকা?”

প্রমথ বলিল, “হ্যাঁ, মোটে। কিন্তু তবুও ত' শুধু হাতে নয়। আমাদের কর্তব্য আমরা করলাম, এখন আপনি এই একশ' টাকার বদলে আমাদের ক'দিন সময় দিতে পারেন বলুন?”

“কি জন্তে সময় তা' প্রথমে শুনি?”

“আপনার টাকা পরিশোধ করবার একটা ব্যবস্থা করবার জন্তে। সে

ব্যবস্থা যদি আপনার পছন্দ না হয়, তখন আপনার যা অভিকৃতি হয় করবেন।

মাণিকলাল বলিল, “এ ভাল কথা ; এ কথার অর্থ আমি বুঝি। আপনি আমাকে টাকা দিন, আমিও নিশ্চয়ই আপনাকে টাকা শোধ করার সুযোগ দোব। তা নয়, শুধু মুখের কথায় ক’দিন চলে বলুন ? আমি আবার সাত দিন পরে আসব ; আপনারা যা ব্যবস্থা করেন, সে দিন আমাকে জানাবেন।”

প্রমথের অহুরোধে মাণিকলাল দশ দিন সময় দিতে স্বীকার হইল, এবং ছাণ্ডনোটের পশ্চাতে হরমোহনের দ্বারা একশত টাকার উত্তল লিখাইয়া লইয়া প্রস্থান করিল।

মাণিকলাল প্রস্থান করিলে আর এক যুহুর্ন্ত অপেক্ষা না করিয়া অমলা নিঃশব্দে ঘরিত বেগে প্রস্থান করিল।

চুই হস্তে প্রমথের চুই হস্ত দৃঢ় বলে চাপিয়া ধরিয়া তদ্ব্য কণ্ঠে হরমোহন কহিলেন, “প্রমথ, তোমাকে কি বলে আশীর্বাদ করুব বাবা, তা বুঝতে পারছি নে! তুমি আজ শুধু আমার মান বাঁচালে না,—এই দরিদ্র অক্ষয় পরিবারকে মহাবিপদ থেকে উদ্ধার করলে!”

মুহু হাস্ত করিয়া কুণ্ঠিতভাবে প্রমথ কহিল, “আমাকে এই আশীর্বাদ করুন যেসো মশায় যে, আমার প্রতি আপনার রেহ যেন এত গভীর হয় যে এই বকম ছোটখাট কথায় এমন ক’রে আমাকে লজ্জিত না করেন। সব টাকা মিটিয়ে দেবার মত টাকা যদি আমার কাছে আজ থাকত, তা হলে ছোটলোকটা আপনাকে যখন কড়া কথা শোনাছিল তখন কি তার মন ভিজিয়ে কথা কইতাম ? তা হলে হাতে টাকা আর গলায়

হাত দিয়ে বার ক'রে দিতাম। কি করব, কারে পড়লে শত্রুকেও সেলাম করতে হয়।”

একটু ইতস্ততঃ করিয়া হরমোহন বলিলেন, “কিন্তু বাবা, একটা কথা তখন থেকে আমি ভাবছি,—টাকাটা চট্ট ক'রে তুমি দিয়ে দিলে, তোমার হয় ত দরকারের টাকা—”

প্রমথ তাড়াতাড়ি বলিল, “আমার দরকারের টাকা নিশ্চয়ই, কিন্তু তার চেয়েও অনেক বেশী দরকারে খরচ করেছি। সে জন্তে আমার মনে একটুও পরিতাপ নেই।”

কুণ্ঠিত স্বরে হরমোহন কহিলেন, “কিন্তু টাকাটা তোমাকে দিতে যদি একটু দেয়ী হয়ে যায়—”

প্রমথ বৃদ্ধ হাসিয়া বলিল, “টাকাটা যদি শীঘ্র আমাকেই দিতে পারেন, তা হ'লে ত আপনার মহাজনকেই সেই টাকাটা দিতে পারতেন। আমি বলি মেসো মশায়, এ সব বাজে কথার কোনো দরকার নেই। টাকাটা আমি আপনার অমুরোধে প'ড়ে দিই নি যে সঙ্গে সঙ্গে সেটা ফেরত নেবার একটা ব্যবস্থা ক'রে নোব। আপনি আমার আপনার লোক; আপনার বিপদ ও অপমান দেখে আমি নিজেকে বিপন্ন ও অপমানিত মনে ক'রে দিয়েছি, এবং ভবিষ্যতে যদি এমন আবার দিতে হয় তাও দিতে পারি। এর মধ্যে যদি আপনি ভ্রাতৃত্বের কথাবার্তা নিয়ে আসেন, তা হ'লে আমার এই কথাই মনে হবে যে, যে অধিকারের জোরে আমি টাকা দিয়েছি, সে অধিকার আমার-বাস্তবিক নেই।”

ব্যঞ্জ কণ্ঠে হরমোহন বলিলেন, “না, না, প্রমথ, সে কথা বো'লো না, সে অধিকার তোমার সুরেশের চেয়ে এক বিন্দু কম নেই।”

সুরেশ হরমোহনের গপ্তব বর্ষীয় একমাত্র পুত্র।

হরমোহনকে আর কিছু বলিবার অবসর না দিয়া প্রমথ বলিল, “তাই যদি, তবে এ বিষয়ে আপনার কোনো ভাবনার দরকার নেই। এখন একমাত্র কথা হচ্ছে, দশ দিন পরে কি ব্যবস্থা করা যাবে।”

চিন্তিত মুখে হরমোহন কহিলেন, “প্রাপণ চেষ্টা ক’রে দেখি, যদি এই দশদিনের মধ্যে কোথাও থেকে টাকাটা কর্জ্ব নিতে পারি। কিন্তু তার আশা বড়ই অল্প। শুধু হাতে টাকা ধার পাওঁরা আজকাল এক রকম অসম্ভব। সম্পত্তির মধ্যে ত’ এই বাড়ীখানা, তা-ও চাকরীর সিকিউরিটিতে বাঁধা রয়েছে।”

একটু ভাবিয়া প্রমথ বলিল, “সে পরে ভেবে চিন্তে যা হয় একটা উপায় করা যাবে। আজ অনেক ভাবা গেছে, আজ আর থাক।” বলিয়া উঠিয়া পড়িয়া বিদায় প্রার্থনা করিল।

ব্যস্ত হইয়া হরমোহন কহিলেন, “না, সে কিছুতেই হ’তে পারে না। ভিতরে গিয়ে দেখাওনা ক’রে না গেলে, তোমার মাসীমা অতিশয় দুঃখিত হবেন, আর আমার ওপর রাগ করবেন।”

প্রমথ বলিল, “আজ রাত হয়ে গেছে, ভিতরে গেলেই ঘেরী হয়ে যাবে। আজ থাক, পরন্তু না হয় আবার আসব।”

হরমোহন সে কথা শুনিলেন না। প্রমথকে সঙ্গে লইয়া ভিতরে প্রবেশ করিলেন। প্রভাবতী তখন রক্তনালয়ে রক্তনের ব্যবস্থা করিতেছিলেন।

স্বামীর আস্থানে প্রভাবতী বাহিরে আসিয়া দাঁড়াইতে, হরমোহন বলিলেন, “আজ থেকে তুমি জেনে রাখ যে, হুরেশই তোমার একমাত্র ছেলে নয়, তোমার দুই ছেলে; প্রমথ হুরেশের দাদা।”

কথাটা ঠিক বুঝিতে না পারিয়া একবার প্রমথর মুখের দিকে ও একবার হরমোহনের মুখের দিকে চাহিয়া প্রভাবতী कहিলেন, “সে ত’ সত্যি কথাই; কিন্তু এ কথা বলবার কারণ কি হ’ল তা’ত বুঝতে পারছিনে।”

হরমোহন কথা कहিবার পূর্বে প্রমথ সহাস্তমুখে कहিল, “কারণ জেনে কি হবে মাসীমা, কথাটা জেনে রাখ, তা হ’লেই হ’ল। আমি যে সুরেশের দাদা তার বিরুদ্ধে আমার কিছুমাত্র বলবার নেই।”

তখন হরমোহন প্রভাবতীকে কথাটা সবিস্তারে বলিলেন।

হরমোহনের কথা শেষ হইলে প্রমথ বলিল, “এই ত তখন মাসীমা, কত গামাভ একটা ব্যাপার, এর জন্তে তখন থেকে যেসোমশায় বা’ তা’ কথা ব’লে আমাকে লজ্জা দিচ্ছেন।”

দুঃস্থ এবং সমূহ বিপদ হইতে অকস্মাৎ এগুপে উদ্ধার পাওয়ার সংবাদ পাইয়া প্রভাবতীর উদ্বেগ-ব্যাকুল হৃদয় আশ্বাসে ও আনন্দে পরিপ্লুত হইয়া গেল। অমলার দুঃদৃষ্ট নিরাকরণের প্রতিক্রিয়ার দ্বারা প্রমথ প্রভাবতীর হৃদয়ের অনেকখানিই অধিকার করিয়া লইয়াছিল, অন্তকার এই ঘটনার পর তথায় অধিকার করিবার জন্ত আর বিশেষ কিছুই অবশিষ্ট রহিল না। উৎকট চিন্তা ও হুর্ভাবনা হইতে সহসা মুক্তিলাভ করিয়া প্রভাবতীর মন এমন শিথিল হইয়া পড়িয়াছিল যে, প্রমথর কথার উত্তরে “বাবা প্রমথ—” মাত্র এই দুইটি শব্দ উচ্চারণ করিয়াই তাহার কণ্ঠ রুদ্ধ হইয়া গেল; এবং তৎপরে, মুখ হইতে বাক্যের পরিবর্তে, চক্ষু হইতে অশ্রু নির্গত হইতে লাগিল।

প্রমথ একটু ধমকিয়া গিয়া তাহার পর স্কন্ধিয়া দেখিয়া বলিয়া

উঠিল, “নাঃ, তোমাদের কারোর সঙ্গে আমার পোষাল না। আমি চন্ডাম সুরেশের সঙ্গে আলাপ করতে।” বলিয়া সে সুরেশের উদ্দেশে প্রস্থান করিল।

সুরেশ তখন স্থিতলের কোনো কক্ষে উচ্চকণ্ঠে পাঠাভ্যাস করিতেছিল।

প্রমথ বাড়ীর ভিতর প্রবেশ করিলে, অমলা পানের সরঞ্জাম লইয়া পান সাজিতে বসিয়াছিল ; এবং সাজা হইলে, আজ আর প্রভাবতীর আদেশের অপেক্ষা না করিয়াই, একটি রূপার ডিবার কয়েক খিলি পান ভরিয়া, তাহার উপর সুগন্ধি গোলাপ জলের ছিটা দিয়া, প্রমথর নিকট উপস্থিত হইল ।

প্রমথ তখন পুলক-প্রভুর মুখে সুরেশের দিকে চাহিয়া বসিয়া ছিল, এবং সুরেশ প্রমথর-দেওয়া একরাশ লজ্জুক মুখে পুরিয়া প্রমথর প্রতি করুণ-ক্লান্ত দৃষ্টিতে তাকাইয়া নিঃশব্দে চুবিয়া বাইতেছিল । তাহার সেই শিথিল-শাস্ত চাহনির মধ্যে অপরিচয়ের বিমূঢ়তা, এবং স্বীত-বিকৃত মুখের মধ্যে লোভের প্রনাণ, এই উভয় ব্যাপার প্রমথর চিত্তে যথেষ্ট কৌতুক সঞ্চার করিয়াছিল ।

পিছন হইতে অমলা আসিয়া একমুহূর্ত্ত অপেক্ষা করিয়া বলিল, “প্রমথ দাদা, পান নাও ।” এবং প্রমথ ফিরিয়া চাহিতেই, সঙ্কীর্ণমান সঙ্কোচ হইতে মুক্তি পাইবার জন্য সুরেশের দিকে তাকাইয়া বলিল, “ও, তাই সুরেশের মুখে একেবারে কথা নেই !”

প্রমথ হাসিয়া বলিল, “সুরেশের মুখে কথার চেয়েও বেশী মিটি জিনিষ আছে ।” তাহার পর অমলার হস্ত হইতে ডিবা লইয়া দুই খিলি পান মুখে দিয়া, একবার চিবাইয়াই বলিয়া উঠিল, “কিন্তু তোমার পানে যে তার চেয়েও বেশী মিটি জিনিষ রয়েছে অমলা !”

গভীর ঔৎসুক্যের সহিত অমলা জিজ্ঞাসা করিল, “কেন ?”

সহাস্ত মুখে প্রথম বলিল, “এ যে লজেঙ্কুসের চেয়েও মিষ্টি লাগছে !
তুমি সেজেছ না কি ?”

একজন উনিশ বৎসর বয়স্কা দূর-সম্পর্কীয়া সুবতীর প্রতি এ পরিহাস সঙ্গত এবং পরিমিত নহে ; এবং সেদিন প্রাতঃকালেও একপ পরিহাস করিলে অমলা অন্ততঃ মনে মনেও বিরক্তি বোধ করিত । কিন্তু সন্ধ্যার সময়ে প্রথম তাহাকে যে দারুণ দুর্ভাবনা ও দ্বন্দ্বঃকষ্ট হইতে উদ্ধার করিয়াছে, সেই উপকারের মূল্য স্বরূপ আজ সে প্রমথকে প্রসন্ন করিবার জন্ত নিজের অপোচরে মনে মনে প্রস্তুত হইয়াছিল ; এবং বহুমূল্য ত্রব্যের বিনিময়ে যেমন বহুল পরিমাণে অর্থ ব্যয় করিতে হয়, ঠিক সেই রূপে, আজিকার এই প্রভূত উপকারের অমুপাতেই নিজেকে রিক্ত অথবা ধ্বংস করিতে সে ভায়তঃ বাধ্য, এমনই একটা পরিশোধ-কল্পনা স্বতঃই তাহার মনের মধ্যে বিরাজ করিতেছিল । তাই সে প্রমথর এই পরিহাস পরিপাক করিয়া কহিল, “লজেঙ্কুসের চেয়ে পান যদি আপনার মিষ্টি লাগে, তাহলে আপনার লজেঙ্কুস্ মিষ্টি নয়, নোনুতা ।”

সহাস্তমুখে মাথা নাড়িয়া প্রথম বলিল, “না, না, আমার লজেঙ্কুস্ খুব মিষ্টি । কিন্তু নিশ্চয়ই তুমি পানে চুণের বদলে চিনি দিয়েছ !”

এ কথার অমলা হাসিয়া ফেলিয়া উত্তর দিল, “তা হলে নিশ্চয়ই খয়েরের বদলে ক্ষীরও দিয়েছি !”

বিশ্বয়ের ভক্তীতে প্রথম বলিল, “তা নইলে এত মিষ্টি লাগছে কেন ? যে সেজেছে তার হাতের গুণে ? না, যে খাচ্ছে তার মুখের গুণে ?”

এবার অমলার মুখ দিয়া কোন কথা বাহির হইল না, এবং তাহার মুখের রেখা পাঠ করিয়া বিচক্ষণ প্রথম তৎক্ষণাৎ বুঝিতে পারিল যে, প্রথম দিবসের পক্ষে ঔষধের মাত্রা একটু অতিরিক্ত হইয়াছে ; তাই

প্রতিবেশ জিন্নার জন্ত তখনি কথাটাকে ভিন্ন বৃষ্টি দিয়া বলিল, “আমার বাসার জগন্নাথের সাজা পান কি চমৎকার, তা’ ত জান না, তা হলে বুঝতে পারতে ! কোন দিন লাগে ঝাল, কোন দিন পোড়ে গাল ! একদিন তোমার জন্ত ছুঁখিলি পকেটে ক’রে নিয়ে আসব ; খেয়ে দেখলে বুঝতে পারবে, তোমার পান মিষ্টি লাগছে ব’লে অন্তায় করেছি কি-না !”

প্রথমত এই সামান্য একটু ছুঁখের কাহিনী অমলার নারী-হৃদয়ে গিয়া আঘাত করিল। সে জিজ্ঞাসা করিল, “বাসার জগন্নাথ ছাড়া আর কেউ কি নেই, যে একটু ভাল ক’রে পান সেজে দেয় ?”

কোন স্থান গলিয়া কোমল হইয়াছে, এবং সাবধানে আঘাত দিতে পারিলে ইচ্ছানুরূপ গঠিত করিয়া লওয়া বাইবে, তাহা বুঝিতে পারিয়া প্রথম মুহূর্ত্তের সহিত কহিল, “আছে ; রামভদ্র ঠাকুর আছে। কিন্তু পানের ছুঁখটাও আমি তারি হাতে পেতে চাই নে। হুনেই যে নিত্য পুড়িয়ে মারছে, চুপেও সে-ই পুড়োবে, তা আমার ইচ্ছে নয়।”

অমলা জিজ্ঞাসা করিল, “ভাল রাঁধে না বুঝি ?”

প্রথম পুনরায় মুহূর্ত্ত করিয়া বলিল, ‘বল ত একদিন তাকে এখানে নিয়ে এসে রাঁধিয়ে দেখাই। তা হ’লে বুঝতে পারো, কি রকম কদাহারেও মানুষ বেঁচে থাকতে পারে !’

ব্যথিত স্বরে অমলা জিজ্ঞাসা করিল, “বাসার আর কেউ নেই ?”

“বাড়ীতেই বা আর কে আছে যে, বাসার থাকবে ? তুনেছি, আমার যেদিন বজ্রপূজো হবার কথা ছিল, সেদিন মার আত্মশ্রদ্ধ হয়েছিল। আর আমার বাবার ইতিহাস তুনেবে ? বছর পাঁচেক হ’ল নৌকো ক’রে চুঁচড়োয় যাচ্ছিলেন আমার জন্তে পাত্রী আশীর্বাদ

করতে ; পাজীর বাড়ী পৌছবার আগেই নৌকাডুবি হয়ে যারা যান। এই ত, আমার আপনার লোক, বাসাতে আর বাড়ীতে। এখন বোধ হয় বুঝতে পারছ অমলা, কত দুঃখে তোমাদের কাছে মাঝে মাঝে ছুটে আসি ? আর কেনই বা তোমার হাতের সাজা পান এত মিষ্টি লাগে ?”

অমলা কোন কথা বলিবার পূর্বেই প্রভাবতী হস্তে জলখাবারের রেকাব লইয়া প্রবেশ করিলেন, এবং টেবিলের উপর তাহা স্থাপন করিয়া অমলাকে বলিলেন, “অমল, প্রথমকে এক গ্লাস জল দাও।”

জলখাবারের প্রতি দৃষ্টিপাত করিয়া প্রথম সবিনয়ে কহিল, “মাসিমা, এত জলখাবার এখন যদি খাই, তা হলে আর বাসার ফিরে গিয়ে কিছুই খেতে পারব না।”

প্রভাবতী মাথা নাড়িয়া কহিলেন, “না, একটুও বেশী নয়। বাড়ীর তৈরী খাবার, সবটুকু খেয়ে ফেল।”

অমলা জল আনিতে যাইতেছিল, প্রথম ও প্রভাবতীর কথা শুনিয়া ফিরিয়া আসিয়া বলিল, “আজ প্রথম দাদা রাজের খাবারও খেয়ে যাবেন না। ঠুঁর খাওয়ার যে রকম কষ্ট বলছিলেন, অন্ততঃ আজ রাজে রামভদ্রর ঠাকুরের রান্না ঠুঁর খাওয়া হবে না।”

প্রথম হাসিয়া বলিল, “তাতে আমার আরও অসুবিধেই হবে অমলা। আজ মাসীমার হাতের রান্না খেলে, কাল সকালে আর রামভদ্রের রান্না গলা দিয়ে গলবে না।”

“তা হোক !” বলিয়া অমলা জল আনিতে প্রস্থান করিল।

প্রভাবতী বলিলেন, “সেই কথাই ভাল। জল খাওয়ার পর ইনি একবার তোমাকে ডাকছেন, কথাবার্তা কইতে দেবী হয়ে যাবে। রাজে একেবারে খেয়েই থেরো।”

অমলা ছল আনিলে সামান্য আপত্তি করিয়া প্রমথ জলখাবার খাইতে বসিল। খাইতে আরম্ভ করিয়া কিন্তু তাহার আর আপত্তির কোন লক্ষণ দেখা গেল না। বিনা বাক্যব্যয়ে দুই তিনটা সন্দেশ গলাধঃকরণ করিয়া বলিল, “মাসীমা, তোমার এ ছেলেটা একটু বিশেষ রকম মিষ্টপ্রিয়। কলকাতায় এমন ভাল সন্দেশের দোকান নেই, যেখানে তার বাওয়া আসা নেই। কিন্তু ভীষ্ম নাগই বল, আর যদু ময়রাই বল, কারো সাধ্য নেই যে তোমার তৈরী সন্দেশের মত সন্দেশ করে। সন্দেশের বিষয়ে এ সার্টিফিকেট আমার কাছে তুমি পেতে পার।”

এই প্রচুর এবং পর্যাপ্ত প্রশংসাবাদে মনে মনে বিশেষ প্রসন্ন হইয়া প্রভাবতী ঈষৎ হাস্ত করিলেন, কিছু বলিলেন না।

নারী-প্রকৃতি বিষয়ে বাহারা অভিজ্ঞ, তাঁহারা জানেন যে, যে-সকল পুরুষ আহার-প্রিয়, তাহাদের প্রতি সজ্জনরা নারীগণের একটু বিশেষ মেহ ও পক্ষপাত প্রকাশ পায়। এ তথ্যটুকু প্রমথ বিলক্ষণ অবগত ছিল যে, রত্নন-প্রিয়া জীলোকের ক্ষনতঃ জয় করিবার প্রকৃষ্ট উপায় হইতেছে আহার বিষয়ে ঈষৎ লোভাতুরতা প্রকাশ করা। তাই সে নিঃশেষে একে একে সব সন্দেশগুলি পত্রম পরিতোষ সহকারে নিঃশেষ করিয়া মিতমুখে বলিল, “মাসীমা, লোভের মত পাপ নেই, তবুও আরো দুটো সন্দেশ না চেয়ে থাকতে পারছি নে। যদি থাকে—”

“ওমা, আছে বই কি! তুমি একটু বোসো, আমি নিয়ে আসছি” বলিয়া প্রভাবতী দ্রুতবেগে প্রস্থান করিলেন, এবং দুইটার পরিবর্তে চারিটা সন্দেশ আনিয়া প্রমথর পাতে দিলেন

কচি অহুসারে প্রমথ বাৎস-প্রিয় ; সন্দেশ বসগোষ্ঠার প্রতি বৈরীতাব

না থাকিলেও, তদ্বিষয়ে তাহার আসক্তি ছিল না। কিন্তু তাহার দুয়র্ঘট বশতঃ আজ সন্দেশ দিয়াই তাহার পরীক্ষা চলিতে লাগিল। গলা দিয়া সন্দেশ আর সহজে নামিতেছিল না ; কোন প্রকারে ভিনটা শেব করিয়া চতুর্থটা সুরেশের দিকে আগাইয়া দিয়া প্রমথ বলিল, “সুরেশ, একটা তুমি খাও তাই। আমি এত লোভী যে, ভাল জিনিসে তোমাকে ভাগ না দিবে নিজেরই সব খেয়ে ফেললাম !”

প্রভাবতী তাড়াতাড়ি বলিলেন, “না, না, সুরেশকে দেবার দরকার নেই ; সুরেশ সন্দেশ খেয়েছে। তুমি ওটা খেয়ে ফেল।”

অমলা হাসিয়া বলিল, “তা ছাড়া সুরেশের মুখে সন্দেশের জায়গাই নেই ; লজ্জেকুলে ভরা।”

অমলার কথায় প্রভাবতী টেবিলের উপরিস্থিত লজ্জেকুলের শিশি লক্ষ্য করিয়া বলিলেন, “ওঃ, তাই সুরেশ এমন লক্ষী ছেলের মত চূপ ক’রে রয়েছে ! অত লজ্জেকুল ওকে কেন দিচ্ছে প্রমথ ? ও লজ্জেকুলের রাক্ষস ! আজ বোতলটি শেব ক’রে তবে ঘুমোবে।”

স্নিতমুখে অমলা বলিল, “মুখের মধ্যে বোধ হয় একেবারে গোটা পচিশ পুরেছে !”

অমলার কথা শুনিয়া জিহ্বার এক বিচিত্র কৌশলের দ্বারা নিমেষের মধ্যে লজ্জেকুলগুলি বাম গালের একদিকে ঠেলিয়া ধরিয়া ইঁা করিয়া সুরেশ বলিল, “কই গোটা পচিশ ?”

সুরেশের ভঙ্গী দেখিয়া সকলে উচ্চ স্বরে হাস্ত করিয়া উঠিল।

প্রমথ বলিল, “তা যদি না থাকে, তাহলে সন্দেশটা তুমি খেয়ে ফেল সুরেশ।”

প্রভাবতী ব্যস্ত হইয়া कहিলেন, “না, না, জুরেশকে দিতে হবে না, তুমি ওটা খেয়ে ফেল।”

জুরেশের পক্ষ হইতে সন্দেশ খাইবার বিষয়ে কোন আগ্রহ দেখা গেল না ; অধিকন্তু, সাত-আটটা সন্দেশ গলাধঃকরণ করিয়া যেটুকু প্রসার লাভ করিয়াছে, পাছে একটা সন্দেশের জন্ত তাহার কোনো হ্রাস হয়, এই আশঙ্কায় ঐমথ আর দ্বিক্রান্তি না করিয়া বাকি সন্দেশটা কোনো প্রকারে খাইয়া কেলিয়া জলের গ্লাসটা নিঃশেষ করিয়া একেবারে ছুই-তিনটা পান মুখে পূরিয়া দিয়া বলিল, “ডিসুপেপটিক যদি না হোতাম, তাহলে মাসীমার সব সন্দেশগুলোই আজ শেষ ক’রে দিতাম। বাস্তবিক এমন চমৎকার হয়েছে !”

প্রভাবতী প্রস্থান করিলে, অমলার দিকে দৃষ্টিপাত করিয়া প্রমথ বলিল, “তুমি এই হাঙ্গামটি বাধালে !”

“কি হাঙ্গাম ?”

“এই এত খেয়ে আবার রাত্রে খেয়ে যাওয়া !”

মৃদু হাসিয়া অমলা বলিল, “তাতে আর কি হয়েছে ?”

কণ্ঠস্বর ঈষৎ গাঢ় করিয়া লইয়া প্রমথ কহিল, “তাতে হয় নি কিছুই, শুধু তোমার হৃদয়ের একটু পরিচয় দেওয়া হয়েছে ! আমার খাওয়া-পরার এই তুচ্ছ হুঃখের কথা শুনে তোমার মন গ’লে গেল অমলা, আর আমার সারা হুঃখের কাহিনী যদি তোমাকে শোনাই তা’হলে তুমি যে কি কর, তা আমি ভেবে পাচ্ছিনে ।”

কথাটা এমন কিছুই গুরুতর নহে ; কিন্তু হঠাৎ কণ্ঠের স্বর একটু পরিবর্তিত করিয়া লইয়া ঈষৎ ভারি গলায় বলিবার ভঙ্গীতে এই সাদা কথাগুলার অর্থ এমন একটু রঙ্গীন এবং সঙ্গীন হইয়া উঠিল যে, ইহার উত্তরে কি বলিবে তাহা অমলা ভাবিয়াই পাইল না । অথচ কোনো কথা না কহিয়া একেবারে নির্ঝাঁক থাকা উত্তর দেওয়া অপেক্ষাও অশোভন হইবে মনে করিয়া সে হঠাৎ সুরেশকে সন্ধানন করিয়া বলিল, “সুরেশ, তোমার বাটার-মশায়ের অস্থখ এখনও সারে নি ?”

কিন্তু কথাটা বলিয়াই অমলা বুকিতে পারিল যে, এক ব্যক্তি যখন সহানুভূতি লাভের প্রত্যাশায় সন্ধানের কণ্ঠে একটি চিত্তব্রাবক প্রশ্ন করিয়াছে, তখন সে প্রশ্নের কোন উত্তর না দিয়া অপর কোনও

ব্যক্তিকে একেবারে অপ্রাসঙ্গিক এবং অসংলগ্ন একটি প্রশ্ন করিবার মত ধরা পড়িয়া যাওয়া আর কিছু হইতে পারে না। তাই সুরেশের মাষ্টারের শারীরিক সংবাদ শুনিবার জন্য এক মুহূর্তও অপেক্ষা না করিয়া, অমলা ঈষৎ আরক্তমুখে প্রথমকে বলিল, “রামভদ্রর আর জগন্নাথকে ছাড়িয়ে দিয়ে অন্য চাকর বামুন রাখলেই ত হয়।”

অমলার কথা শুনিয়া প্রথম একটু হাসিল। অমলার মনের যথার্থ অবস্থা উপলব্ধি করিতে তাহার কিছুমাত্র বিলম্ব হইল না। সে বুঝিল যে, ঔষধ প্রয়োগের মাত্রা পুনরায় কিঞ্চিৎ অধিক হইয়া গিয়াছে। কিন্তু সে তাহার অভিজ্ঞতা ও বুদ্ধির বলে নিজের আক্রমণ করিবার শক্তির ফুলনার অমলার প্রতিরোধ করিবার শক্তিকে এমন মাপিয়া লইয়াছিল যে, নিশ্চিন্ত মনে মাত্রা আরও একটু বাড়াইয়াই দিল। সুদক্ষ অন্ত-চিকিৎসক যেমন ক্ষত পরীক্ষা করিবার জন্য লৌহ-শলাকা দিয়া ক্ষত স্থান বিদ্ধ করিয়া দেখে, তেমনি প্রথম অমলার চিন্তা কি ভাবে পরিণতি লাভ করিতেছে তাহা দেখিবার জন্য, তাহাকে আরও একটু গভীর ভাবে বিদ্ধ করিল।

একটু হাসিয়া সে বলিল, “রামভদ্রর আর জগন্নাথের দুঃখই আমার একমাত্র দুঃখ নয় অমলমণি যে, তাদের ছাড়ালেই আমার সব দুঃখ যাবে। কুমীরে যাকে ধরেছে—দুটো কচ্ছপ তার দেহ থেকে ছাড়িয়ে নিলেই বা কি, আর না নিলেই বা কি? কুমীরের হাত থেকে আমাকে উদ্ধার করতে পার অমলা?”

জ্ঞাত হইয়া অমলা শুদ্ধ মুখে জিজ্ঞাসা করিল, “কুমীর কাকে বলছ প্রথম দাদা?”

অমলার প্রশ্নে ও সজ্ঞানে হাসিয়া কেলিয়া প্রথম বলিল, “রামভদ্রর

বা জগন্নাথের মত কোনো লোককে বলছি নে। কুমীর হচ্ছে আমার দুঃখ আর আমার অভাব, যা আমাকে ক্রমে ক্রমে একেবারে গ্রাস ক'রে ফেলছে !”

অমলার একবার ইচ্ছা হইল যে জিজ্ঞাসা করে, তাহার দুঃখই বা কি, আর অভাবই বা কিসের। কিন্তু উত্তরে প্রথম পাছে আরও গুরুতর কিছু বলিয়া বসে, এই আশঙ্কার তথ্যবয়ে কোন প্রশ্ন করিতে তাহার সাহস হইল না। কোন কথা না বলিয়া প্রথমতঃ দেওয়া লম্বেগুলের শিশিটা হাতে লইয়া ঘুরাইয়া ফিরাইয়া সে দেখিতে লাগিল।

প্রথম কিন্তু গুরুতর কথা বলিবার জন্য অমলার প্রব্লেম অপেক্ষার থাকিল না। অমলার মুখের উপর তীক্ষ্ণ দৃষ্টিপাত করিয়া নিম্নকণ্ঠে সে বলিল, “এই যে সন্দেশটা এত মিষ্টি লাগল,—এ কি শুধু ছানা আর চিনি কৌশলে মেশাবার গুণেই লাগল ?—না, আরও কিছু তার সঙ্গে ছিল ? তোমার সাজা পানে যে চিনি দেওয়া ছিল বলছিলাম, সে কি বাজারে কেনা চিনি অমলমণি ? সে তোমার মুখের মিষ্টি কথার চিনি, মিষ্টি হাসির চিনি ! তোমার চোখের মিষ্টি চাহনির চিনি !”

প্রথমতঃ কথাবার্তার এই হৃঃসাহসিকতার অমলার প্রশংসার ভিত্তর কাঁপিতে লাগিল। এ কি ধরণের কথা যে ইহার উত্তর-প্রত্যুত্তর চলে না ! কথার মধ্যে চিনির ছড়াছড়ি, তবু নিষ্ঠ লাগে না ! তাহার পর এই অমলমণি বলিয়া সন্মোদন ! তাহার এই উনিশ বৎসরের জীবনের মধ্যে যে আদিরের সন্মোদন তাহার কোন আত্মীয়ই করিল না, দুইদিনের পরিচয়ের এই অর্ধ-অপরিচিত ব্যক্তি কোন্ সাহসে কোন্ অধিকারে তাহা করে ? শুধু যে করে তাহাই নয় ; এমন অবলীলাক্রমে করে যে তাহাতে কোন প্রকার বাধা দিতে যাওয়ার সুবিধাই পাওয়া

বার না। সহজ ভাবে কথা কহিতে কহিতে অকস্মাৎ সে ফৌনো এক মুহূর্তে আপত্তিকর হইয়া উঠে; কিন্তু আপত্তি করিবার অবসর না দিয়াই পুনরায় সে সহজ ভাবে কথা কহিতে আরম্ভ করে! কখন সে প্রবৃত্ত হইবে তাহা যেমন অনিৰূপের, কখন সে নিবৃত্ত হইবে তাহাও তেমন অনিশ্চিত!

প্রমথর হস্ত হইতে, বিশেষতঃ প্রমথর জটিল ও কুটিল কথোপকথন হইতে, কি করিয়া নিষ্কৃতি লাভ করিবে, অমলা তাহাই মনে মনে চিন্তা করিতেছিল, এমন সময়ে প্রমথ নিজেই তাহাকে নিষ্কৃতি দিল। রূপক চিনির আলোচনা হইতে সে একেবারে বাস্তব চিনির আলোচনায় আসিয়া পড়িল। সুরেশের দিকে দৃষ্টিপাত করিয়া সে বলিল, “সুরেশের রুচি আনার রুচি থেকে কিছু বিভিন্ন হবারই সম্ভাবনা; সে হয় ত’ হাসির চিনির চেয়ে শিশির চিনিই বেশী পছন্দ করবে। শিশিটা তাকে দাও।”

প্রমথর কথা শুনিয়া ঈষৎ অপ্ৰতিভ হইয়া আরম্ভ মুখে অমলা তাহার হস্তস্থিত লজ্জেকুসের শিশিটা সুরেশের সম্মুখে স্থাপিত করিল; তাহার পর এই প্রসঙ্গ পরিবর্তনে মনে মনে ঝট্ট হইয়া স্নিতমুখে বলিল, “এরি মধ্যে অতগুলো লজ্জেকুস শেষ হয়ে গেল সুরেশ?”

সুরেশ প্রতিবাদ করিয়া কহিল, “অতগুলো কোথায়? কম ত!”

স্নিতমুখে অমলা বলিল, “কম যদি, তা হলে শিশি অত ক’মে গেল কেন?”

অমলার কথা শুনিয়া সুরেশ ব্যগ্র ভাবে একবার লজ্জেকুসের শিশি লক্ষ্য করিয়া দেখিয়া অমলার দিকে চাহিয়া বলিয়া উঠিল, “তুমি বুঝি লজ্জেকুস বার ক’রে নিয়েছ?”

স্বরেশের কথা শুনিয়া প্রমথ উচ্ছ্বসিত হইয়া হাসিয়া উঠিল। লজ্জারক্তমুখী অমলার দিকে চাহিয়া সে বলিল, “তোমার ভয় নেই অমলা, তোমার স্বপক্ষে আমি সাক্ষী আছি। কিন্তু তোমার বয়স এখনও এত বেশি হয় নি, যাতে তোমার বিবাহে স্বরেশ এ সন্দেশ করতে না পারে।”

এ কথার কোন উত্তর না দিয়া অমলা স্বরেশের দিকে চাহিয়া স্মিতমুখে ভৎসনার স্বরে বলিল, “বেশ ছেলে বা হোক! নিজে ব’সে ব’সে শেষ করেছেন, এখন পরের নামে দোষ!”

অমলার কথা শুনিয়া প্রমথ সহাস্তমুখে বলিল, “এ তোমার অন্তর অমলা! তুমি কি পর?”

অমলা হাসিয়া বলিল, “পর না হলেও অপর ত?”

এইরূপে তাহাদের কথোপকথন ক্রমশঃ সহজ সাধারণ প্রবাহে ফিরিয়া আসিল, এবং সেদিন আর নূতন করিয়া কোন গোলযোগ বাধিল না।

রাত্রে আহার করিয়া প্রমথ তাহার বাগায় ফিরিয়া গেল।



দশ দিন পরে টাকার জন্ত মাণিকলালের আসিবার কথা ছিল। তন্মধ্যে দিন দুই হরমোহন নিশ্চেষ্টা ও নিরুদ্বেগে কাটাইলেন; চার পাঁচ দিন ঋণের সন্ধানে বন্ধ, অবন্ধ, আত্মীয় এবং অনাত্মীয়ের পিছনে নিম্নলি আশ্রয়ে ঘুরিয়া বেড়াইলেন; এবং বাকি কয়েকটা দিন প্রেমধর আসার পথ চাহিয়া এবং বাসার পথ হাঁটিয়া কাটিল। কিন্তু শেষ ভরসা প্রেমধ, তাহার কোন সন্ধান পাইয়া গেল না। পাঁচ ছয় দিন হইল প্রেমধ যে হঠাৎ কোথায় অন্তর্হিত হইয়াছে, জগন্নাথ বা রামভক্ত কাহারও নিকট হরমোহন তাহার সন্ধান পাইলেন না। অবশেষে প্রেমধর বাড়ির ঠিকানায় জবাবী তার করিয়াও যখন কোন উত্তর পাওয়া গেল না, তখন দশম দিনে রবিবারের প্রাতে ঠিক দশ দিন পূর্বের অবস্থা হরমোহনের গৃহে ফিরিয়া আসিল। আর কয়েক ঘণ্টা পরে যমদূতের মত মাণিকলাল আসিয়া বসিবে, এবং টাকা না পাইলে যেক্রমে তৎসনা ও তিরস্কার করিবে, তাহা মনে করিয়া স্থপার ও বিরক্তিতে হরমোহনের চিত্ত ভরিয়া উঠিল; এবং হরমোহনের মনের অবস্থা বুঝিয়া ও মুখের বাক্য শুনিয়া প্রভাবতী ও অমলার পানাহারে প্রবৃত্তি রহিল না।

এ পর্যন্ত প্রেমধ বাহা করিয়াছে, ভালই করিয়াছে; অন্ততঃ একটা দিন সে নিজের ব্যয়ে সামলাইয়া দিয়া দশ দিনের মধ্যে একটা কোনো ব্যবস্থা করিবার সুযোগ করিয়া দিয়াছে। কিন্তু আত্ম হরমোহন, প্রভাবতী অথবা অমলা, কাহারও সে কথা মনে হইতেছিল না। তাহাদের মনে হইতেছিল, প্রেমধ বাহা করিয়াছে, অত্যাশ্রয় করিয়াছে—



একটা ছুফ্ফ ছুফ্ফিপাকের মধ্যে তাঁহাদের টানিয়া আনিয়া অবশেষে বিপদের মুহূর্তে নিজে সরিয়া পড়িয়াছে। প্রমথ ব্যতিরেকে বর্তমান অবস্থা যে কি প্রকারে সুবিধাজনক হইতে পারিত, তাহা ভাবিয়া দেখিবার মত কাহারও বৈধা বা অবসর ছিল না। কেবলই মনে হইতেছিল যে, প্রমথ তাহাদিগকে বঝাইয়াছে,—বিপন্ন করিয়াছে।

তিনজনের মধ্যে অমলার মনের অবস্থা একটু জটিলতর ছিল। সেদিন রাত্রে আহার করিয়া প্রমথ চলিয়া যাওয়ার পর হইতে এ পর্যন্ত অমলা কয়েকবারই কারণে এবং অকারণে প্রমথর কথা মনে মনে ভাবিয়াছে, এবং যতবার ভাবিয়াছে প্রতিবারই তাহার মনে হইয়াছে যে প্রমথ আর না আসিলেই ভাল হয়। বিবাহের পূর্বে সে কয়েকবার প্রমথকে দেখিয়াছিল বটে, কিন্তু সে কথা ভাল করিয়া মনেই পড়ে না। তাহার পর সেদিন যখন প্রমথ হঠাৎ আসিয়া উপস্থিত হইল এবং তাহাকে সম্মুখে দেখিয়া বলিয়া উঠিল, “কি অমলা, তোমার প্রমথদাদাকে মনে পড়ে ত?” তখন হইতে এই কয়েক দিনের মধ্যে এমন হইয়াছে যে, নির্জনে প্রমথর সহিত কথা কহিবার কথা মনে হইলেই আতঙ্কে অমলার বুক কাঁপিতে আরম্ভ করে। প্রমথ যে কি বলে সময়ে সময়ে তাহা একেবারেই বুঝা যায় না। তাহার কথা তারি গোলমালে, তাহার দৃষ্টি অভিশয় চূর্বোষ, এবং তাহার কণ্ঠস্বর সময়ে সময়ে অকারণ এমন গাঢ় হইয়া উঠে যে, মনে হয় তৃতীয় কোনও ব্যক্তি সেখানে উপস্থিত থাকিলে তারি অশোভন দেখাইত! এই সকল কারণে, অভিযোগের বিশেষ কোনও কথা না থাকিলেও, প্রমথর কথা মনে পড়িলেই অমলার মনে হইত যে, সে না আসিলেই ভাল, তাহার সহিত কথা কহিবার অবসর না ঘটিলেই মঙ্গল। আজ সকাল হইতে কিন্তু তাহার চিন্তের

কম্পাস-কাঁটা একেবারে অন্ধ দিকে ফিরিয়া দাঁড়াইয়াছে। প্রমথর না আসার জন্য এবং তাহাদের এই বিপদের দিনে সমস্ত কথা বিস্মৃত হইয়া থাকার জন্য আজ সকাল হইতে অমলা মনে মনে জ্বল হইয়া উঠিতেছিল, এবং বেলা পড়িয়া আসার সঙ্গে সঙ্গে জন্মশঃ ক্রোধের সহচর হইয়া একটা অতি স্নান কিন্তু তীক্ষ্ণ অভিমান দেবা দিতেছিল। এই অভিমান সঞ্চায়ের তত্ত্বটুকু কৌতূহলজনক ব্যাপার। অভিমান জিনিষটা কোন স্বভঃসিদ্ধ বস্তু নহে, এবং স্বাধীন স্বতন্ত্র সত্তাও ইহার কিছু নাই। যখনই ইহা উপস্থিত হয়, বাহ্যনের কক্ষে চড়িয়া উপস্থিত হয়; অন্তের অভাবে নিজের পায়ের ভরে উপস্থিত হইবার ইহার শক্তি নাই। ব্যাধি-বিজ্ঞানের ভাষায় ইহা একটি রোগ নহে, রোগের লক্ষণ।

অমলার চিত্তের কোন্ নিভৃত প্রদেশে কি বিকৃতি ঘটিয়াছিল, বাহা হইতে এই অভিমান-রস বিন্দু বিন্দু স্রবিত হইতেছিল, সে বিষয়ে অমলার নিজেরই কোনো জ্ঞান এমন কি সংশয় পর্যন্ত ছিল না; এবং এই আপাত-তুচ্ছ অভিমান অচিরে যে গুরুতর পরিণতি লাভ করিতে পারে, সে সম্বন্ধেও তাহার মন সম্পূর্ণরূপে নিঃশঙ্ক ছিল। প্রত্যাষে যে ভালের রস নির্দোষ স্নানিতল পানীয় থাকে, মধ্যাহ্নেই তাহা উগ্র মদিরায় পরিণত হইতে পারে তাহা সে জানিত না। তাই বেলা তিনটার সময়ে সুরেশের হাত ধরিয়া ‘মাসিমা কোথায়?’ বলিয়া প্রমথ অন্দরে প্রবেশ করিতেই যখন সর্বপ্রথমে অমলা সম্মুখে পড়িয়া গেল, তখন অমলার মনের মধ্যে অভিমানটাই সর্বাপেক্ষা প্রবল হইয়া উঠিল। সে কোনো কথা না কহিয়া পাশ কাটাইয়া প্রমথের পথ ছাড়িয়া দিয়া দাঁড়াইল।

প্রমথের দৃষ্টি দেখিবামাত্র অমলার মুখে তাহার অন্তরের বাহিনী পাঠ

করিয়া লইল। মুহু হাসিয়া অমলার গতিপথ রোধ করিয়া দাঁড়াইয়া সে নিম্নকণ্ঠে বলিল, “রাগ করেছে?”

প্রমথর এই আকস্মিক অহেতুক আচরণে ও প্রশ্নে অমলা চকিত হইয়া উঠিল। অল্পদিকে দৃষ্টি নিবদ্ধ রাখিয়া আরক্ত মুখে সে বলিল, “কেন? রাগ করব কেন?”

প্রমথ হাসিমুখে উত্তর দিল, “কেন রাগ করবে তু, আমি কি ক’রে বলব বল? কারণ যদি কিছু থাকে ত’ তুমিই বল, শুনি।”

এই কথোপকথনের ধারাকে একেবারে বন্ধ করিয়া দিবার অভিপ্রায়ে অমলা একটু প্রবল ভাবে মাথা নাড়িয়া বলিল, “না, কারণ কিছুই নেই!”

প্রমথ কিন্তু সে উত্তরে কিছুমাত্র প্রতীহত না হইয়া হাসিয়া উঠিয়া বলিল, “কারণ কিছুই নেই?—একেবারে অকারণ? শুনে সুখী হলাম অমলা! সংসারের অকারণ জিনিসগুলোর উপরই আমার অঙ্ক আর লোভ সবচেয়ে বেশী। খাতাপত্রের হিসাবের মধ্যে যে-সব জিনিস চড়ান যায় না, মনের মধ্যেই আমি তাদের স্থান দিই।”

সব কথাটার তাৎপর্য অমলা হয় ত ঠিক গ্রহণ করিতে পারিল না, কিন্তু তাহার মুখমণ্ডল রক্তবর্ণ ধারণ করিল। প্রমথর কথার উত্তরে কথা বলিতে গিয়া প্রমথকে এইরূপে পরিহাস করিবার সুযোগ দিয়াছে বুঝিতে পারিয়া সে মনে মনে অল্পতপ্ত হইল। এবং পাছে পুনরায় তাহার কথার সুযোগ পাইয়া প্রমথ কথা বাড়াইয়া চলে, সেই আশঙ্কায় প্রমথের কথার আর কোনও উত্তর না দিয়া পাশ কাটাইয়া অল্পদিকে চলিয়া গেল।

তখন প্রমথ সুরেশের হাত ধরিয়া হরমোহনের কক্ষে উপস্থিত হইল।

প্রমথকে দেখিয়া হরমোহন আকাশের চাঁদ হাতে পাইলেন ; মনে হইল প্রমথ যখন আসিয়া পড়িয়াছে, তখন বেক্সপেই হটক এ বিপদের একটা উপায় সে করিবে ।

কথাটা প্রমথই প্রথমে তুলিল ; বলিল, “মেসোমশায়, আপনার পাওনাদার ত আর একটু পরেই আসবে ; টাকার কোনও ব্যবস্থা হয়েছে কি ?”

চিন্তিত মুখে হরমোহন কহিলেন, “না, কিছুই হয় নি । অনেক চেষ্টা করেছি প্রমথ ; এই কয়েক দিনে অনেকেরই ঘারে ঘারে ঘুরে বেড়িয়েছি, কিন্তু কেউ দিলে না । এখন একমাত্র তুমিই ভরসা, তুমি যদি কোন রকমে তাকে নিরস্ত করতে পার ! তোমার বাসায় যে কতবার গিয়েছি তার সংখ্যা নেই । অবশেষে তোমাকে বাড়ীতে প্রিপেড্ টেলিগ্রাম করলাম । তার কোন উত্তর পেলাম না । তুমি যে সেই গেলে তার পর ত আর এলে না !”

ঈষৎ অপ্রতিভ ভাবে প্রমথ বলিল, “আমিও নিশ্চিত ছিলাম না মেসোমশায় । এখান থেকে বাবার আগে আমি আমার চার পাঁচজন বন্ধুর কাছে চেষ্টা করেছি, কিন্তু উপস্থিত কারও হাতে টাকা নেই । তারপর হঠাৎ একটা জরুরী কাজে বেনারসে যেতে হয়েছিল । কিন্তু সেখানকার কাজ শেষ না করাই আমি বড়ফড়িয়ে চ’লে এলাম । আমার নিজের হাতে টাকা থাকলে আমি ভাবতাম না ; আমারও এ সময়টা বড়ই টানাটানি চলেছে । তা হলে উপায় ?”

হতাশ হইয়া হরমোহন কহিলেন, “কোনো উপায়ই নেই”

একটু চিন্তা করিয়া প্রমথ কহিল, “আজ্ঞা, সে দিন রাতে যে আপনার লাইফ ইনসিওর্যান্সের কথা বলছিলেন তা কবে ডিউ হবে ?”

“সে অনেক দেবী,—হু বৎসর পরে।”

কোন কথা না বলিয়া প্রমথ বিরল চিন্তিত মুখে ভাবিতে লাগিল। তাহার পর হঠাৎ ব্যগ্র ভাবে কহিল, “আচ্ছা, আপনার পলিসিটা বাধা রেখে ত কিছু টাকা তোলা যায়?”

কুন্তিত্বেরে হরমোহন কহিলেন, “পলিসি কি আমার কাছে আছে প্রমথ? তা-ও কোম্পানীর কাছেই বাধা আছে।”

কিছু পূর্ব হইতে প্রভাবতী আসিয়া নিকটে বসিয়া ছিলেন। তাহার বিষম মুখের দিকে চাহিয়া প্রমথ বলিল, “মাসিমা, তুমি কেন এ সব কথার মধ্যে প’ড়ে কষ্ট পাও? এ সব ব্যাপার আমাদের পুরুষদের ওপর ছেড়ে দাও, বে রকম ক’রে হোক আমরা সামলাব। তুমি কিছু ভেবো না।”

নিঃশ্বাস ফেলিয়া প্রভাবতী বলিলেন, “আমি শুধু এই ভাবছি প্রমথ, হাতে এই সধবার লক্ষণটুকু ছাড়া আর কিছুই নেই বা দিবে এই বিপদের সময়ে তোমাদের একটু উপকার করতে পারি। কিন্তু যে হতভাগীর অন্ত্রে তোমাদের এই কষ্ট তার ত বা হোক হু চারখানা কুদ কুঁড়ো আছে, তাই না হয় আপাতত নিরে—”

প্রভাবতীকে কথা শেষ করিতে না দিয়া প্রমথ তাড়াতাড়ি বলিয়া উঠিল, “বাপু রে! তা কখনো করা যায়? একে ছেলেমানুষের সাধের জিনিস, তারপর হঠাৎ যদি স্বত্তরবাড়ী থেকে নিতে আসে তখন পাঠাবে কি ক’রে?”

লংত্রারের এই বিপদানলে দুর্ভাগিনী কস্তার অলঙ্কারগুলি আহতি দিতে প্রভাবতীরও একান্ত অনিচ্ছা ছিল; এ বিষয়ে প্রমথের দৃঢ় অসম্মতি দেখিয়া বিপদের মধ্যেও তিনি এক দিকে একটু আশ্রয় হইলেন।

ঘারাস্তরালে দণ্ডায়মানা অমলা কিন্তু প্রেমধর কথা শুনিয়া একেবারে অগিয়া উঠিল! ছেলেমানুষের সাধের জিনিস? প্রেমধর তাবে কি তাহাকে! সে কি মনে করে সে এতই সামান্ত যে, তাহার পিতার এই মহা বিপদের দিনে তুচ্ছ কয়েকটা সোনা রূপার ঢেলার উপর তাহার বিন্দুমাত্রও মমতা আছে? তাহার ইচ্ছা হইল তখনি তাহার মকরমুখো বালা ছুই গাছা হাত হইতে খুলিয়া প্রেমধর দেহের উপর ছুঁড়িয়া ফেলিয়া দেয়!

প্রেমধর কথা শুনিয়া হরমোহনের এত হৃৎধের মধ্যেও হাসি পাইল। তিনি বলিলেন, “ছেলেমানুষের সাধের জিনিসই বল আর যাই বল, সে আলাদা কথা; কিন্তু ঋতুরবাড়ী থেকে হঠাৎ নিতে আসবে সে ভাবনা একটুও নেই। তা ব’লে আমি অবশ্য গহনা নেওয়ার কথাও বলছি, আমি শুধু এই বলছি যে, তোমার ভাবনাটা একেবারে অমূলক।”

একটু উত্তেজিত ভাবে প্রেমধর বলিল, “না যেসোমশায়, তা নয়। এই টাকার ব্যবস্থা করা, আর মাণিকলালকে ঠাণ্ডা করা, এ সব সামান্ত ব্যাপারগুলো শেষ হয়ে গেলে, আমি সেই আসল কাজেই উঠে পড়ি লাগব; আর আমার সম্পূর্ণ ভরসা আছে যে—”

প্রেমধর মুখের কথা মুখেই রহিয়া গেল, সে সন্মুখে দেখিল আরক্ত মুখে অমলা কক্ষের মধ্যে প্রবেশ করিয়া হরমোহনকে লম্বোদন করিয়া বলিল, “বাবা, তুমি প্রেমধর দাবার ও সব বাজে কথা শুনো না! আমার সব গয়না দিয়ে যদি তোমার একবিন্দুও কষ্ট কমে তাতে আমি খুব খুশী হব। আমি আলমারী থেকে এখনি সব বার ক’রে দিচ্ছি, তার আগে এ ছোটো খুলে দিই।” বলিয়া নিজের হাতের বালা ছুই গাছা সজোরে খুলিতে আরম্ভ করিল।

আর্তস্বরে চীৎকার করিয়া প্রভাবতী ছুটিয়া আসিলেন, “ওরে করিস কি, করিস কি! আজ একাদশীর দিনে অবল্যাণ করিস নে!”

কিন্তু ততক্ষণে অমলা দুই গাছা বালাই হস্ত হইতে উন্মোচিত করিয়া হরমোহনের পদতলে রাখিয়া দিয়াছিল।

তাহার পর ধীরে ধীরে প্রমথর দিকে ফিরিয়া অমলা আর্তস্বরে বলিল, “প্রমথ দাদা, তুমি কি আমাকে এতই ছেলেমানুষ মনে কর যে—” আর তাহার কথা বাহির হইল না, সে তাড়াতাড়ি বজ্রাঙ্কলে চক্ষু ঢাকিয়া নিঃশব্দে রোদন করিতে লাগিল।

হরমোহন সজল চক্ষু মুদ্রিত করিয়া ‘নারায়ণ! নারায়ণ!’ করিতে লাগিলেন।

এক মুহূর্ত্ত প্রস্তর-মূর্ত্তির মত দাঁড়াইয়া থাকিয়া দুঃখার্ভ কণ্ঠে প্রমথ বলিল, “আমাকে মাপ কর অমলা, আমি তোমার মনে কষ্ট নিয়ে অন্তর করেছি! আমি প্রতিক্ষা করছি যদি অন্য কোন উপায় না করতে পারি, আমি নিজে এসে তোমার কাছ থেকে গয়না চেয়ে নিয়ে যাব, কিন্তু এখন তুমি আমার অহরোধ রাখ, বালা হাতে পর।” বলিয়া বালা দুই গাছা তুলিয়া লইয়া প্রভাবতীর হস্তে দিয়া বলিল, “মাসি না, তুমি পরিয়ে দাও।”

প্রভাবতী বালা লইয়া অমলার হস্তে পরাইয়া দিলেন।

অমলাকে ডাকিয়া পাশে বসাইয়া স্নেহে তাহার পৃষ্ঠে হাত বুলাইয়া হরমোহন বলিলেন, “ছি বা, এত অধীর হ’তে আছে কি? ভয় কি, সব ঠিক হয়ে যাবে। তোমার গহনার কতটুকু হার কমবে বল? তা ছাড়া একেবারে নিঃশব্দ হয়ে থাকাত ভাল নয়। তেমন দরকার হলে

খরচ করতে পারব শুধু এই ভরসাটুকু মনের মধ্যে রাখবার জন্তেও হাতে কিছু বাঁচিয়ে রাখা দরকার।”

অমলা নিঃশব্দে নতমুখে পিতার পার্শ্বে বসিয়া রহিল।

এমন সময়ে বাহির হইতে উচ্চকণ্ঠে ধ্বনি আসিল, “হরমোহন বাবু বাড়ী আছেন ?”

দুর্গানাম স্মরণ করিয়া হরমোহন প্রমথর সহিত বাহিরে আসিলেন।
মাণিকলাল বিনয় সহকারে উভয়কে নমস্কার করিল, এবং ছুই তিন
মিনিট সাধারণ কথাবার্তার পর টাকার কথা তুলিল।

বিপন্নভাবে একবার প্রমথর দিকে চাহিয়া, একবার উচ্চ দিকে
দৃষ্টিপাত করিয়া অবশেষে কুণ্ঠিত ভাবে মাণিকলালের প্রতি চাহিয়া
হরমোহন বলিলেন, “আপনার টাকার বিশেষ কোন ব্যবস্থা ত’
করতে পারিনি মাণিকবাবু!”

এক মুহূর্ত নীরব থাকিয়া মাণিকলাল ধীরভাবে বলিল, “অবিশেষ
ব্যবস্থা কি করেছেন শুনতে পারি কি?”

কি বলিবেন ভাবিয়া না পাইয়া হরমোহন বিমূঢ়ভাবে প্রমথর দিকে
চাহিতেই প্রমথ একটু হাসিয়া বলিল, “অবিশেষ ব্যবস্থা আপনার
অগ্রগ্রহ ভিক্ষা ভিন্ন আর বড় বেশী কিছু নয়। দয়া ক’রে কিছু সময়
দিতেই হবে!”

প্রমথর কথা শুনিয়া মাণিকলাল কোন উত্তর না দিয়া ধীরে ধীরে
পকেট হইতে কয়েকখানা কাগজ বাহির করিল, এবং ভাবিয়া হইতে
ছুইখানা কাগজ বাছিয়া লইয়া হরমোহনের হস্তে দিয়া বলিল, “চার
চৌধুরী উকিল বলেছেন, বিশেষ দরকার না থাকলেও, আপনি ছোটো
কাগজ মিলিয়ে দেখে নিয়ে একটা আপনার কাছে রাখবেন, আর
অপরটা দস্তখত ক’রে আমাকে ফিরিয়ে দেবেন।”

কিয়দংশ পাঠ করিয়াই হরমোহন বুঝিতে পারিলেন যে তাহা

নালিশ করিবার নোটিস। শেষ পর্য্যন্ত পাঠ না করিয়াই প্রমথর হস্তে তিনি তাহা অর্পণ করিলেন।

নোটিস পাঠ করিয়া প্রমথ কণকাল চিন্তা করিল, তাহার পর আরও কিছু দিন অপেক্ষা করিবার জন্য মিনতিপূর্ণ ভাষায় মাণিকলালকে সনির্বন্ধে চাপিয়া ধরিল। তাহার অসামান্য উদ্বেগ এবং আগ্রহ দেখিয়া হরমোহন এবং দ্বারাস্তরালে স্থিতা প্রভাবতী ও অমলার কথা ত স্বতন্ত্র, অভিনয়কারী মাণিকলালেরই সময়ে সময়ে ভ্রম হইতেছিল যে, প্রমথ হয় ত' সত্য-সত্যই তাহাকে নিরস্ত হইতে বলিতেছে। প্রমথর কপট অহুরোধ উপেক্ষা করিয়া অভ্যন্তর অভিনয় করিতে সে মনে মনে পীড়া অহুস্তব করিতেছিল।

মাণিকলালের দ্বিধা-মহুস্তর ভাব লক্ষ্য করিয়া, প্রমথর ওজস্বী বক্তৃতায় কিছু ফল হইয়াছে ভাবিয়া হরমোহনও এক্রপ ভাবে মাণিকলালের স্তুতি করিলেন যে, ব্যাপারটা যদি অভিনয় না হইয়া প্রকৃত হইত তাহা হইলে তদ্বৎই মাণিকলাল হরমোহনের সাক্ষর পোষনা মঞ্জুর করিত ; কিন্তু এ অভিনয়ের সব জিনিসটা নকল হইলেও ইহার বাধাবিধির মধ্যে নকল করণার স্থান একেবারেই ছিল না। তাই প্রমথ ও হরমোহনের নির্বন্ধ-নিবেদন শেষ হইলে সে শাস্ত্র অবিচলিত ভঙ্গীতে বলিল, “আপনারা দুজনে এই দীর্ঘ সময় ধ'রে যে কাতরতা প্রকাশ করলেন, শুনে দুঃখিত হোন, তা'তে আমার মন একটুও গলে নি। আমি একটু ভিন্ন প্রকৃতির মানুষ ; চকুলজ্জা বা মায়া-মমতার সঙ্গে আমার কারবার নেই। বাজে কথায় সময় নষ্ট করবার লখ আপনাদের যদি থাকে তা সেটা আমাকে বাদ দিয়েরই করবেন। এখন নোটিসখানায় একটা সই ক'রে দেবেন, না অগ্নিই উঠ'ব, অহুগ্ৰহ ক'রে বলুন।”

প্রমথ বলিল, “যতটা বাজে আপনি আমাদের মনে কচ্ছেন, ততটা বাজে আমরা না হতেও পারি। অতএব এ বিষয়ে আমাদের সঙ্গে একটু কথাবার্তা কইলে বোধ হয় বিশেষ দোষ হবে না।”

মাণিকলাল বলিল, “কথাবার্তার যদি প্রয়োজন হয় ত আমার উকিল চাকরবাবুর সঙ্গেই কথাবার্তা কইবেন। ষ্টেশন রোডে রাধামাধব জীউর মন্দিরের সম্মুখে তাঁর বাড়ী ; আপনাদের বাড়ী থেকে বেশী দূরের পথ নয়।”

একটু চিন্তা করিয়া প্রমথ বলিল, “কখন তাঁর সঙ্গে কথা ক’বার সুবিধা হবে?”

অমৃতমুখ ভাবে মাণিকলাল বলিল, “এখন থেকে আরম্ভ ক’রে ডিক্ৰীজারী পর্যন্ত যখন আপনাদের অভিক্রটি হয়।”

প্রমথ মাথা নাড়িয়া বলিল, “না, মশায়, উকিলের সঙ্গে কথা করে সুবিধা করতে পারব না। যে কথা উকিলকে বদ দিয়ে কইলে সহজ হয়ে আসে, সেই কথাই উকিলের সঙ্গে হ’লে অটল হ’য়ে যায়। মরতে যদি হয় ত রামের হাতেই মরি ; রাবণের হাতে মরলে আর বেশী সুবিধে কি হবে?”

মুখ কুঞ্চিত করিয়া মাণিকলাল বলিল, “আচ্ছা, তা হলে বলুন ; কি আপনার বলবার আছে শুনেই যাই। কিন্তু বোঝাই আপনার, সংক্ষেপে বলবেন।”

প্রমথ বলিল, “লাইফ ইনসিওরের টাকা পেতে মেশোমশায়ের এখনও দু বৎসর দেয়ী ; তার আগে কোনরকমেই আমরা আপনার সব টাকা পরিশোধ করতে পারছি নে। আপনি যখন শুধু হাতে দু বৎসর

অপেক্ষা করতে রাজী নন, তখন মাসে মাসে কিছু টাকা নিয়ে আপনাকে হু বৎসর অপেক্ষা করতে হবে।”

একটু নড়িয়া বসিয়া মাণিকলাল বলিল, “কত টাকা মাসিক দিতে আপনারা প্রস্তুত আছেন ? পাঁচ শ’ ?”

প্রমথ বলিল, “পাঁচ শ’ হাজার জানিনে মশায়। আপনি ঠিক বুঝে এমন একটা কিছু বলুন যার এক পরসী কমে আপনি রাজী হবেন না। কাতরতা প্রকাশ ক’রে কন্মাবার পথ ত নেই, কারণ কাতরতা প্রকাশ করলেও আপনার মন গলে না। আপনি ঠিক বলেছেন,—চকুলজ্জা না থাকার দক্ষণ আপনার প্রকৃতি একটু ভিন্ন হবারই কথা। চকু না থাকলে জীব-বিশেষের বাসস্থান যেমন ভিন্ন হয়।” বলিয়া প্রমথ উচ্চ স্বরে হাসিতে লাগিল।

প্রমথর হাসি থামিলে মাণিকলাল বলিল, “দেখুন প্রমথবাবু, আপনি আমাকে গালাগালি দিলেও আমি আপনাকে পছন্দ করি। কি জানেন ? হাতীর লাখিও সহ্য হয়। আপনার কথার প্রতি আমার শ্রদ্ধা আছে, আপনিই বলুন কত আপনারা দিতে পারেন ; আমার যদি পছন্দ হয় আমি নিশ্চয়ই রাজী হব।”

প্রমথ বলিল, “আচ্ছা তাই ভাল। পঞ্চাশ ?”

মাণিকলাল সংক্ষেপে বলিল, “না।”

হরমোহন একটু উসুখাসু করিয়া প্রমথর দিকে চাহিয়া বলিলেন, “প্রমথ, তোমার সঙ্গে আমার একটু কথা ছিল।”

হস্ত সঙ্কেতে হরমোহনকে নিরস্ত করিয়া প্রমথ কহিল, “আগে এঁর সঙ্গে কথা শেষ করি, তারপর আপনার কথা শুনছি। আচ্ছা, আশী ?”

হরমোহন ব্যস্ত হইয়া উঠিয়া অশ্রুচক্রে বলিলেন, “প্রমথ, একবার যদি বাড়ীর ভেতর”—

হরমোহনকে কথা শেষ করিবার অবকাশ না দিয়া প্রমথ বলিল, “প্রথমে বাইরের হাঙ্গামাটা চুকোই, তারপর বাড়ীর ভিতর যাওয়া যাবে।”

মাণিক বলিল, “না, আশীও না।”

প্রমথ বলিল, “তবে গুরোপুরি এক শ’। কিন্তু এবার থেকে আমার ‘না’ বলবার পালা, তা জানিয়ে দিচ্ছি।”

হরমোহনের মাথা ঝিম্ ঝিম্ করিতেছিল, তিনি হতাশ হইয়া অবসন্ন দেহে বলিয়া রহিলেন।

মাণিকলাল বলিল, “আচ্ছা, তবে এক শ’ই। আপনার কথাকে আমি মান্ত করি; আপনি যখন বলছেন যে এক শ’র বেশী হবে না, তখন বাজে কথায় সময় নষ্ট ক’রে কোন ফল নেই। কিন্তু মাসের পনের তারিখের মধ্যে টাকা না পেলে বোল তারিখে নালিশ দায়ের করব।”

প্রমথ মাথা নাড়িয়া বলিল, “স্বাধ্য কথা।”

“আর প্রথম মাসের কিস্তিটা আজ দিতে হবে।”

প্রমথ হাসিয়া বলিল, “এটা অন্তায় কথা হ’ল। মাসের পচিশ তারিখে চাক্রের কাছ থেকে যিনি টাকা চান তাঁর বিবেচনার সূখ্যাতি আমি করতে পারি নে।”

একটু অপ্রতিভ তাবে মাণিকলাল বলিল, “আচ্ছা, আসছে মাস থেকেই না হয় হবে। আমি তা হলে এখন উঠি।”

“পাঁচ মিনিট অপেক্ষা করুন।” বলিয়া হরমোহনের দিকে চাহিয়া

প্রমথ বলিল, “এবারে চলুন মেলোবশায়, আপনি বাড়ীর ভিতর যাবেন বলছিলেন।”

বাড়ীর ভিতর পদার্পণ করিয়াই হরমোহন কাতরকণ্ঠে কহিলেন, “এ ব্যবস্থা কেন করলেন প্রমথ? মোটে দেড় শ’ টাকা মাইনে পাই, একশ’ টাকা কোথা থেকে দোব?”

ঘারাস্ত্রাল হইতে তনিরা প্রভাবতী ও অমলারও এ ব্যবস্থা ভাল লাগে নাই। মাস-কাবারের পনের দিন পরে পনেরটি টাকাও যে পরিবারে অবশিষ্ট থাকে না, দুই বৎসর ধরিয়া মাসে মাসে একশত টাকা করিয়া ঋণ-পরিশোধ সে পরিবারের দ্বারা কেমন করিয়া হইতে পারে?

প্রমথকে লইয়া হরমোহন এমন স্থানে আসিলেন যেখান হইতে মাণিকলাল কোন কথা শুনিতে না পায়। সঙ্গে সঙ্গে অমলা এবং প্রভাবতীও তথায় উপস্থিত হইলেন

প্রভাবতী বলিলেন, “যা দিনকাল পড়েছে, দেড় শতেই ত কুলোর না; তার জায়গায় পঞ্চাশ হলে অর্ধেক দিন ত’ উপোস করতে হবে প্রমথ?”

অমলা নিজে কিছু বলিল না; পিতা ও মাতার প্রশ্নের উত্তরে প্রমথ কি বলে তাহা শুনিবার জন্ত সে আগ্রহের সহিত, কিন্তু অগ্রসর মুখে, প্রমথের দিকে চাহিয়া রহিল।

নিমেষের জন্ত একবার অমলার মুখ দেখিয়া লইয়া তাহারও মনের ভাব কতকটা উপলব্ধি করিয়া হরমোহনের দিকে চাহিয়া প্রমথ বলিল, “সে ত ঠিক কথা। কিন্তু এমনি একটা ব্যবস্থা না করলে কালকে নালিশটাই বা কি ক’রে আটকান যায়? সে-ও ত সুবিধের ব্যাপার নয়। নালিশ হ’লে কতকগুলো বিবম রকম হাঙ্গামার ব্যাপার

উপস্থিত হবে; অথচ পঞ্চাশ টাকাতে আর কিছু না হোক মুন ভাতটাও ত চলতে পারে।”

একটু ইতস্ততঃ করিয়া হরমোহন বলিলেন, “ওধু মুন ভাত নয় প্রমথ, তা হলে আর ভাবনা কি ছিল ? ওর মধ্যে লাইফ ইনসিওর্যান্সের প্রিমিয়ম আর মুন আছে, প্রিভিডেন্ট ফণ্ড আছে, স্ত্রাকরা আছে, কাপড়ের দোকান আছে; আরও কত কি যে আছে তা আর তোমাকে কত বলব ? আমার বোধ হয় এর চেয়ে নালিশই ভাল ছিল।”

প্রমথ একটু হাসিয়া বলিল, “না, তা ভাল নয়। কেন না তা’তে এ সব অল্পবিধে ত থাকবেই, অধিকন্তু নালিশের উৎপাতটা বাড়বে। শুধুন মেসোমশায়, শোন মাসিমা, অমলা ভূমিও শোন, আমি একটা উপায় মনে মনে ভেবেছি। তোমাদের সকলের যদি মত হয় তাহলে বোধ হয় এ সঙ্কটের একটা ব্যবস্থা হ’তে পারে। কিন্তু সে ব্যবস্থার আমাদের সকলেরই হয় ত একটু অল্পবিধা ভোগ করতে হ’তে পারে,—আপনাদেরও, আমারও। কিন্তু একটা চুরুহ বিপদ থেকে উদ্ধারের উপায় যে খুব সহজ হবে না, এ ত’ আমাদের ভেবে নেওয়াই উচিত।”

প্রমথর এই দীর্ঘ ভূমিকায় বাকি তিনজনেই অধীর হইয়া উঠিতেছিলেন; হরমোহন ব্যগ্রভাবে কহিলেন, “অসম্ভব না হলেই হোল। কি বল শুনি ?”

প্রমথ বলিল, “না, অসম্ভব হয় ত নয়। কাজকর্মের জন্তে আমাকে মাঝে মাঝে কলকাতায় থাকতে হয়, কখন মাসে দশ বার দিন, কখন বা ন-মাস ছ-মাসে দুচার দিন। তার জন্তে আমাকে একটা চল্লিশ টাকা ভাড়ার বাড়ী আর বায়ুন চাকর রাখতে হয়। তা’তে মাসে মাসে আমার

সত্তর পঁচাত্তর টাকা পড়ে। ধরুন, আমি যদি আমার বাসা তুলে দিই তা' হলে সেই টাকাটা এ দিকে লাগান যেতে পারে। আপনাকে মাসে মাসে বাকি পঁচিশ ত্রিশ টাকা দিলেই চলবে। এভাবে ছ-মাসের বেশী চালাতে হবে না। ছমাস পরে আমি একটা টাকা পাব, তা থেকে মাসিকলালের দেনাটা চুকিয়ে দিলেই হবে। তারপর আপনার লাইফ ইনসিওরেন্স টাকা পেলে আমার টাকাটা দিয়ে দেবেন। বাসা তুলে দিয়ে আমি একটা মেস-টেস্ দেবে নিতে পারি। মেসে অসুবিধা হ'লে আমার বন্ধুবান্ধবের বাড়ী আছে, আপনারা আছেন, মাঝে মাঝে ছুটার দিন এক রকম ক'রে চালিয়ে নেওয়া যাবে।”

প্রমথর কথা শুনিয়া হরমোহন ও প্রভাবতীর হৃদয় আশা ও আনন্দে দীপ্ত হইয়া উঠিল। এত সহজে যে এ দুঃস্থ বিপদের উপায় হইতে পারে, তাহা তাঁহাদের স্বপ্নেরও অগোচর ছিল।

জটিলিতে হরমোহন বলিলেন, “এ রকম ব্যবস্থা হ'লে আমাদের পক্ষে ত খুবই ভাল হয়। কিন্তু একটা কথা প্রমথ, শুধু তুমিই কি আমাদের আপনার লোক, আর আমরা তোমার কেউ নই? আপনাদের জন্তে বাসা তুলে দিয়ে তুমি মেসে বা বন্ধুর বাড়ীতে থাকবে, এ কথা তুমি বলছ কি ক'রে?”

প্রভাবতী কহিলেন, “আমরা থাকতে তোমার স্বস্তি বাসা ক'রে থাকা শুধু তখনই অস্তায় হবে না প্রমথ; এখন যে আছি, তা'ও অস্তায় হচ্ছে!”

মুহু হাসিয়া প্রমথ বলিল, “এক শ’ বার, যদি না তোমাদের এ অঙ্কলে থাকলে আমার কাজ কর্ত্তের পক্ষে একটু অসুবিধা হ'ত। তা, সে পদ্মের কথা পরে যেমন সুবিধা হয় করলেই হবে, এখন তা হলে মাসে

এক শ টাকা ক’রে দেবার কথা বলাই ঠিক ত ? তুমি কি বল অমলা ?
এ ব্যবস্থা মন্দ কি ?”

প্রথমদিকে না চাহিয়া একটু ইতস্ততঃ করিয়া ‘মুছকণ্ঠে’ অমলা বলিল, “মন্দ নয়।” কিন্তু তাহার পরই হরমোহনের দিকে চাহিয়া বলিল, “তার চেয়ে বাবা, এক কাজ করলে ত’ হয়। আমার গয়না থেকে ছশো টাকার অনেক বেশী ত’ হবে ; সেই টাকা থেকে ছমাস, অর্থাৎ বতদিন প্রথমদাদার টাকাটা না পাওয়া যায়, মালিক বাবুকে মাসে মাসে একশ’ টাকা ক’রে দেওয়া যেতে পারে। তারপর আপনার লাইকইন্-সিওরের টাকা পেলে প্রথমদাদার টাকাটা দিয়ে দেবেন। তা হলে আর প্রথম দাদাকে নানা রকমের অসুবিধা ভোগ করতে হয় না।”

শেবোক্ত ব্যবস্থাটির চেয়ে প্রথমোক্ত ব্যবস্থাটি যে কত হিলাবে অসুবিধাজনক, তাহা বুঝিবার পক্ষে হরমোহনের কিছু মাত্র বুদ্ধির অভাব ছিল না। সেই নিরতিশ্রব্যব্যবস্থার বিবেচনাহীন কন্ঠাকে অমন ভাবে বাধা দিতে দেখিয়া হরমোহন অন্তরের মধ্যে জলিয়া উঠিলেন। কিন্তু প্রথমদর উপস্থিতির জন্ত বথাসম্ভব সংযত হইয়া অমলার প্রতি ক্রুদ্ধ দৃষ্টি বর্ষণ করিয়া বলিলেন, “তোমার গহনা বিক্রি করবার জন্তে তুমি তখন থেকে এত পীড়ানীড়ি করছ কেন তা ত বুঝতে পারছি নে। তুমি কি মনে কর যে, তোমার বিয়ের ধার ব’লে এটা তোমারই শোধ করা কর্তব্য, আর তোমার গহনা থেকে এটা শোধ গেলে তুমি আমাদের সকলের কাছে একেবারে ঋণ-মুক্ত হবে ?”

হরমোহনের সপরিহাস ভৎসনার দংশনে অমলার মুখ-মণ্ডল রক্ত-বর্ণ ধারণ করিল ; পিতার কথার উত্তরে আর কোনো কথা বলিবার তাহার বুদ্ধি অথবা ক্ষমতা রহিল না।

অমলার ছরবস্থা বুঝিতে পারিয়া সেই অপরিচ্ছন্ন অভিযোগের শ্রানি হইতে তাহাকে মুক্ত করিবার অভিপ্রায়ে প্রমথ বলিল, “তা’ নয় যেসো-মশায় ; অমলা মনে করে, আপনাকে সাহায্য করবার অধিকার তার তুলনায় আমার কিছুই নেই। সেই জন্তে সে ভাবছে যে, আপনাকে সাহায্য করবার জন্তে সে তার সব গহনাগুলো অনায়াসে বিক্রী ক’রে দিতে পারে, কিন্তু আমাকে সামান্য বাসা তুলে দিয়েও সাহায্য করতে দেওয়া যেতে পারে না। তাই সে আমার অসুবিধে নিয়ে এত চিন্তিত হয়ে পড়েছে। আমার অসুবিধের কথা যদি এতটা ভাব অমলা, তা হলে প্রমথ দাদার অসুবিধে না ব’লে প্রমথবাবুর অসুবিধে বলাই উচিত।” বলিয়া প্রমথ হাসিতে লাগিল।

প্রমথর এই তিরস্কারে অমলা অপ্ৰতিভ হইল, কিন্তু খুসীও কম হইল না। বিসদৃশ ব্যাপারটাকে এমন করিয়া একটা সঙ্গত আকার দেওয়ার তাহার মনে যুগপৎ প্রমথর প্রতি সামান্য একটু কৃতজ্ঞতা এবং হরমোহনের প্রতি তদন্তপাতে অভিমান উদ্ভিক্ত হইল। সে একটু বেগের সহিত বলিল, “আমার কথার যদি আপনারা এই রকম সব মানে করেন, তাহলে আমার কোন কথা না বলাই উচিত। বা আপনাদের ভাল মনে হয় তাই করুন।”

প্রমথ হাসিয়া বলিল, “তোমার কথার যদি সে রকম সব মানে না হয়, তাহলে আর কোনো কথা নেই, উপস্থিত মাণিকবাবুকে বিদায় ক’রে আসা যাক্।”

মিনিট পাঁচেকের মধ্যেই, প্রমথ ও হরমোহনের নিকট মাসে...মাসে একশত টাকা পাইবার কথা পাইয়া, মাণিকলাল প্রস্থান করিল।

এক মাস অতীত হইয়াছে, ইহার মধ্যে প্রমথ আর একদিনও হরমোহনের বাড়িতে দেখা দেয় নাই। কিন্তু মাস শেষ হইতেই দুই তিন দিনের মধ্যে, অর্থাৎ যথাসময়ে, তাহার নিকট হইতে পঁচাত্তর টাকা মণিঅর্ডারে হরমোহনের নিকট পৌঁছিয়াছিল, এবং চুক্তি মত মানিকলালও প্রথম কিস্তির একশত টাকা যথাসময়ে লইয়া গিয়াছে। হরমোহন দুই তিনবার প্রমথর সন্ধানে তাহার বাসায় গিয়াছেন, কলিকাতায় প্রমথ আসিয়াছে সে সংবাদও মাঝে মাঝে পাইয়াছেন, কিন্তু একবারও তাহার সাক্ষাৎ লাভ করিতে সক্ষম হন নাই।

অসঙ্গত অধিকার লাভের প্রধানতঃ দুইটি উপায় আছে, বল ও কৌশল। তন্মধ্যে মানব-চিন্তা-অধিকারের পক্ষে শেবোক্ত উপায়টিই বিশেষ উপযোগী। মাছ বঁড়ানী-বিদ্ধ হওয়ার পর তাহাকে হস্তগত করিবার জন্য স্ত্রী ও গুটাইবার পূর্বে স্ত্রী ছাড়াই কৌশল; অমলার উপর প্রমথ সেই কৌশল প্রয়োগ করিতেছিল। মাসে মাসে একশত টাকা দিবার প্রসঙ্গে সেদিন যখন প্রমথর বাসা ভুলিয়া দিবার কথা হইয়াছিল, তখন, বিশেষ কোনও কারণ না থাকা সত্ত্বেও, অমলার মনের মধ্যে এই কথাটাই বারংবার হইয়াছিল যে, পরদিনই প্রমথ তাহার বাসা সমূলে উৎপাটিত করিয়া আসিয়া উপস্থিত হইবে। তাই আত্মরক্ষার স্বাভাবিক ব্যগ্রতায়, প্রমথর সেই সম্ভাবিত পথ রোধ করিবার জন্য সন্ধ্যায় তাহার অলঙ্কার বিক্রয় করিবার প্রস্তাব করিয়াছিল, এবং বলিয়াছিল, ‘তা হলে আর প্রমথদাদাকে নানা রকমের অসুবিধে ভোগ করতে

হয় না।' ধূর্ত প্রেমধর কিন্তু সে কথা শুনিয়া তখনই বুঝিয়াছিল যে, আসিতে বিলম্ব না করিলেই আসলে বিলম্ব হইয়া পড়িবে, ধরা দিলেই ধরিতে পারিবে না। তাই একমাসের মধ্যেও যখন প্রেমধর আসিবার কোনও লক্ষণ বা আশ্রয় দেখা গেল না, তখন অমলার মনের সব আশঙ্কা একেবারে ওলট-পালট হইয়া গেল। প্রেমধরকে সে যতটা সহজ এবং সুলভ মনে করিয়াছিল, প্রকৃতপক্ষে তদ্রূপ সে নয় বুঝিতে পারিয়া একদিকে সে যেমন মনে-মনে ঈর্ষা অপ্রতিভ বোধ করিল, অপরদিকে প্রেমধর উপর তাহার অপমৃত প্রজ্ঞা অনেকটা ফিরিয়া আসিল। কিন্তু তৎসহিত সে মনের নিভৃত প্রদেশে একটা অসুত রকমের নৈরাশ্রের মানিও বোধ করিল; চিকিৎসক 'জবাব' দিয়া যাইবার পর সমস্ত অমুমান এবং অভিজ্ঞতাকে অতিক্রম করিয়া রোগী সহসা ঝাচিয়া উঠিলে আনন্দেরই সহিত চিকিৎসক যেক্রপ একটা অপ্রত্যাশার আঘাত অনুভব করে, কতকটা সেইরূপ।

মাস-কাবারের পর আট নয় দিন অতিবাহিত হইয়াছে, আর কয়েকদিনের মধ্যেই দ্বিতীয় কিস্তি দিতে হইবে। টাকা আর জন্ম হরমোহন চিন্তিত হইয়া উঠিয়াছেন, এমন সময়ে প্রেমধর নিকট হইতে টাকা না আসিয়া একখানা চিঠি আসিল। চিঠি খুলিয়া হরমোহন দেখিলেন একটা নূতন ঠিকানা হইতে প্রেমধর পত্র দিয়াছে, এবং মাণিকলালের কিস্তির টাকা লইয়া যাইবার জন্ত অমুরোধ করিয়াছে।

বৈকালে অফিসের ফেরত হরমোহন প্রেমধর নূতন ঠিকানার উপস্থিত হইলেন। তালতলা অঞ্চলে একটা জীর্ণ দ্বিতল গৃহ, দেখিলে মনে হয় না যে নির্মিত হওয়ার পর কখনও সংস্কার হইয়াছিল। গৃহদ্বার বসিবার বাধানো জায়গায় এক ব্যক্তি বসিয়া ছিল; কৃষ্ণকায়, কৃষ্ণবর্ণ, এবং

মাথার কাঁচা চুল এবং মুখের পাকা ভাব এতছত্তরের মধ্যে কোন্টো তাহার বথার্থ বয়সের পরিচায়ক, তাহা বুঝিয়া উঠা কঠিন।

হরমোহন সেই ব্যক্তিকে জিজ্ঞাসা করিলেন, “মশায়, ‘এটা মেন ত’?”

হঠাৎ ম্যাজিকের মত সেই নিকষকৃষ্ণ মুখের মধ্য হইতে দুই শ্রেণী ছুৎ-গুস্ত দস্ত বাহির করিয়া সেই ব্যক্তি বলিল, “মেহ্, বলেন কি মশাই? হোটেল! দেখছেন না, ছাইন-বোর্ড দেখছেন না, গেরেট বেঙ্গল হোটেল?”

হরমোহন সঙ্ক্যার স্তিমিত আলোকে পাঠ করিয়া দেখিলেন সেই ক্ষুদ্র এবং নগণ্য গৃহের সেই অমকাল নামই বটে।

“আপনি কি এখানে থাকেন?”

আবার সেই দস্তের ম্যাজিক হইল। “ধাকি কি? আমি এখানকার মালিক! আর কেউ অংশীদার নেই!”

মুহু হাসিয়া হরমোহন বলিলেন, “বটে? তবে তো একেবারে আসল লোকের সঙ্গে দেখা হয়েছে! আমি প্রথম চাটুয্যের সঙ্গে দেখা করতে এসেছি। তিনি বাড়ী আছেন কি?”

“আছেন। আপনি?”

হরমোহন এক মুহূর্ত্ত চিন্তা করিয়া কহিলেন, “আমি প্রথমত বেলো হই।”

গুনিবামাত্র সেই ব্যক্তি ঝরিত-বেগে উঠিয়া ভূমিষ্ঠ হইয়া হরমোহনের পদধূলি লইল। তৎপরে উঠিয়া ঠাড়াইয়া বলিল, “আপনি ত’ তা হলে গুরুজন ব্যক্তি! চলুন ওপরে চলুন। কদিন থেকে চাটুয্যে মশায়ের বড় অন্থক করেছে।”

অন্তুখের কথা শুনিয়া হরমোহন উত্তম চিন্তে প্রমথর নিকট উপস্থিত

হইলেন। একটি কুত্র, অন্ধকারময় কক্ষ। তখনও আলো জ্বালা হয় নাই। হরমোহন প্রবেশ করিয়া প্রথমে কিছুই ভাল দেখিতে পাইলেন না। একদিকে একটা খাটের মত মনে হইল। তাহার উপর হইতে যখন “আমুন যেসো মশায়, এদিকে আমুন” বলিয়া প্রথম আহ্বান করিল, তখন হরমোহন শব্দের এক প্রান্তে প্রমথর শিরের গিয়া বসিলেন।

“কি অল্পখ হয়েছে তোমার প্রমথ?”

“বলছি” বলিয়া প্রমথ পূর্বোক্ত ব্যক্তিকে লক্ষ্য করিয়া বলিল, “চকোতি, আলোটা জেলে দিয়ে, দোরটা তেজিয়ে দিয়ে যাও।”

চক্রবর্তী তৎক্ষণাৎ ব্যস্ত হইয়া প্রমথর বাতিদানে বাতি জালিয়া দিয়া দ্বার তেজাইয়া প্রস্থান করিল। হরমোহন বুকিতে পারিলেন ধনী বলিয়া হোটেলের প্রমথর বিশেষ একটু খাতির আছে।

চক্রবর্তী প্রস্থান করিলে প্রমথ বলিল, “অল্পখ তেমন কিছু নয় যেসো মশায়। চার পাঁচ দিন অরে ভুগেছিলাম। কাল থেকে অর আর নেই, কিন্তু ভারী দুর্বল করেছে। নইলে আপনাকে কষ্ট দিতাম না, নিজে গিয়েই টাকাটা দিয়ে আসতাম। আপনার বড় কষ্ট হ’ল।”

এক বৃহত্তর চূপ করিয়া থাকিয়া হরমোহন বলিলেন, “হ্যাঁ, বাস্তবিকই কষ্ট হয়েছে তোমার এই দুর্ব্যবহারে। বাসা ভুলে দিয়ে একটা কদম্ব্য আরগার প’ড়ে তুমি অল্পখে ভুগছ, অথচ আমার বাড়ী যেতে পারনি, এই ত’ তুমি আমার আপনার লোক? আমি এখনি একটা গাড়ী নিয়ে আসছি, তুমি আমার সঙ্গে যাও ত ভালই, নইলে তোমার এক পরসাগ আমি আর হাতে করছি নে, তা আমার যত বড় বিপদই হ’ক না কেন!”

হরমোহনের কথা শুনিয়া প্রমথ মনে মনে বিশেষ হুট হইল; কিন্তু

মুখে গান্ধীর্থের মুখোস পরিয়া হরমোহনের বাড়ী না গিয়া সেই মেসে থাকার পক্ষে এমন সব কারণ দেখাইতে লাগিল, বাহাতে হরমোহনের বুঝিতে একটুও ভুল না হয় যে, অল্প কারণ থাকিলেও, যে-স্ত্রী দেখাইতেছিল সে-স্ত্রী সত্য কারণ একেবারেই নয়, নিতান্তই মিথ্যা ওজর-আপত্তি। এমন কি হরমোহনের গৃহে তাহার বাস করিবার আয়জ্ঞের প্রসঙ্গে অপর সকলের নামোল্লেখের মধ্যে অমলার নামটা সে এমন স্পষ্টভাবে বাদ দিয়া গেল যে, হরমোহনের এ কথা মনে হইতেও বাকি থাকিল না যে, তাহার আপত্তির যথার্থ কারণ অমলার সেদিনের রূঢ় আচরণ।

ঘণ্টাখানেক তর্কবিতর্কের পরও প্রমথ যখন বাসা তুলিয়া হরমোহনের গৃহে বাইতে স্বীকৃত হইল না, তখন হরমোহন হুঃখে ও অভিমানে উঠিয়া দাঁড়াইলেন এবং প্রমথর পুনঃ পুনঃ অমুরোধ সবেও টাকা না লইয়াই প্রস্থান করিলেন।

পথে বাহির হইয়াই কিন্তু হরমোহনের অভিমান আশঙ্কায় রূপান্তরিত হইয়া গেল। এই সব মান-অভিমানের গোলযোগে পনের তারিখের মধ্যে মণিকলালকে টাকা দেওয়া না হইয়া উঠিলে অবস্থাটা কিরূপ দাঁড়াইবে, তাহা চিন্তা করিয়া তিনি অধীর হইয়া উঠিলেন, এবং আত্মসম্মান-বোধের সীমান্তিগুরু অভিনয় করিয়া টাকা না লইয়া চলিয়া আসার অল্প মনের মধ্যে গভীর পরিতাপ উপস্থিত হইল। কিন্তু গৃহে পৌছিবার পর প্রত্যাবর্তী যখন প্রমথ কেন আসিল না, এবং টাকা আসিয়াছে কি-না জিজ্ঞাসা করিলেন, তখন অমুরে উৎকর্ণ অমলাকে দাঁড়াইয়া থাকিতে দেখিয়া হরমোহনের আশঙ্কা ও অমুতাপ যুগ্মভাবের মধ্যে ক্রোধে পরিণত হইল।

প্রভাবতীর প্রশ্নের কোনো উত্তর না দিয়া জুড়-কণ্ঠে হরমোহন কহিলেন, “এবার পাওনাদার এসে যখন অপমান করবে, তখন তোমার মেয়েকে সামলাতে বোলো !”

প্রভাবতী সঙ্কচিত হইয়া ভরে ভরে বলিলেন, “কেন ? ও কি করেছে ?”

হরমোহন তেমনি জুড় স্বরে বলিলেন, “কেন, তুমিও কি ভুলে গিয়েছ ? তোমার সাক্ষাতেই ত’ সেদিন এ বাড়ীতে আসা নিয়ে ও প্রমথর সঙ্গে বে-রকম ব্যবহার করলে, তাতে তখনই আমি বুঝেছিলাম যে, প্রমথর যদি কিছুমাত্র আত্মসম্মান-জ্ঞান থাকে তা হলে এ বাড়ীতে কখনো সে বাস করছে না। মাসে মাসে পঁচাত্তর টাকা দিয়ে এ বাড়ীতে কষ্ট ক’রে বাস ক’রে ওর ত ভারী লাভ যে, ওর ওপর তব্বী !”

প্রভাবতী বলিলেন, “প্রমথ কি সে সম্বন্ধে কথা ভুলেছিল ?”

হরমোহন কহিলেন, “সে কি সেই রকম লোক যে, স্পষ্ট ক’রে সে কথা বলবে ?”

“টাকা এনেছ ?”

“এখনও আত্মসম্মান-জ্ঞান একেবারে হারাই নি যে, এ অবস্থাতেও হাত পেতে টাকা নেব, তা অদৃষ্টে যত দুঃখই থাক !”

এক মুহূর্ত নীরবে দাঁড়াইয়া থাকিয়া অমলা ধীরে ধীরে নিজের কক্ষে আসিয়া বিছানায় শুইয়া পড়িল। দুঃখে ও বেদনায় তাহার হৃদয় বিগলিত হইতেছিল না, অভিমানে ও অপমানে দগ্ধ হইতেছিল। পাওনাদারকে সে সামলাইবে, এত বড় অপমানের কথা পিতার মুখ দিয়া বাহির হইল, অথচ বাস্তবগত তাহার আর বাকি ছিল কোথায় ?

প্রমথকে এইরূপে প্রশ্নর দেওয়া পাওনাদারকে সামলান ভিন্ন অন্য কিছুই
ত নয়! কিন্তু সে কথা বুঝিবে কে, আর বুঝাইবেই বা কে?

তাহার পর, তাহাদের বাড়িতে বাস করিলে প্রমথর যদি কোনো
লাভ না থাকে ত' তাহারই বা ক্ষতি কি? বেশ, তবে তাহাই
হউক। কিন্তু পরে যদি কখনো প্রমথকে বাড়ী হইতে তাড়াইবার
প্রয়োজন হয়, তখন সে ব্যাপার হইতে সে একেবারে নির্লিপ্ত থাকিবে।

অমলা উঠিয়া বাতি জালিয়া একখানা সংক্ষিপ্ত চিঠি লিখিল।
তাহার পর হরমোহনের বসিবার ঘরে গিয়া টেবিলের উপর হইতে
প্রমথর চিঠিটা লইয়া ঠিকানা দেখিয়া নিজ লিখিত চিঠিখানা একখানা
খামে পুরিয়া প্রমথর ঠিকানা লিখিয়া ডাকে পাঠাইয়া দিল।

পরদিন প্রাতে নিজাভবের পর প্রথম স্থির করিল যে, দ্বিপ্রহরে হরমোহন যখন অফিসে থাকিবেন, তখন গিয়া প্রভাবতীকে পঁচাত্তর টাকা দিয়া আসিবে; এবং সেই সময়ে অমলা ও প্রভাবতীর আগ্রহ এবং আচরণ লক্ষ্য করিয়া হরমোহনের গৃহে বাস করা-না-করা স্থির করিবে। এ বিশ্বাস তাহার মনে-মনে বেশ ছিল যে, অন্ততঃ প্রভাবতী তাহাকে তাঁহাদের বাড়ীতে থাকিবার জন্ত পীড়াপীড়ি করিবেন, এবং এ কথাও সে মনে-মনে এক প্রকার স্থির করিয়া রাখিল যে, এবার একটু পীড়াপীড়ি করিলেই আর অসম্মত হইবে না।

আহারাদির পর টাকা লইয়া যাইবার জন্ত প্রথম প্রস্তুত হইতেছিল, এমন সময়ে ডাক-পিয়ন একখানা চিঠি দিয়া গেল। খামের উপর অপরিচিত হস্তের লেখা দেখিয়া তাড়াতাড়ি চিঠি খুলিয়া প্রথম দেখিল লেখিকা অমলা। ঔৎসুক্যের সহিত সে চিঠিখানা পাঠ করিল। লেখা ছিল,
 আঁচরণেবু,

একমাসের মধ্যে আপনি একবারও এ বাড়ীতে আসেন নাই; এমন কি, অল্পই শরীরে কষ্ট করিয়া হোটেলে বাস করিতেছেন, তবুও আমাদের নিকট আসিবার কথা আপনার মনে পড়িল না। আমার কোনও অপরাধের জন্ত যদি আপনি রাগ করিয়া থাকেন ত অল্পগ্রহ করিয়া আমাকে ক্ষমা করিবেন, এবং আমার একান্ত অনুরোধ পত্রপাঠ মাত্র আপনার জিনিসপত্র লইয়া আমাদের বাড়ী চলিয়া আসিবেন। না আসিলে বাস্তবিকই আমি দুঃখিত হইব।

আমার দ্বিতীয় অসুস্থরোধ, এ চিঠিখানা কাহাকেও দেখাইবেন না, এবং কাল আসিয়া চিঠিখানি আমাকে ফেরত দিবেন।

আমার প্রণাম গ্রহণ করিবেন। ইতি,

অমলা

চিঠি পড়িয়া প্রথমতঃ মুখ প্রফুল্ল হইয়া উঠিল। কণকাল চিন্তা করিয়া সে হোটেলের ভৃত্যকে ডাকিয়া একখানা ঠিকা গাড়ী আনিতে আদেশ দিল, এবং তৎপরে চিঠির কাগজ বাহির করিয়া নিয়মিতরূপে একটা চিঠি লিখিয়া ফেলিল।

দেহের অমলা,

তোমার চিঠিখানি পেয়ে অতিশয় সুখী হলাম। প্রকাশ ভাস্কর্যের চার শিশি কাঁকাল ওষুধ খেয়ে যে ফল না হয়েছিল, তোমার এই ছোট্ট হোমিওপ্যাথিক ওষুধের এক কোঁটার মত চিঠিখানিতে তার দশগুণ হ'ল! পাঁচ মিনিট আগে হুর্দলতায় মাথা তুলতে পারছিলাম না, আর এখন একেবারে সোজা হয়ে ব'লে চিঠি লিখছি।

তুমি আমাকে বাবার অন্তে আদেশ করেছ। শরীর যদি নিতান্ত অপটু না হ'ত তা হ'লে এক মিনিট দেরী না ক'রে তোমার হুকুম তামিল করতাম। বাই হ'ক, তুমি যখন আমাকে আহ্বান করেছ, তখন তার প্রতিকূলে এমন কোনো শক্তিই নেই বা আমাকে আটকে রাখতে পারে। কাল সকালেই হাজির হব। এই হ'ল তোমার প্রথম আদেশের কথা।

তোমার দ্বিতীয় আদেশটি আমি আংশিক ভাবে নিশ্চয়ই পালন করব, অর্থাৎ তোমার চিঠিখানা কাউকে কখনই দেখাব না, কিন্তু তোমাকে ফেরতও কিছুতে দোব না। কেন তা জান? ভেবে চিন্তে

মনে-মনে ভুঁমি যে কারণটা বারবার সন্দেহ করবে, ঠিক সেই কারণে।

কাল যখন তোমার সঙ্গে দেখাই হচ্ছে, তখন আজ আর থাক। আমার আশীর্বাদ গ্রহণ করো। ইতি,

তোমার প্রেমধদাদা

একখানা খামে অমলার ঠিকানা লিখিয়া চিঠিখানা তরিয়া প্রমথ পকেটে রাখিল, তাহার পর গাড়ী আসিলে একটা ট্রাক ও বিছানা গাড়ীর মাথার দিয়া হরমোহনের গৃহে বাজা করিল।

দুরেশ ফুলে গিয়াছিল, প্রভাবতী আহ্বারের পর দৈনন্দিন নিজা বাইতেছিলেন, এবং অমলা নিজের ঘরে শয্যার উপর শয়ন করিয়া একখানা পুস্তক লইয়া নিজা এবং আগরণের মাকানারি অবস্থায় উপস্থিত হইরাছিল, এমন সময়ে প্রমথর গাড়ী আসিয়া দ্বারে লাগিল। গাড়ীর শেষে লজাগ হইয়া অমলা জানালায় আসিয়া মুখ বাড়াইয়া দেখিল প্রমথ গাড়ী হইতে অবতরণ করিতেছে। প্রথমেই তাহার প্রভাবতীকে উঠাইয়া দিবার কথা মনে হইল, কিন্তু তৎপরমুহূর্ত্তেই মনে হইল প্রভাবতীর সম্মুখে প্রমথ যদি তাহার পত্রের কোনো উল্লেখ করে, তদপেক্ষা তাহারই সহিত প্রথমে সাক্ষাৎ হওয়া ভাল।

তখন স্বরিত পদে নানিয়া গিয়া সে দ্বার খুলিয়া দিল। সহিলকে তাহার জিনিস দুইটা বাহিরের ঘরে রাখিতে আদেশ করিয়া সহান্ত মুখে প্রমথ প্রবেশ করিল। জিনিস রাখা ও ভাড়া দেওয়া শেষ হইলে সদর দরজা বন্ধ করিয়া দিয়া সে বাহিরের ঘরে প্রবেশ করিল।

দ্বারের বাহির হইতে অমলা বলিল, “তোমার ত’ অস্থখ শরীর

প্রমথ দাদা, এখানে কষ্ট হবে। ওপরে বাবার ঘরে গিয়ে একটু তুলে ভাল হয় না ?”

এ প্রশ্নের কোনও উত্তর না দিয়া প্রমথ জিজ্ঞাসা করিল, “মাসিমা কোথায় অমলা ?”

অমলা বলিল, “মা ঘুমছেন।”

“স্নরেশ ?”

“স্নরেশ স্কুলে।”

“মেসো মশায় ত’ অফিসে ?”

“হ্যাঁ।”

প্রমথ হাসিয়া বলিল, “তবে তুমি ভিন্ন আমার আর দ্বিতীয় পতি নেই ?”

প্রমথর কথা শুনিয়া অমলার মুখখানা প্রথমে লাল হইয়া উঠিল, কিন্তু তখনই সামলাইয়া লইয়া বলিল, “মা ঘুমছেন, তাই তোমার আসা টের পান নি। চল না, ওপরে তাঁর কাছেই চল।”

প্রমথ বলিল, “ওপরে গেলেও ত’ টের পাবেন না যদি-না তাঁকে আগিয়ে তোলা যায়। কিন্তু মাসিমাকে আগাবার আগে তোমার সঙ্গে একটা জরুরী পরামর্শ আছে। সেটা প্রথমে সেরে নেওয়া যাক।”

অনিচ্ছা সত্ত্বেও অমলা উৎসুক হইয়া জিজ্ঞাসা করিল, “কি পরামর্শ ?”

প্রমথ তাহার বিচিত্র কৌশলে কণ্ঠস্বরটা সহসা পরিবর্তিত করিয়া লইয়া কহিল, “কাল মেসোমশায় আমাকে নিয়ে আসবার সঙ্গে অল্প পীড়াপীড়ি করলেন তাতে এলাম না, আর আজ তোমার ছু লাইনের একখানা চিঠি পেয়ে দৌড়ে এলাম, এ কথা শুনলে লোকে কি বলবে বল দেখি ?”

প্রমথকে পত্র লিখিয়া, এবং সেই পত্রদ্বয়ে প্রমথর সহিত একটা

গুপ্ত বিশ্বাস ও নির্ভরতা স্থাপিত করিয়া কতটা ভুল ও অজ্ঞান করিয়াছে, তাহা অমলা বুঝিতে পারিল। সেই তুচ্ছ এবং সামান্য উপাদানটুকুর সাহায্যে প্রথম একটা কদম্বা লুকোচুরীর অবস্থা গড়িয়া তুলিবার চেষ্টা করিতেছে বুঝিতে পারিয়া দুঃসহ বিষয়ে সে এক মুহূর্ত্ত স্তব্ধ হইয়া রহিল, তাহার পর সহসা হাসিয়া ফেলিয়া বলিল, “এই পরামর্শ ? এ ত’ অতি সহজ কথা । এ, শুনলে লোকে তোমার নিন্দে করবে ; বলবে, বাবার অত অহুরোধে না আসা বত না অজ্ঞান হয়েছে, আমার চিঠি পেয়ে বৌড়ে আসা ততোধিক অজ্ঞান হয়েছে ; আর সব চেয়ে বেশী অজ্ঞান হয়েছে এ কথা ব’লে ফেলা ।”

এই সবল ও সরল উত্তরে অপ্রতিভ হইয়া প্রথম অসংলগ্ন ভাবে যে কথা বলিল, সে কথার কোনও উত্তর দেওয়া নিম্নয়োজন বিবেচনা করিয়া অমলা তাহার চিঠিখানা প্রথমের নিকট হইতে ফিরিয়া চাহিল।

তদুত্তরে প্রথম হাসিয়া বলিল, “রামচন্দ্র ! এমন কাজও করে ? সে হ’ল একখানা দলীল, সে কি হাতছাড়া করতে আছে ? বরঞ্চ দলীলের বদলে তোমাকে একখানা পান্টা দলীল দিচ্ছি, রসিদের মত রেখে দিয়ো ।” বলিয়া পকেট হইতে তাহার লিখিত পত্রখানা বাহির করিয়া অমলার হস্তে দিল ।

খামে-মোড়া চিঠিখানা উন্টাইয়া পান্টাইয়া দেখিয়া অমলা বলিল, “এ কি ?”

স্মিত-মুখে প্রথম বলিল, “তোমার চিঠির জবাব। প্রথমে ভেবেছিলাম কাল আসব, তাই তোমার চিঠির জবাব লিখলাম ; কিন্তু লেখার পরই মন বদলে গেল, তাবল্য হুকুমটা আজই তাবিল না করলে যদি বড়-

রকম কিছু শান্তি দিয়ে ব'ল। তাই তাড়াতাড়ি একখানা গাড়ী ডাকিয়ে চ'লে এলাম।”

অত্মদিকে মুখ ফিরাইয়া অমলা বলিল, “বড় ভাইকে ছোট বোন কি আবার শান্তি দেবে!”

প্রমথ হাসিয়া বলিল, “তা আমি তেমন-কিছু জানি নে অমলা, কারণ, ছেলেবেলা থেকেই বোনের সঙ্গে আমার কারবার নেই। কিন্তু আমার মনে হয় রেহ ভালবাসার যত কিছু অধিকার আর আদার, তা তুমি আমার ওপর অবাধে খাটাতে পার; আমাকে তিরস্কারও করতে পার, পুরস্কারও দিতে পার। তোমাদের সেই স্বাধীনতার আমলের চামসে পড়া ভাই-বোনের সম্পর্ক আমার পছন্দ হয় না; আমি ভালবাসি আজ কালকার আদর্শ,—সমান ভালবাগা, সমান অধিকার। একে তুমি সাহেবিয়ানা ব'লে গাল দিতে চাও দাও, কিন্তু এ আমার খুব মিষ্টি লাগে। সাহেবেবরা এই ভাই-বোনের সম্পর্কটা এমন সমান ক'রে দেখে যে, তাদের পরস্পরের মধ্যে এমন-কি বিয়ে পর্যন্ত হ'তে পারে যদি না একেবারে সহোদর ভাই বোন হয়।”

প্রমথর এই দীর্ঘ ও কূট বক্তৃতায় বিরক্ত হইয়া অমলা প্রমথর দিকে মুখ ফিরাইয়া ভীত স্বরে বলিল, “সে বাই হোক, আমি কিন্তু সেই সেকলে ভাবকেই বড় মনে করব—তা সে যত পচাই হ'ক;—আর এই একলে ভাবকে, যাকে তুমি বলছ প্রমথ দাদা”—সহসা অমলা অসমাপ্ত কথার মধ্যে থামিয়া গেল। হয় তাহার মুখ দিয়া অতি-কটু কথা বাহির হইল না, নয় গভীর উত্তেজনায় সহসা কণ্ঠ-রুদ্ধ হইয়া গেল।

যাত্রা অতিরিক্ত হইয়া গিয়াছে বুঝিতে পারিয়া যুগ্মতের মধ্যে মুখে ঢকে একটা করুণ-কাতর ভাব আনিয়া প্রমথ বলিল, “আমি যদি কোনও

অমলায় কথা ব'লে তোমাকে বিরক্ত ক'রে থাকি ত' আমাকে ক্ষমা করো অমলা ; কিন্তু একটা কথা ভুলে না গেলে তুমি আমার ওপর রাগ করতে না । সংসারে আমার আপনার লোক এত অল্প আছে, তোমরা দু'চার জন ছাড়া, যে আমি তাদের সকলকেই বোল আনা পেতে চাই । ব্রহ্ম ভালবাসার বিষয়ে আমি এত গরীব যে, তা থেকে ফেলবার আমার কিছুই নেই ! হুঁতাকের দেশে গিয়ে যদি একবার দেখে এস সেখানকার লোক খাবার পেলে কি রকম হাঁউ হাঁউ ক'রে খায়, তা হলে আমার এই বাড়াবাড়ি আদেখলে ভাবটা ক্ষমা করতে পারবে । যদি এ তোমার ভাল না লাগে ত' উপায় ত' তোমার নিজের হাতেই রয়েছে, কাল্যাকের ধানের ক্ষেত দেখিয়ে না ; দেখালেই সে উজ্জ্বল করবে !”

প্রমথর এই সত্যের কৈফিয়ৎ শুনিয়া অমলা মনে মনে ব্যথিত ও অপ্রতিভ হইয়া বলিল, “আমি ত' তোমাকে রক্ত কোনো কথা বলি নি প্রমথ দাদা ?”

শ্রিতমুখে শাস্ত্র-কণ্ঠে প্রমথ বলিল, “না, তা তুমি বল মি । রক্ত কথা বলবার তুমি অনেক ওপরে । সে কথা যাক্, আমার ত' সব কথাই তোমাকে বলা হয়ে গেল, এবার চল মালিমার কাছে বাওরা যাক্ ।” তাহার পর অমলার দিকে হস্ত প্রসারিত করিয়া কহিল, “গশরীরে যখন এসে হাজির হয়েছি, তখন আর চিঠির কি দরকার ? ওটা আমাকে ফিরিয়ে দাও ।”

ফিরাইয়া দিতে গিয়া অমলার বিগলিত করুণায় একটু বাধিল । বলিল, “প'ড়ে ফিরিয়ে দোব অখন ।”

“ফিরে পাবার ভুলে আমি ব্যস্ত নই ; পড়াতেই আমার আপত্তি ।”

“কেন ?”

মুহু হাসিয়া প্রমথ বলিল, “সেটা পড়লেই বুঝতে পারবে।”

একবার অমলার চিঠিখানা কেলিয়া দিতে ইচ্ছা হইল, কিন্তু বৃন্ত যেমন করিয়া ফলকে ধরিয়া রাখে, কোতুল তেমনি করিয়া চিঠিখানা আটকাইয়া রাখিল।

প্রমথকে দেখিয়া প্রভাবতী ষৎপরোনাস্তি আনন্দিত হইলেন এবং বিস্তারিত ভাবে তাহার শারীরিক অবস্থার সংবাদ লইতে লাগিলেন। তৎপরে, অবশেষে যেস ছাড়িয়া তাঁহাদের নিকট আসিবার ক্ষমতি যে তাহার হইয়াছে, তজ্জন বিস্ময় ও আনন্দ প্রকাশ করিয়া কহিলেন, “কাল তোমার মেসোমশায়ের অত অমরোধ না রেখে আজ হঠাৎ তোমার এ ক্ষমতি কেমন ক’রে হল প্রমথ?”

পলকের জন্ম প্রমথ ও অমলার হৃৎকেন্দ্রের দৃষ্টি মিলিত হইল। পর মুহূর্ত্তে মুহু হাসিয়া প্রমথ বলিল, “কালকের দুর্ঘটতির প্রায়শ্চিত্তেই আজ এ ক্ষমতি হল মাসিমা! কাল মেসোমশায়ের কথার না আলা অন্তায় হয়েছিল, তা আজ বেশ বুঝতে পেরেছি।” এই দুইযুখী কথার দুই দিকে দুই রকম অর্থ;—প্রভাবতীর দিকে সরল, অমলার দিকে গূঢ়।

আবার অমলার সহিত প্রমথের চোখোচোখি হইল। এবার সে দেখিতে পাইল অমলার ওষ্ঠাধর মুহু হস্তের কীণ রেখার কুঞ্চিত। মনের সন্ধান পাইলে বুঝিতে পারিত অতি তরল কৃতজ্ঞতার রসে সে স্থল সিক্ত হইয়া গিয়াছে।

অফিসের ছুটির পর হরমোহন পুনরায় প্রমথর হোটেলের উদ্দেশে চলিলেন। সহকর্মীচারীদের নিকট একশত টাকা ঋণের জন্ত বহু প্রকারে চেষ্টা করিয়া নিষ্ফল হওয়ার পর, তাঁহার মনে পূর্বদিনের আশ্রমর্যাদা অথবা আত্মাভিমানের জন্ত কোনও স্থানই আর ছিল না। কিন্তু টাকা বখাশময়ে না পাইলে মানিকলাল যে মূর্তি ধারণ করিবে তাহা বলনা করিয়া হরমোহন স্থির করিলেন যে, আজ যে প্রকারেই হউক, প্রমথকে গৃহে লইয়া যাইবেন; এবং সে কার্য একান্ত করিতে না পারিলে অগত্যা যে কার্য করিবেন, মনের নিভৃত প্রদেশে লুকাইয়া লুকাইয়া তাহাও এক প্রকার স্থির করিয়া লইলেন।

পথে যাইতে যাইতে যাচনা সম্বন্ধে একটা পুরাতন শ্লোক মনে পড়িয়া গেল—

বেপথুমলিনং বক্তুং দীনবাক্ গদগদশ্বরঃ ।

যরণে ষানি চিহ্নানি তানি চিহ্নানি ষাচনে ॥

কিন্তু স্বভাবের উপর অভাবের উৎপীড়ন এমনই প্রবল যে, উপরোক্ত শ্লোকটি মনে মনে আবৃত্তি করিতে করিতে হরমোহন প্রমথর হোটেলের দিকেই উত্তরোত্তর অগ্রসর হইতে লাগিলেন।

হোটেলের সিঁড়ি দিয়া উপরে উঠিতে চক্রবর্তীর সহিত সাক্ষাৎ হইল। চক্রবর্তীকে নমস্কার করিয়া হরমোহন প্রমথর সংবাদ জিজ্ঞাসা করিলেন।

প্রমথর আকস্মিক হোটেল-ত্যাগের সহিত হরমোহনের গত কল্যাকার আগমনের কোন প্রকার যোগ ছিল মনে করিয়া হরমোহনের

প্রতি চক্রবর্তী বিশেষ প্রসন্ন ছিল না। রুদ্ধস্বরে বলিল, “তিনি এখান থেকে উঠে গেছেন।”

বিস্মিত হইয়া হরমোহন বলিলেন, “উঠে গেছেন? একেবারে না-কি?”

“একেবারে কি ছুঁবারে তা বলতে পারিনে মশায়; উঠে গেছেন তাই জানি।”

একটু ইতস্ততঃ করিয়া হরমোহন জিজ্ঞাসা করিলেন, “কোথায় গেছেন বলতে পারেন?”

উত্তর দিতে গিয়া লহনা চক্রবর্তীর উত্তর দম্পত্তি বাহির হইয়া পড়িল। আনন্দ, বিষয় অথবা ক্রোধ—যে কোনও মানসিক উত্তেজনার কালে এ ব্যাপার ঘটিত।

“কোথায় গেছেন আপনিই ত’ তা জানেন মশায়! আমাকে জিজ্ঞাসা করছেন কেন?”

বারম্বার এরূপ দুর্বিনীত উত্তরে হরমোহন ক্রুদ্ধ হইয়া উঠিয়া কহিলেন, “রসিকতা করবার অস্ত্রে জিজ্ঞাসা করছি! সমস্ত দিনের হাড়ভাঙ্গা খাটুনির পর ঠাণ্ডা হবার অস্ত্রে আপনাকে খুঁজে বার করেছি কি না? তাই!”

হরমোহন কৰ্ত্তক তিরস্কৃত হইয়া পুনরায় চক্রবর্তীর নমোদ্ধাস হইল,—এবার কিন্তু সম্পূর্ণ বিভিন্ন উত্তেজনার। অপ্রতিভ হইয়া কহিল, “রাগ করবেন না মশায়; নানান লোকের সঙ্গে কথা ক’রে ক’রে আমার বাক্য একটু তিরিচ্চি হ’য়ে গেছে। চাটুঘ্যে মশায় কোথায় গেছেন, তা বলে যান নি; বোধহয় বাড়ী গিয়েই থাকবেন।”

হরমোহনেরও মনে হইল, পুনরায় অসুস্থ হইয়া প্রথম বাড়ী গিয়াই থাকিবে ; বলিলেন, “আজ সকালে কি তার জ্বর ছিল ?”

“দেহে ত’ কাঁচ লাগিয়ে দেখি নি, কেমন ক’রে বলব বলুন ?” সঙ্গে সঙ্গে নিমেষের অন্ত বিজ্ঞান-সুরণের যত একবার দস্ত-সুরণ হইয়া গেল।

চক্রবর্তীর প্রতি অগ্নিদৃষ্টি বর্ষণ করিয়া, এবং মনে মনে তাহাকে অভিসম্পাত দিয়া, হরমোহন পথে বাহির হইয়া পড়িলেন। পথে যাইতে যাইতে এক একবার মনে হইতে লাগিল, হয় ত’ প্রথম তাঁহারই গৃহে গিয়া থাকিবে ; কিন্তু অতটা আশা বেশীকণ সাহসের সহিত করিতে পারিতেছিলেন না।

গৃহে পৌছিয়া প্রথমকে দেখিবারাত্র হরমোহনের মন হইতে সমস্ত চিন্তারাশি অপসৃত হইয়া গেল। তিনি যে প্রথমর হোটেল হইয়া আসিতেছেন সে কথা লুকাইলেন ; কিন্তু প্রথমকে দেখিয়া মনের অধীর আনন্দ লুকাইবার কোনও চেষ্টা করিলেন না।

অদূরে দাঁড়াইয়া অমলা পিতার এই পরিপুষ্ট প্রসন্নতার অন্তর্নিহিত কঙ্কাল-মূর্ত্তি দেখিতে পাইয়া মনে মনে উদ্বিগ্ন হইয়া উঠিল। এই মাত্রাতিরিক্ত অভিনিবেশ ও আতিথেয়তার মূলে, এক পক্ষের কতখানি উপারবিহীনতা এবং অপর পক্ষের কতখানি যথেষ্টাচারিতার শক্তি রহিয়াছে, তাহা উপলব্ধি করিয়া সে একটা অননুভূতপূর্ব্ব অস্বস্তি বোধ করিতে লাগিল। অপরিসের অধিকার লইয়া তাহাদের গৃহে আজ হইতে প্রতিষ্ঠিত হইয়াও প্রথম অধিকার পরিচালনার কোনও লক্ষণ প্রকাশ করিতেছে না দেখিয়া অমলা কিছুমাত্র আশ্বাস পাইল না। কোষ-নিবদ্ধ তরবারি যে কোনও মুহূর্ত্তে কোষ হইতে বাহির

হইয়া সংহার করিতে পারে, তাহা সে জানিত। প্রমথর ভ্রাত্তর একদিকে ছুরি এবং অপর দিকে চামর ; এবং এই অদ্ভুত অস্ত্র সে এমন ক্ষিপ্ততার সহিত পরিচালনা করিতে জানে যে, কখন যে সে ছুরি চালায় এবং কখন যে সে চামর ঢুলায়, তাহা বুঝিতেই পারা যায় না !

প্রমথ কোন্ ঘরে থাকিবে সন্ধ্যার পর তাহা লইয়া বিবাদ বাধিয়া গেল। প্রভাবতী দ্বিতলের একটা ঘর পরিষ্কার করিয়া প্রমথর থাকিবার ব্যবস্থা করিতেছিলেন ; কিন্তু প্রমথ তাহাতে সজোরে আপত্তি করিয়া বলিল।

সে বলিল, “অত হাঙ্গামা করবার কোন প্রয়োজন নেই যালিয়া, আমি বাইরের ঘরে থাকিব। রাস্তার ধারে ঘর, সে আমার বেশ সুবিধা হবে।”

কথাটা যে সর্বৈব উপেক্ষীয়, সেই ভাবে প্রভাবতী ও হরমোহন হাসিতে লাগিলেন ; এমন কি অমলারও মনে হইল যে, সকলে দ্বিতলে থাকিয়া একমাত্র প্রমথ নীচে শয়ন করিলে ব্যাপারটা একটু দৃষ্টি-কটু হইবে।

হরমোহন কহিলেন, “ওপরে চারখানা ঘর থাকতে তোমার নীচে থাকবার কোন কারণ নেই।”

প্রমথ হাসিয়া বলিল, “সেই জন্তেই আমাকে নীচে থাকতে অসুমতি দেওয়ারও কোন বাধা নেই। ওপরে ঘরের যদি অভাব থাকত, তাহলে আমাকে নীচে থাকতে দিতে ইতস্ততঃ করতে পারতেন। কিন্তু সে অসুবিধে যখন একেবারেই নেই, তখন বুঝতে পারছেন, নীচে থাকাটাই আমি বেশী রকম সুবিধা মনে করছি।”

হরমোহন ও প্রভাবতী এ বিষয়ে অনেক জিদ করিলেন ; কিন্তু

সংকল্প কার্যে পরিণত করিবার শক্তি প্রমথর এমন প্রচুর পরিমাণে ছিল যে, অবশেষে বাহিরের ঘরেই তাহার শরনের ও থাকিবার ব্যবস্থা করিতে হইল।

পরদিন প্রাতে অমলা একটু সহজ ভঙ্গিতে করিবার অভিপ্রায়ে বলিল, “কাল রাত্রে গরমে হয় ত খুব কষ্ট হয়েছিল? বাইরের ঘরে হাওয়া তেমন আসে না; ওপরের ঘরেই থাকলে হোত।”

প্রমথ হাসিয়া বলিল, “মেস থেকে ত টেনে এনেছ বাড়িতে, আরও কাছে নিয়ে যেতে সাহস হয় তোমার?”

প্রমথর কথা শুনিয়া অমলার মুখ আরক্ত হইয়া উঠিল; কিন্তু তখনই সামলাইয়া লইয়া বলিল, “কেন, সাহস হবে না কেন? তুমি ত’ আর ভুত নও প্রমথদাদা যে, তুমি কাছে এলে ভয় হবে!” বলিয়া হাসিতে লাগিল।

এক মুহূর্ত্ত প্রমথ চুপ করিয়া থাকিল, তাহার পর মুহূ হাসিয়া বলিল, “ভুত হলে ত ভয়ের কথা ছিল না অমলা,—আমি তোমার ভবিষ্যৎ, সেই জন্তেই যে ভয়!”

মুহূ মুহূ হাসিতে হাসিতে অমলা বলিল, “কিন্তু সে জন্তেও আমার ত’ ভয় হবার কথা নয় প্রমথদাদা? মার কাছে তুমি কড়ার ক’রে রেখেছ যে, ভবিষ্যতে আমার একটা বড় রকমের উপকার করবে!”

প্রমথ তাহার কৌশল মত কণ্ঠস্বরটা গহসা গাঢ় করিয়া লইয়া বলিল, “তোমার উপকার করি, কি আমারই উপকার করি, তার ঠিক কি? ভবিষ্যৎটা এমন অনিশ্চিত যে, তার ওপর কিছুমাত্র বিশ্বাস নেই!”

অমলা কিন্তু পূর্ব্বের মত শাস্তকণ্ঠে বলিল, “বিশ্বাস না করলেই হোল। আমি যে বিশ্বাস করব, তা তোমাকে কে বললে?”

“অতটা শক্ত হ’তে পারবে ?”

“এমন কিছু বেশী শক্তির দরকার হবে কি ? আমার শু’ মনে হয় এমনি সহজ ভাবে থাকলেই চলবে।”

বিস্মিতনেত্রে ক্ষণকাল অমলার প্রতি চাহিয়া থাকিয়া প্রমথ বলিল,
“তা থাকতে পারবে ?”

তরল মিষ্ট হাস্তের সহিত অমলা বলিল, “মনে শু’ হয়, পারব।”

এ কথার কোন উত্তর প্রমথর মুখ দিয়া বাহির হইল না ; মনে মনে বলিল, ‘তা যদি পার, তাহলে বুঝব তোমারই সঙ্গে খেলাটা লেয়া খেলা হোল !’

* * * * *

কথাগুলো কিছু অস্পষ্ট ভাবে হইলেও, অমলার বক্তব্যটা মোটামুটি বুঝিতে প্রমথ ভুল করিল না। তাহার সহিত একটা সংঘর্ষ অনুমান করিয়া অমলা যে প্রস্তুত হইয়াছে তাহা সে বুঝিল ; এবং অমলার কথোপকথন করিবার সহজ ভঙ্গী দেখিয়া এ কথাও বুঝিল যে, অমলাকে পরাজিত করা তাহার পক্ষে নিতান্ত সহজ হইবে না। বিদ্যুৎ-প্রবাহ বাধা পাওয়ার ক্ষমতা তার যেমন দীপ্ত হইয়া অগিয়া উঠে, তেমনি প্রমথর মন সম্ভাবিত বাধার কল্পনায় অগিয়া উঠিল। ফলত মনে হইবামাত্র লোভের রাজ্য চতুর্দশ বুদ্ধি পাইল।

কিন্তু লাভ করিবার একটা কৌশল হইতেছে, লোভটাকে যথাসম্ভব লুকাইয়া রাখা। যাছ-তরকারীর বাজারের দর-দস্তুর করিবার ফনি মানসিক বাজারের কেনা-বেচার ব্যাপারে অনেক সময়ই প্রয়োগ করা চলে। তদনুসারে, প্রমথ তাহার আগ্রহকে একেবারে প্রচ্ছন্ন রাখিয়া চলিল। দিনের মধ্যে অধিকাংশ সময়ই সে গৃহের বাহিরে কাটাইতে

লাগিল ; এবং যতটুকু সময় গৃহে থাকে, বাহিরের ঘরে তাহার নানা-প্রকার কাজকর্ম এবং হিসাব-পত্র লইয়াই ব্যস্ত থাকে। প্রতিদিন অন্ততঃ দুই তিনবার করিয়া অমলার সহিত তাহার সাক্ষাৎ হয় বটে, কিন্তু প্রতিবারই কোন-না-কোন কারণে তাহার কাছে অমলারই বাইবার প্রয়োজন হয় বলিয়া। সাক্ষাৎ হইলে কথাবার্তা বাহা হয় তাহাও নিতান্ত সামূলী বরণের।

অমলা বলে, “প্রমথদাদা, আর নাইতে দেবী করলে অমুখ করবে।”

কাগজ-পত্রের উপর দৃষ্টি নিবদ্ধ রাখিয়া প্রমথ বলে, “এই উঠলাম ব’লে, আমার তেলটা বারান্দায় রেখে দাওগে।”

আহারের সময়ে অমলা বলে, “রামভদ্রর ঠাকুরের রান্নার চেয়ে এ বাড়ীর রান্না ভাল, তা’ত তোমার খাওয়া দেখে একটুও বোঝা যায় না প্রমথদাদা ?”

প্রমথ হাসিয়া বলে, “সেটা বুঝতে হ’লে মেসের খাওয়ার পরিমাণটাও তোমার দেখা দরকার ছিল।”

সকালে চা হস্তে অমলা আসিয়া দাঁড়াইলে প্রমথ অন্তমনস্ক ভাবে তাহার হস্ত হইতে চায়ের বাটি লইয়া ধীরে ধীরে টেবিলের উপর নামাইয়া রাখে ; এবং বৈকালে জলখাবারের রেকাব লইয়া প্রবেশ করিলে প্রমথ হয় ত বলে, “মাসিমার কাছে রেখে দাওগে অমলা, যখন দরকার হবে চেয়ে নোব।”

এই ভাবে কয়েক দিন কাটিয়া গেল। তাহার পর একদিন সকালে জানা গেল যে, প্রমথ পুনরায় অমুখ হইয়াছে।

হরমোহন আসিয়া উদ্বিগ্ন-কণ্ঠে জিজ্ঞাসা করিলেন, “কি হয়েছে তোমার প্রমথ ?”

প্রথম একটা কিকা আসমানী রংএর আলোয়ানে পদধর আবৃত করিয়া শয্যার উপর বসিয়া ছিল। মুহু হাসিয়া বলিল, “বিশেষ কিছু নয় ; কাল রাত্রে বোধ হয় সামান্য জ্বর হয়েছিল, আর হাঁটু দুটোর একটু বেদনা হয়েছে। বোধহয় বাতের মত কিছু হবে।”

চিন্তিত স্বরে প্রভাবতী বলিলেন, “ওমা এত অসুখ, আর বলছ বিশেষ কিছু নয় ? ষাণ্মৌমিটার লাগিয়ে জ্বর আছে কি-না দেখ।”

হরমোহন কহিলেন, “এ অসুখটা হোল শুধু তোমার জেদের জন্তে প্রথম। একতলার ঘরে শুয়ে বাত টেনে আনলে।”

মুহু হাসিয়া প্রথম বলিল, “না, তার জন্তে নয়, আমার একটু বাতের ধাতই আছে।” তাহার পর কক্ষের চতুর্দিকে দৃষ্টি নিক্ষেপ করিয়া বলিল, “কেন, এ ঘর ত’ তেমন কিছু ঠাণ্ডা নয়, বেশ ঋতুখটে।”

“আচ্ছা বেশ, ঋতুখটে ঘর ঋতুখটেই থাকুক, তুমি এখনি ওপরে চল।”

অদূরে অমলা দাঁড়াইয়া ছিল ; তাহার দিকে চাহিয়া হরমোহন বলিলেন, “অমল, দক্ষিণ দিকের ঘরটা প্রথমের জন্তে পরিষ্কার করিয়ে ফেল।”

ব্যস্ত হইয়া প্রথম কহিল, “না, না, এখন পরিষ্কার করাবার দরকার নেই। পায়ে যে রকম ব্যথা, সিঁড়ি ভেঙ্গে ওপরে যেতেও পারব না। ব্যথা একটু কমলে, পরে যেমন হয় করলেই হবে।”

কিন্তু পর দিন প্রমথকে দেখিতে আসিয়া ডাক্তারও যখন একতলার ঘরে থাকায় আপত্তি করিলেন, তখন হরমোহন আর কোন আপত্তিই শুনিলেন না, জোর করিয়া প্রমথকে উপরে লইয়া গেলেন।

অমলা বলিল, “পা-টাকে বোঁড়া না ক’রে আগে ওপরে এলেই ভাল হত।”

প্রমথ হাসিয়া বলিল, “অনেক সময়ে খোঁড়া পায়ে এমন সব দুর্গম জায়গায় বাওয়া যায়, যেখানে ভাল পায়ে বাওয়া যায় না।”

মুহু হাসিয়া অমলা বলিল, “কিন্তু ওপরের ঘর কোন দিনই ত’ তোমার পক্ষে দুর্গম ছিল না।”

“না থাকলেও, ডাক্তারের সার্টিফিকেট পাওয়ার আরও একটু দুর্গম হ’ল না কি?” বলিয়া প্রমথ মুহু মুহু হাসিতে লাগিল।

প্রসঙ্গটাকে প্রমথ জটিল করিয়া তুলিবার চেষ্টা করিতেছে দেখিয়া অমলা প্রসঙ্গান্তরে গমন করিল। তৎপরে, তাহাতেও অব্যাহতি না পাইয়া, অগত্যা কক্ষান্তরে প্রস্থান করিল।

প্রমথকে আসিবার জন্ত চিঠি লিখিবার পর অমলা মনে মনে নিজেকে প্রস্তুত করিয়া লইয়াছিল মত; তথাপি, ব্যাঘ্রের পিঞ্জর হইতে ব্যাঘ্রকে নিজের পিঞ্জরে আসিতে দেখিয়া খেলোয়াড় যেমন প্রথমটা ঠুং ঠুং হইয়া উঠে, তেমনি করেক দিন পূর্বে প্রমথ আসার পর তাহাকে দেখিয়া অমলা কণকালের জন্ত উৎকণ্ঠিত হইয়া উঠিয়াছিল; কিন্তু তৎপরে তাহার মন হইতে সে উৎকণ্ঠা ক্রমশঃ অবশ্য হইয়া গিয়াছিল। আজ প্রমথকে অধিকতর নিকটবর্তী হইতে দেখিয়া অমলা পুনরায় সজ্জ হইয়া উঠিল। একবার মনে হইল, প্রভাবতীকে সব কথা খুলিয়া বলে। কিন্তু অভিযোগের কারণ তখন পর্য্যন্ত এমন কাননিক ছিল যে, অভিযোগ করিবার যথোপযুক্ত ভাষা সে খুঁজিয়া পাইল না। তাহা ছাড়া মনে হইল, অর্থ দ্বারা পিতাকে এবং আশা দিয়া মাতাকে প্রমথ এমন প্রবল ভাবে আয়ত্ত করিয়া লইয়াছে যে, তাহার বিরুদ্ধে অভিযোগ বিনা অমুসন্ধানেই খারিজ হইয়া যাইবে।

রোগ হইতে মুক্ত হওয়ার কয়েক দিন পরে প্রথম বিশেষ কোনও কার্যে কান্ধী যাত্রা করিল।

রওয়ানা হইবার কিছু পূর্বে অমলার হস্তে একটা চাবির রিং দিয়া সে বলিল, “আমার ট্রাঙ্ক আর ক্যাশ বাক্সের চাবি দুটো তোমার কাছে রইল অমলা ; ফিরে এসে নোব।”

একটু ইতস্ততঃ করিয়া অমলা বলিল, “তোমার সঙ্গেই রাখ না কেন প্রথম দাদা ?”

যুহু হাসিয়া প্রথম বলিল, “সঙ্গে রেখে ত’ কোনো লাভ নেই, যখন বাক্স দুটোই সঙ্গে রাখছি। লাভের মধ্যে শুধু হারিয়ে আসবার একটা ভয় আছে। তা ছাড়া, একটা কারণে চাবিটা তোমার কাছে থাকাই দরকার।”

উৎসুক নেত্রে প্রথমের দিকে চাহিয়া অমলা বলিল, “কি কারণে ?”

একথানা মনিঅর্ডারের ফরম্ অমলার হস্তে দিয়া প্রথম বলিল, “এ ফরম্‌টায় সবই ভরা আছে। কান্ধী পৌছে আমি যদি তোমাকে চিঠি লিখে জানাই, তা হ’লে ক্যাশ বাক্স থেকে ছশো টাকা বার ক’রে মেনোমশাইকে দিয়ে আসছে সোমবারে মনিঅর্ডারটা করিয়ে দিই। আর, আমার চিঠি যদি না পাও, তা হলে বুঝবে যে, মনিঅর্ডার করবার দরকার নেই।”

একটু চিন্তা করিয়া অমলা বলিল, “এ তুমি তা হ’লে বাবাকে দিয়ে যাও না প্রথমদাদা ?”

ব্যস্তভাবে প্রেমথ কহিল, “না, না, মনিঅর্ডার করতে হবে, কি, হবে না, তারই যখন ঠিক নেই, তখন আগে থাকতে মেসোমশায়কে ফরমাগ ক’রে যাওয়া ঠিক হবে না। তা ছাড়া, তোমার পক্ষে এটুকু তার নিতে আপত্তির কারণ কি হচ্ছে?”

এমন স্পষ্ট করিয়া জিজ্ঞাসা করিলে আপত্তির কারণ কি হইতেছে বলা চলে না; অগত্যা অমলাকে চুপ করিয়া থাকিতে হইল।

প্রেমথ বলিল, “ক্যাশবাল্লে দুশোর চেয়ে অনেক বেশী টাকা আছে; যদি দরকার মনে কর নিজের ঘরে নিয়ে গিয়ে রেখো।”

অমলা বলিল, “মার লোহার সিন্দুকে রাখিয়ে দোব।”

শ্রিতবুধে প্রেমথ বলিল, “তা যা হর কোরো, তবে লোহার সিন্দুকে রাখবার মত অত টাকা নেই।”

গাফিল্লে উঠিবার পূর্বে প্রেমথ প্রেতাবতীকে প্রণাম করিলে, প্রেতাবতী জিজ্ঞাসা করিলেন, “ক দিনে ফিরে আসছ বাবা?”

প্রেমথ বলিল, “সম্ভবতঃ সাত আট দিনের মধ্যে।”

কিন্তু সাত আট দিনের দ্বিগুণ সময় কাটিয়া গেল তথাপি প্রেমথ ফিরিল না।

পরবর্তী কিস্তির তারিখ উত্তীর্ণ হইয়া গিয়াছে, শাণিকলাল যথানিয়মে প্রত্যহ তাগাদায় আসিয়া হরমোহনকে নিপীড়িত করিতেছে, এবং হরমোহন প্রেমথর গুজুহাতে একদিন একদিন করিয়া তিন চার দিন সময় লইয়াছেন; এমন সময়ে হরমোহনের জবাবী তারের উত্তরে কানী হইতে সংবাদ আসিল যে, প্রেমথ কয়েক দিন হইল কার্ঘ্যোপলক্ষে জোনপুর গিয়াছে

তার পাঠ করিয়া হরমোহন অর্ধকৃত্ত অন্ন পরিত্যাগ করিয়া উঠিয়া

পড়িলেন। সন্ধ্যার পর মানিকলাল আসিয়া টেলিগ্রামের সংবাদ শুনিয়া যে মুষ্টি ধরিবে, তাহা কল্পনা করিয়া তাঁহার আর পানাহারে প্রবৃত্তি রহিল না।

শঙ্কিত বিবদ্র মুখে প্রভাবতী বলিলেন, “এত ভাবনা-চিন্তের ওপর এ রকম ক’রে খাওয়া বন্ধ হ’লে শরীর থাকবে কি ক’রে?”

চলিয়া যাইতে যাইতে প্রভাবতীর কথায় কিরিয়া দাঁড়াইয়া হরমোহন উদ্বেজিত কর্ত্তে কহিলেন, “না থাকলেই যে বেঁচে যাই! এ রকম চিন্তার আশ্বনে দিবারাত্র পুড়ে মরার চেয়ে চিতার আশ্বনে পুড়ে ছাই হ’রে যাওয়া ঢের ভাল! কিন্তু তোমার সে ভাবনা নেই,—থাকবে, আরও ভাঙ্গা হয়ে এ শরীর থাকবে! এ আশ্বনে-পোড়া মাটির ফলে পোকা লাগবার কোনো ভয় নেই!”

হুঃখার্জ নেত্রে প্রভাবতী বলিলেন, “হ্যাঁগা, তুমি পুরুষমাত্ৰ হ’রে এ সব কথা বলছ কি ক’রে? আমাদের কথাও ত’ তোমার ভাবা উচিত!”

উদ্যতের স্তায় হরমোহন বলিতে লাগিলেন, “তোমাদের কথা ভেবে তেঁবেই ত পুগল হ’তে বসেছি! এবার তোমাদের কথা না ভুললে আর গতি নেই! আমার মত হতভাগা, যে স্ত্রী পুত্র পালন করতে পারে না, তার মৃত্যু হলেই স্ত্রীপুত্রের মঙ্গল হয়! এর ওপর সমস্ত দিন ধ’রে কি শাস্তি ভোগ করতে হয় তা জান? যে টাকার অঙ্কে এই নরক যন্ত্রণা ভোগ করছি,—অফিসে পাঁচ ছ ঘণ্টা হাজার হাজার সেই টাকা রোজ আমার হাত দিয়ে আনাগোনা করে! লিপালায় বুক ফেটে যাচ্ছে এমন সময়ে নদীর তীরে ডেউ গুণতে বসিয়ে দিলে যে অবস্থা হয়, আমার ঠিক সেই অবস্থা! এক এক সময়ে বেশী দামের মোটগুলো আঁকড়ে ধ’রে পাগলের মত তাদের দিকে চেয়ে থাকি! ইচ্ছে হয়

হু চারখানা চুরি ক'রে নিয়ে পালিয়ে আসি! আজ মনে করছি ভবিল ভেঙ্গে কিছু টাকা নিয়ে আসব। তার পর বা হয় হবে! কিছু বিশ্বাস নেই! ঋণে যাকে ধরেছে সে সব করতে পারে; মরতেও পারে, মারতেও পারে!”

হরমোহনের স্তবীর্ণ বিলাপ শুনিতে শুনিতে অমলার খাস বন্ধ হইয়া আসিবার উপক্রম হইতেছিল! এ কয়েক দিন নিরন্তর তাহার মনের মধ্যে দ্বিধা ও দ্বন্দ্বের যে ভীষণ ঝটিকা বহিয়াছে, তাহার সংবাদ শুধু সেই জানে! প্রথমকে হুইশত টাকার মণিঅর্ডার করিতে হয় নাই; তাহা ছাড়া আরও অনেক টাকা তাহার বাক্সে আছে, এ কথা প্রথম নিজেই তাহাকে বলিয়া গিয়াছে। চাবি তাহার নিজের হাতে; ইচ্ছামাত্র বাক্স হইতে টাকা বাহির করিয়া লইয়া সে পিতাকে বিপদুক্ত করিতে পারে। অবস্থা হিলাবে এ টাকা লওয়া চুরি নহে। কিন্তু প্রথমতঃ স্পষ্ট অসুস্থতি ব্যতিরেকে টাকা লওয়া যে কতখানি তাহার নিকট পরাজয় স্বীকার করা, কতখানি তাহার অধীন হইয়া পড়া, তাহা মনে করিয়া অমলা নিজেকে এ পর্য্যন্ত কঠিন করিয়া রাখিয়াছিল। কিন্তু আজ তাহার পিতার মুখে একপ ভীষণ কথা শুনিয়া আর নিজেকে সামলাইয়া রাখিতে পারিল না।

“বাবা!”

হরমোহন কোন কথা না বলিয়া জিজ্ঞাসু নেত্রে অমলার দিকে চাহিলেন।

“বাবা, আমার গরনাগুলো কি এমনই দরকারি জিনিস যে, তুমি ভবিল থেকে টাকা নিয়ে আসবে অথচ সে গুলোর হাত দেবে না?” অমলার কণ্ঠ রুদ্ধ হইয়া গেল এবং চক্ষু সজল হইয়া আসিল।

উপস্থিত ক্ষেত্রে ইহা ভিন্ন উপায়ান্তর নাই তাবিয়া প্রভাবতীও বলিলেন, “তা-ই না হয় এখন কর; একটা কোন গহনা রেখে শ’ খানেক টাকা নিয়ে এস, তার পর সুবিধা মত টাকাটা শোধ নিয়ে ছাড়িয়ে আনলেই হবে।”

প্রভাবতীর কথা শুনিয়া হরমোহন হাসিয়া উঠিলেন; বলিলেন, “সে সুবিধা আর এ জন্মে হবে না, বা আজ যাবে তা চিরকালের মতই যাবে।”

গহনা লইতে হরমোহন অস্বীকৃত হইতেছেন মনে করিয়া অমলা ব্যস্ত হইয়া কহিল, “তা যাবে না বাবা, প্রথম দাদা এসে জানতে পারলেই ছাড়িয়ে নিয়ে আসবেন।”

কোন দিক দিয়া কেমন করিয়া হরমোহনের মনে প্রথম প্রণতি অপরিমিত ক্রোধ সঞ্চিত হইয়াছিল; অমলার কথার সহসা তাহা দপ্-দপ্ করিয়া জলিয়া উঠিল।

“তা কিছুতেই হবে না! সমস্ত গয়না বিক্রী হ’রে যাবে তাও ভাল, প্রথম প্রমথ রাঙ্কেলের টাকায় তোমার গয়না ছাড়ান হবে না! তার কাছ থেকে মাসে মাসে কিস্তির টাকা নেওরাতাই ত’ সেদিন আপত্তি করছিলে, আর এরি মধ্যে তার টাকার ছাড়ান গহনা গায়ে দিতে তোমার প্রবৃত্তি হচ্ছে?”

প্রচ্ছন্ন অপমানের স্নানিতে অমলার সমস্ত মুখখানা লাল হইয়া উঠিল। একবার ইচ্ছা হইল বলে, প্রবৃত্তি তাহার আরও অনেক বিষয়েই হয় না; কিন্তু পিতার বর্তমান মানসিক অবস্থা শ্রবণ করিয়া সে নিজেকে সংবৃত করিয়া লইয়া বলিল, “না, আমার একটুও প্রবৃত্তি হচ্ছে না বাবা! তুমি গহনা ধাঁধা না রেখে একেবারে বিক্রী ক’রে

টাকা নিয়ে এস। তাতে টাকাও বেশী পাওয়া যাবে, জুদও লাগবে না। তার পর যখন জুবিধা হবে নতুন ক'রে গড়িয়ে দিয়ে।”

ক্রোধের গতি অনেক সময়েই বৃষ্টি ও সংঘের লৌহবস্ত্র দিয়া চলে না। তাই, অমলার এই নির্কিরোধ উত্তরের পরেও হরমোহন উচ্চ কণ্ঠে বলিতে লাগিলেন, “প্রথমত সন্ধে আমার তেমন কোনও সম্পর্কই নেই। মাসে মাসে গোটা কতক টাকার জন্তে আমি তাকে বাড়ীর ভেতর স্থান দিতে পারব না, তা আমার বত অজুবিধাই হোক না কেন। সে এবার এলে তাকে যেন তার আগের ব্যবস্থা করতে বলা হয়।” বলিয়া সবেগে আচমন করিতে প্রস্থান করিলেন।

এই সম্পূর্ণ বিপরীত অভিযোগের কথা শুনিয়া প্রভাবতী বিশ্বরে হতবাক হইয়া বসিয়া রহিলেন। প্রথমত গৃহে আনিবার জন্ত স্বয়ং এত উজোগী হইয়া ও উৎসাহ প্রকাশ করিয়া, এখন অন্তের প্রতি তদ্বিষয়ে এক্রপ দোষারোপ করিবার অর্থ ও অভিপ্রায় কি, তাহা তিনি কিছুমাত্র বুঝিতে পারিলেন না।

অমলার মনে বিস্ত্রিত বা ছঃষিত হইবার যত অবসর ছিল না; বাল্য হইয়া বলিল, “মা, তুমি আমার পুষ্পহারটা বাবাকে দিয়ে এস। এখনি বাবা অফিস চ'লে যাবেন।”

অমলাকে সাধনা দিবার অভিপ্রায়ে প্রভাবতী বলিলেন, “তুই মনে কিছু করিসনে অমল; জানিস ত' কি রকম অবুখ লোক।”

“কিছু মনে করব না মা! তুমি আর দেবী কোরো না, হারটা দিয়ে এস।”

সাধনা অনেক সময়ে মূল ছঃখকে আগাইয়া ফুলে এবং বাড়াইয়া দেয়। প্রভাবতীর ‘কিছু মনে করিসনে’ বলার পরে অমলা যতটা মনে

করিতে লাগিল, পূর্বে সে ঠিক ততটা মনে করে নাই। হরমোহনের উচ্চারিত বাক্যের অন্তরাল হইতে যে কথাটা অসুচ্চারিত থাকিয়াও স্পষ্ট হইয়া উঠিল, তাহার একটা দিক অমলার মনে একটা অপরিমের লজ্জা ও হীনতার মানি জাগাইয়া তুলিল; কিন্তু অপর দিক হইতে সে এই ভাবিয়া একটু আশ্বাস লাভ করিল যে, কোনো কোনো বিষয়ে প্রেমধর নিকট হইতে টাকা লওয়া হীনতাজনক সে কথা তাহার পিতা এখনও কোনো কোনো সময়ে মনে করেন।

অফিসের তহবিল ভাঙ্গিয়া টাকা আনার চেষ্টা কর্তার অলঙ্কার বাধা রাখিয়া টাকা আনা শ্রেয়, এ কথা মনে মনে স্বীকার করিয়া হরমোহন পুশ্কারটা সত্তর্পণে বুক পকেটে লইয়া প্রস্থান করিলেন। কিন্তু অফিসের ছুটির পর টাকার পরিবর্তে পুশ্কারটি লইয়াই গৃহে ফিরিয়া আসিলেন।

অদূরে অমলা দাঁড়াইয়া ছিল; হরমোহন তাহাকে দেখিয়া ইবৎ রুদ্ধ স্বরে কহিলেন, “আমাকে অতটা কষ্ট দিয়ে আর অপমানিত করিলে তুমি কি খুব আনন্দ পাচ্ছিলে?”

হরমোহনের কথার বিন্মিত ও ব্যথিত হইয়া অমলা বলিল, “এ তুমি কেন বলছ বাবা?”

“তোমার কাছে প্রেমধর টাকা রয়েছে, আর টাকার অভাবে মাণিকলাল রোজ আমাকে অপমান ক’রে যাচ্ছে, তা তুমি ব’লে ব’লে দেখছ?”

হরমোহনের কথা শুনিয়া অমলার মুখ শুকাইয়া গেল। অণকাল চিন্তা করিয়া সে কহিল, “প্রেমধর দাদার টাকা ত’ আমার কাছে নেই বাবা, তাঁর ক্যাশবাল্লই আমার কাছে রয়েছে।”

“ক্যাশবাল্লের চাবি কার কাছে আছে?”

“চাবি আমার কাছেই আছে।”

“বাক্সর টাকা আছে ?”

“আছে।”

“কত ?”

কণকাল চিন্তা করিয়া অমলা বলিল, “ঠিক জানিনে, বোধ হয় আড়াই শ, তিন শ হবে।”

“এ সব কথা আমাকে জানাও নি কেন ? তুমি কি মনে কর, তুমিই প্রমথর আপনার লোক, আর আমরা পর ?”

আরক্ত মুখে অমলা বলিল, “তা নয় বাবা, আমি মনে করেছিলাম যে, প্রমথদাদার বিনা অনুমতিতে আমরা তাঁর ক্যাশবাক্সর টাকায় হাত দিতে পারি নে। তাই তোমাকে ক্যাশবাক্সর কথা বলি নি।”

হরমোহন পকেট হুইতে একখানা চিঠি বাহির করিয়া অমলার হস্তে দিয়া বলিলেন, “অফিসে গিয়ে প্রমথর এই চিঠি পেলাম। চিঠিখানা প’ড়ে বিচার ক’রে দেখ যে, এখন তার টাকায় হাত দেবার অনুমতি পাওয়া গেছে কি-না !”

ব্যথিত করণ দৃষ্টিতে হরমোহনের দিকে চাহিয়া অমলা বলিল, “তুমি থাকতে আমি কি বিচার করব বাবা ? তুমি মুখ হাত ধুয়ে জল খেয়ে নাও, তার পর আমি বাক্স আর চাবি এনে দিচ্ছি।” বলিয়া প্রমথর চিঠিখানা হরমোহনকে প্রত্যর্পণ করিল।

“চিঠিখানা একবার প’ড়ে নিলেই ত’ ভাল হোত ?”

অমলা তাহার আত্মকরণ নেত্র উত্তোলন করিয়া বলিল, “কোনো দরকার নেই বাবা !”

হরমোহন চিঠিখানা পকেটে গুরিয়া কেলিলেন ; কতবার সত্যতর হুঁত দেখিয়া আর কোনও কথা বলিলেন না।

প্রমথর ক্যাশবাক্স খোলা হইলে হরমোহন মোট টাকা কত আছে অমলাকে দেখিতে বলিলেন।

অমলা টাকা ও নোট হিসাব করিয়া দেখিয়া বলিল, “পাঁচশ সাতচল্লিশ টাকা বার আনা।”

নোট ও টাকার উপর তীক্ষ্ণ দৃষ্টি রাখিয়া ক্রমকাল চিন্তা করিয়া হরমোহন বলিলেন, “আচ্ছা, আমাকে দেড় শ’ টাকা দিবে বাক্সটা বন্ধ ক’রে রেখে দাও।”

“তোমার যা দরকার হয়, তুমিই নাও না বাবা।”

“না, তোমার জিন্মায় যখন রয়েছে, তখন তোমার হাত দিবে নেওয়াই ভাল।”

আর কোনও কথা না বলিয়া অমলা দেড় শত টাকা বাহির করিয়া হরমোহনের সম্মুখে স্থাপিত করিল।

প্রভাবতী ভয়ে ভয়ে বলিলেন, “পঁচাত্তর টাকা ক’রে মাসে মাসে নাও, তাই নিলেই ত’ হোত।”

“কুন্ড হইয়া উঠিয়া হরমোহন বলিলেন, “তোমরা কি মনে কর শুধু মানিকলালকে ঠাণ্ডা করলেই আমরা সব আলা ঠাণ্ডা হোল? এ মাসে লাইফ ইন্সিওরের ক্ষুদ্র দিতে হয়েছে, সে কথা মনে আছে? বাকি খরচ চলবে কি ক’রে? আগচে মাসে প্রমথর কাছ থেকে পঁচাত্তর টাকা না নিলেই হবে।”

আগামী মাসে প্রমথর নিকট হইতে পঁচাত্তর টাকা না লইলে কি ক’রে চলিবে, সে কথা জিজ্ঞাসা করিতে প্রভাবতীর সাহস হইল

“বাবা!”

অমলার বন্ধ-গভীর স্বরে চকিত হইয়া চাহিয়া দেখিয়া হরমোহন বলিলেন, “কি ?”

“আমার একটা অমরোষ রাখবে বাবা ?”

“কি অমরোষ ?”

“প্রমথদাদার চিঠি না এলে পুন্সহারটা রেখেই ত’ টাকা আনতে হোত। তা’ প্রমথদাদার বাস্নেই হারটা রেখে দিইনে ?”

অমলার কথা শুনিয়া একটা আসন্ন বিবাদ আশঙ্কা করিয়া প্রভাবতী চিন্তিত হইয়া উঠিলেন। হরমোহন কিন্তু শান্তভাবে এক মুহূর্ত্ত চিন্তা করিয়া বলিলেন, “তা সন্দেহ নহ ; বেশী টাকা যখন নিলাম, তখন তার বদলে একটা কিছু রেখে দিলে দেখতে শুভে ভালই হয়। কিন্তু সে যদি এসে হারটা তোমাকে ফিরিয়ে দিতে চায় ?”

অমলা দৃঢ় স্বরে বলিয়া উঠিল, “কখনই ফেরৎ নোব না ! যত দিন না তুমি টাকা শোধ দিয়ে ছাড়িয়ে নেবে, তত দিন ও হার স্পর্শ করব না !”

হরমোহন সচিন্ত হইয়া কহিলেন, “ছাড়িয়ে ত’ আমি নোবই না কিন্তু ফেরৎ দেবার জন্তে সে যদি পীড়াপীড়ি করে, তা হলে ফেরৎ না নেওয়াটাও অভদ্রতা হবে। ও-বেলা আমি প্রমথর উপর রেগে উঠেছিলাম বটে, কিন্তু এখন দেখছি ব্যবহারে যে আপনার, সে-ই যথার্থ আপনার !” তাহার পর প্রভাবতীর দিকে চাহিয়া বলিলেন, “চিঠিটা কি রকম লিখেছে একবার প’ড়ে দেখো !” এবং তৎপরে অমলার দিকে ঈষৎ দৃষ্টি ফিরাইয়া বলিলেন, “ও-বেলা প্রমথর বিষয়ে আনাদের যে-কথা হরেছিল, তার একটি বাক্য যেন তার কানে না যায় ! শুনে মনে ভারী কষ্ট পাবে !”

ও বেলা যতটা ব্যথা পাইয়াছিল, তাহার দশগুণ ব্যথার ব্যথিত হইয়া অমলা তাহার নিজেয় ঘরে ফিরিয়া গেল। দারিদ্র্য রোগে পীড়িত হইয়া তাহার সবল পিতা কিয়ৎ দুর্বল হইয়া পড়িয়াছেন, তাহা উপলব্ধি করিয়া তাহার দুই চক্ষু বিদীর্ণ হইয়া অশ্রু নামিয়া আসিল। একটা অনিশ্চিত অন্ধকারাবৃত ভবিষ্যতের করনায় শঙ্কিত হইয়া, সে নিজেয় মনের মধ্যে সর্বপ্রদেহ হইতে শক্তি সঞ্চিত করিয়া নিজেকে দৃঢ় ও সবল করিয়া লইবার চেষ্টা করিতে লাগিল; এবং মনে মনে বারবার বলিতে লাগিল, হে সর্বশক্তিমান, তোমার অসীম শক্তির একটি কণা এই দুর্বল নারী জদরে নিহিত ক'রে তাকে লোহার মত শক্ত আয় পাথরের মত কঠিন ক'রে দাও। বাইরের যত শক্তি, যত আঘাত তার দেহে লেগে যেন ব্যর্থ হয়ে যায়।

কয়েক দিন পরে প্রথম আসিয়া উপস্থিত হইল। তাহার বান্ধ খুলিয়া তদন্ত হইতে অমলার হারটি বাহির করিয়া সে খিতমুখে অমলাকে বলিল, “অমলা, আমার বান্ধটি তোমার হাতে পড়ে অত্যন্তব্য ম্যাজিক শক্তিলাভ করেছে! যে জিনিষ তার মধ্যে রেখে যাই নি, সে জিনিষও তার মধ্যে দেখতে পাচ্ছি!”

অমলা হু হু হাসিয়া বলিল, “তুই তাই নয়; আবার উট্টো ম্যাজিক-শক্তিও লাভ করেছে। যে জিনিষ তার মধ্যে রেখে গেছলেন, সে জিনিষ তার মধ্যে আর খুঁজে পাবেন না। লুপ্ত হ'য়ে গেছে।”

দেড়শত টাকা লওয়ার ও পুশহার রাখার কথা ইতিপূর্বেই মোহনের নিকট হইতে প্রথম শুনিয়াছিল। সে সহাত্মমুখে কহিল, “অত হিসাব-করা ম্যাজিক আমার পছন্দ নয়। লুপ্ত হ'য়ে যাওয়ার ম্যাজিকটাই আমি বেশী পছন্দ করি। অতএব এই অকারণ লাভের

জিনিষটি থেকে আমি বঞ্চিত হ'তে চাই। তুমি এটা তোমার বাক্সে তুলে রেখে দাও।" বলিয়া অমলার সম্মুখে হারটা প্রেমথ স্থাপন করিল।

কোন প্রকার চাকল্য প্রকাশ না করিয়া শান্ত অথচ দৃঢ়ভাবে অমলা বলিল, "পছন্দ অপছন্দ ত আমারও আছে। সেই অন্ত্রে এই অন্তায় লাভের জিনিষটা আমার বাক্সে তুলে রাখা ত' দূরের কথা, আমি স্পর্শ পর্যন্ত করব না। তুমি ওটা যেখান থেকে বার করেছ, সেখানেই তুলে রাখ।"

অমলার বাক্য শুনিয়া ও ও আকৃতি দেখিয়া প্রেমথ বুঝিল যে, পরিহাসের পথ দিয়া এ ব্যাপারের মীমাংসা হওয়া সম্ভব নহে। তখন স্পষ্টভাবে রীতিমত বাদামুবাদ আরম্ভ হইল।

অর্দ্ধঘণ্টাকাল বুধা তর্ক ও বিতণ্ডার পর প্রেমথ বিরক্ত হইয়া বলিল, "আমার টাকা যথেষ্ট ব্যয় করবার অধিকার তোমার যদি না থাকে ত' আমার টাকা নিয়ে মহাজনী করবার অধিকারই বা তুমি কোথা থেকে পাছ? গরনা বাঁধা রেখে টাকা ধার দেওয়ার অধিকার কি তোমাকে আমি দিয়ে গেছলাম? আত্মসম্মানের অনেক কথা—তুমি বলছিলে অমলা; কিন্তু সে আত্মসম্মান ত আমারও থাকতে পারে? জীলোকের গরনা বাঁধা রেখে টাকা ধার দেওয়ার অভ্যাস আমার আছে, এ কি তুমি জান?"

এ অভিযোগের কোন উত্তর না পাইয়া অমলা করযোড়ে বলিল, "আমি যদি অন্তায় ক'রে থাকি প্রেমথদাদা, তা হ'লে তুমি দয়া ক'রে আমাকে কমা করো—কিন্তু আমার একান্ত মিনতি, আমার অমরোথটা তুমি রাখ!"

স্বপ্নমুখে প্রেমথ বলিল, "অমরোথ নয় অমলা, অত্যাচার! ঈশ্বর

আত্মসম্মান, আত্মমৰ্যাদা, এ সব বড় বড় জিনিষের জ্ঞান তোমার খুব আছে দেখছি ; কিন্তু শিষ্টাচারের জ্ঞানটা আরও একটু থাকলে বোধ হয় ভাল হোত ! হার দিয়ে টাকা শোধ করা যায় বটে, কিন্তু হার দিয়ে টাকার ওপরের অনেক জিনিষই শোধ করা যায় না। তুমি ছেলেমানুষ, তোমাকে এর বেশী আর কি বলব !”

কণকাল চূপ করিয়া থাকিয়া প্রমথ বলিল, “আচ্ছা, তোমার হার আমার কাছেই রইল, কিন্তু মনে মনে আমার কাছে এই অস্বীকার করে যাও যে, যখনই বুঝতে পারবে এই হারের ব্যাপার নিয়ে আমার প্রতি গভীর অত্যাচার করেছ, তখনই আমার কাছ থেকে হার চেয়ে নিয়ে যাবে। তখনও যেন আত্মপ্রবঞ্চনা করে আত্মসম্মানের দোহাই দিয়ে না। আত্মপ্রবঞ্চনার চেয়ে খারাপ জিনিস আর নেই। আচ্ছা, এখন তা হ’লে এস।”

এক মুহূর্ত নীরবে ঠাড়াইয়া থাকিয়া অমলা ধীরে ধীরে প্রস্থান করিল। ব্যাধেরও অল্প বিহঙ্গমী সময়ে সময়ে হুঃখিত হয় !

কিছুকাল সহজে সহজে কাটিয়া গেল। প্রথম কখনো কলিকাতার থাকে, কখনো অন্তর যায়। কলিকাতা পরিত্যাগ করিবার সময়ে সে ক্যাশবান্স চাবি অমলার হাতে দিয়া যায়, এবং প্রয়োজন হইলে বান্স হইতে টাকা লইয়া যথাবশ্তক এবং যথেষ্ট ব্যয় করিবার অধিকার যে তাহার আছে সে কথা প্রতিবারেই তাহাকে স্পষ্টভাবে স্মরণ করাইয়া দেয়। অমলা প্রথম প্রথম ইহাতে আপত্তি করিত; কিন্তু, পরে যখন ক্রমশঃ সে দেখিল যে কখনও কখনও মাণিকলালের কিছির টাকা দেওয়া ভিন্ন অধিকার প্রয়োগের আর কোনও হেতু উপস্থিত হয় না, তখন হইতে সে আর আপত্তি করিত না; ভাবিত, যে-ব্যাপারে তাহার দিক হইতে লাভ-লোকসানের কোনও কথা নাই, সে বিষয়ে প্রথমতঃ অনুরোধ লব্ধন করিলে অনর্থক তাহার মনে কষ্ট দেওয়া হইবে। প্রথম কিন্তু অমলার মনে এই শুষ্ক প্রয়োগবিহীন অধিকার-স্বত্বের কথা জাগাইয়া রাখাও আবশ্যক ও উপকারী বলিয়া মনে করিত। বৃত্তিকা-গর্ভে বীজ নিহিত থাকিলে একদিন অল্পর বাহির হইবে, ইহাই ছিল তাহার বিশ্বাস।

বন-বিহঙ্গমী ব্যাধের গৃহে আসিয়া সেবা-যত্ন পাইয়া নিজেকে যেরূপ নিরাপদ মনে করে, অমলার অবস্থা কতকটা সেইরূপ হইরাছিল। সে ক্রমশঃ মনে করিতে লাগিল যে, প্রথমতঃ ব্যবহার চিরদিনই এমনি সরল এবং সহজ থাকিবে; তনুতলে কবের মধ্যে শক্ত আঁটির মত তাহাকে এই নির্দোষ আচরণের মধ্যে ছুটি উদ্বেগ প্রকট থাকিতে পারে, সে আশঙ্কা তাহার মন হইতে ক্রমশঃ অপসৃত হইয়া বাইতে লাগিল।

একেবারে অপমৃত হইবার পূর্বে কেমন করিয়া তাহা পুনরায় ফিরিয়া আসিল, এইবার সে কথা বলিব।

সমস্ত রাত্রি টিপ্ টিপ্ করিয়া অবিশ্রান্ত বৃষ্টি পড়িয়াছে। সকাল বেলা কিছুক্ষণ হইতে বৃষ্টি বন্ধ আছে বটে, কিন্তু সমস্ত আকাশ ধূসর-বর্ণ মেঘে আচ্ছন্ন। একটা কুম্ভ-চূড়া কুলের গাছ কুট-পাথ হইতে উঠিয়া দ্বিতলের জানালা ছাড়াইয়া গিয়াছে, তাহার শাখায় বসিয়া বর্ষণসিক্ত ছুইটা কাক দুর্দিনের দুঃখে ত্রস্ত হইয়া পরস্পরের প্রতি আর্তস্বরে চীৎকার করিতেছিল। প্রমথ তাহার শব্দ-কণ্ঠে বসিয়া আর্জ উদাস প্রকৃতির দিকে চাহিয়া নিষ্কিট চিন্তে চিন্তায় মগ্ন ছিল, এমন সময়ে চা ও খাবার লইয়া অমলা কণ্ঠে প্রবেশ করিল।

অমলার হস্ত হইতে চা ও খাবার লইয়া প্রমথ বলিল, “অমলা, তোমাকে একটা কথা বলবার ছিল; একটু বসতে পারবে?”

প্রমথর দিকে চাহিয়া অমলা কহিল, “কি কথা? বেশী সময় লাগবার মত কিছু কি?”

“হ্যাঁ, একটু সময় লাগতে পারে।”

“তা হ’লে আশুঘটা-টাক পরে এলে যদি কোন কতি না হয় ত’ মারি রান্নার যোগাড়টা ক’রে দিবে আসি।”

ব্যস্ত হইয়া প্রমথ বলিল, “না, না, আশুঘটা পরে এলে কোন কতি হবে না; তোমার কাজ-কর্ম সেরে তারপর এসো।”

আর কোন কথা না বলিয়া অমলা প্রস্থান করিল, এবং নীচে গিয়া মাতার সান্নিধ্য প্রাপ্ত হইল। কিন্তু বতকণ সে গৃহ-কার্ধ্যে ব্যাপ্ত রহিল, প্রমথ কি বলিবে সেই চিন্তা তাহাকে আক্রমণ করিয়া রহিল। আশুঘটা আর বাহাই হউক, একেবারে বে সন্ধ্যা এবং সাধারণ নহে,

তাহা প্রেমথর কথা কহিবার ভঙ্গী হইতেই সে বুঝিয়াছিল। তথাপি কোতূহলের বশে ব্যস্ত না হইয়া ধীরে ধীরে কার্য্যগুলি শেষ করিল। এবং অবসর পাওয়ার পরও আরও কিছু সময় অল্প কার্য্যে অতি-বাহিত করিয়া আশ ঘণ্টার অনেক পরে প্রেমথর নিকট উপস্থিত হইল।

“কি কথা বলবে বলছিলে প্রেমথরদাদা ?”

প্রেমথ তখন তাড়াতাড়ি একখানা চিঠি লিখিতেছিল ; অমলার দিকে চাহিয়া বলিল, “ছু মিনিট বোসো, বলছি।”

অদূরবর্তী একটা চেয়ারে উপবেশন করিয়া অমলা বাহিরে বৃষ্টি-ধারার দিকে চাহিয়া রহিল। তখন পুনরায় আকাশ ভাঙ্গিয়া বৃষ্টি নামিয়াছিল।

চিঠি লেখা শেষ করিয়া প্রেমথ অমলার দিকে চাহিয়া বলিল, “কথাটা কাল সন্ধ্যা থেকে বলব বলব মনে করছি, কিন্তু তোমাকে বলব কি বেলো মশার মাসিমাঝে বলব ঠিক করতে পারছিলাম না। ভেবে দেখলাম কথাটার সঙ্গে তুমিই যখন প্রধানতঃ জড়িত, তখন প্রথমে তোমাকেই বলা ভাল। তারপর যদি দরকার মনে হয় তখন তাঁদের বললেই হবে।”

“আচ্ছা, তা হলে আমাকেই বল” বলিয়া অমলা প্রেমথর দিকে জিজ্ঞাসু নেত্রে চাহিয়া রহিল।

কি ভাবে কথাটার অবতারণা করিবে প্রেমথ তাহা মনে মনে একবার চিন্তা করিল ; তাহায় পর কোন প্রকার ভূমিকা না করিয়া বলিল, “কাল বৈকালে আমি বিজয়নাথের সঙ্গে দেখা করেছিলাম।”

তুমিয়া অমলার মুখ ঈষৎ আরক্ত হইয়া উঠিল। অকস্মিকে দৃষ্টি, কিয়দূর লইয়া সে ধীরে ধীরে বলিল, “এ সব কথা বোধ হয় মার সঙ্গে হলেই ভাল হয় ; তাঁর সঙ্গেই তোমার”—কথাটা শেষ না করিয়াই,

অমলা খামিয়া গেল; বোধহয় যে কথা বলিবার ছিল—যথোপযুক্ত ভাষার পরিচ্ছদে সহসা তাহা দেখা দিল না।

এক মুহূর্ত চিন্তা করিয়া প্রমথ বলিল, “তীর সজেই আমার কথা হওয়া উচিত ছিল তা ঠিক, কিন্তু তাই ব’লে তোমার পক্ষেও ত’ কথাটা অপ্রাসঙ্গিক নয়। তা ছাড়া, তোমাকে শোনাবার আমার বেটুকু কথা আছে, তার চেয়ে অনেক বেশী তোমার কাছ থেকে শোনবার আছে।”

প্রমথর কথা শুনিয়া অন্ন হাসিয়া অমলা বলিল, “তবেই হয়েছে। আমার কিছু এ বিষয়ে কিছুই বলবার নেই।”

অমলার দিকে এক মুহূর্ত চাহিয়া থাকিয়া প্রমথ বলিল, “বলবার কিছু আছে কি নেই তা কথাটা না শুনে আগেই এমন ক’রে ব’লে কোন লাভ নেই ত। আমার যা বলবার আছে তা একটু ধৈর্য্য ধ’রে শোন; তারপর সে বিষয়ে তোমার যদি কিছু বলতে ইচ্ছে হয় ত’ বোলো।”

প্রসঙ্গটা জানিতে পারিয়াই অমলার সমস্ত আগ্রহ অন্তর্হিত হইয়াছিল; ব্যাধের মুখে অহিংসা-তত্ত্ব শুনিবার কোনও প্রবৃত্তি তাহার মস্তিষ্কে মধ্যস্থ ছিল না। কিন্তু প্রমথর নির্বাক্যতাশয্যে অগত্যা তাহাকে বলিতে হইল, “আচ্ছা, তা হ’লে কি বলবার আছে বল।”

একটু চুপ করিয়া থাকিয়া প্রমথ বলিল, “কাল বিজয়ের কাছে তোমার কথাটা একটু একটু ক’রে তুলেছিলাম, কিন্তু সে একেবারেই কোনো কথা কহিতে চাইলে না; বললে, বাপ থাকতে এ বিষয়ে কোনো কথা বলবার তার অধিকার নেই। যদি কিছু বলবার থাকে ত’ তার নিকটকে বলতে বললে। আরি ত’ তার আচরণ দেখে সন্তুষ্ট হয়ে গেলাম। এ রকম আমি একেবারেই মনে করিনি। জীবন বিষয়ে কথা কহিতে স্বাধীন যে, কোনও অবস্থার অধিকার না থাকতে পারে, এ

একেবারে আমার ধারণার অতীত। তারপর তাবলাম, একবার না হয় গোবিন্দ বাবুকেই কথাটা বলে দেবি; কিন্তু ওদের বাড়ীর একজন কর্মচারীর মুখে যে কথা শুনলাম, তা'তে আমার আর কোনও কথা বলতে প্রবৃত্তি হল না।" বলিয়া প্রমথ উত্তরের অপেক্ষায় অমলার দিকে নীরবে চাহিয়া রহিল।

প্রমথর দিকে মুখ তুলিয়া চাহিয়া অমলা মৃদুস্বরে বলিল, "সে কথাটাও কি আমার শোনা দরকার?"

"একান্ত দরকার। তারপর তুমি আনাকে যা করতে বলবে তা' করতে আমি প্রস্তুত আছি।"

অন্তদিকে দৃষ্টি ফিরাইয়া লইয়া অমলা বলিল, "তা হলে সে কথাটাও বল।"

একটু কালিয়া কণ্ঠ পরিষ্কার করিয়া লইয়া প্রমথ বলিল, "গোবিন্দবাবু বিজ্ঞানের বিয়ের সব ঠিক করেছেন, অত্যাধ মাসের প্রথমেরই তার বিয়ে।"

মস্তিকে সহসা প্রচণ্ড আঘাত লাগিলে মাথাটা যেমন ঘুরিয়া যায়, দৃষ্টি ভিন্নিত হইয়া আসে, অমলার অবস্থা প্রথমটা তেমনি হইল। যত্নে কোন্ গুপ্ত প্রদেশে আশাহীনতার মধ্যেও আশার একটি কণিকা অগোচরে জীবিত ছিল, বাহা এই দুঃসংবাদে আহত হইল, তাহা বল কঠিন; কিন্তু জীবিত যে ছিল তাহাযে কোনও সন্দেহ রহিল না। তথাপি তাহার মানসিক অবস্থা যথাসম্ভব প্রচ্ছন্ন রাখিয়া সহজভাবে সে কহিল, "তা আমি আর কি করব প্রমথনাথ? আমার এ বিষয়ে কিছুই বলবার বা করবার নেই।"

আগ্রহভরে প্রমথ বলিল, "তুমি কেন করবে? যা করতে হয় বল, আমি করতে প্রস্তুত আছি।"

শ্রমধর মুখের উপর বিরজিপূর্ণ দৃষ্টিপাত করিয়া অমলা বলিল, “আমি তোমাকে কিছুই করতে বলব না শ্রমধরাদা। তোমার প্রতি আমার অহরোধ, তুমি এ বিষয়ে কোনো রকম হস্তক্ষেপ করো না। আমার অন্তরে যা আছে তাইতেই আমি সন্তুষ্ট থাকব, তুমি আর কেন তার মধ্যে প’ড়ে কষ্ট পাও।”

এই অংশতঃ অকারণ ভৎসনার মনে-মনে ক্রুদ্ধ হইয়া শ্রমধর বলিল, “আমার কষ্টের কথা ছেড়ে দাও অমলা, আমার কষ্ট তুমি বুঝতে পারবে না; কিন্তু তুমি চিরদিন এমনি কাটাতে পারবে ত?”

অমলা দৃঢ়ভাবে বলিল, “হ্যাঁ, নিশ্চয় পারব। এত দিন ত’ কাটা-লাম; চিরদিন আর কত দিন? ছশো বছরও নয়, তিনশো’ বছরও নয়। তা ছাড়া, তুমি কি বিশ্বাস কর শ্রমধরাদা, তিনি আবার বিয়ে করবেন? আমার ত’ দৃঢ়বিশ্বাস, এ কাজ তিনি কখনও করবেন না।”

কণকাল শ্রমধর চুপ করিয়া রহিল, তারপর দীর্ঘ বিজ্ঞপের স্বরে কহিল, “না করুন তা-ই ভাল! কিন্তু তোমার এ দৃঢ় বিশ্বাসের ভিত্তি কি শুনি?” “বিশ্বাসের আবার ভিত্তি কি শ্রমধরাদা? বিশ্বাস হচ্ছে বিশ্বাস! কিংবদন্তীর কেহ-কো-ভিত্তি থাকে না।”

অমলার কথা শুনিয়া শ্রমধর ভীতভাবে কণকাল তাহার দিকে চাহিয়া রহিল; তাহার পর কক্ষস্থরে বলিল, “তা নয় অমলা, এ তা নয়! বিজয়ের বিয়ে করার চেয়েও আশ্চর্য ঘটনা সংসারে নিত্য হাজার হাজার ঘটেছে। এ তা নয়! এ হচ্ছে তোমাদের সেই পুরোনো পটা ধর্মীভক্তি, বার, অন্ততঃ তোমার ক্ষেত্রে, কোনো অর্থ কোনো মূল্য নেই! এ একেবারে বাজে! একেবারে ফাঁকা!”

শুনিয়া অমলার মুখ আরক্ত হইয়া উঠিল; বলিল, “তা হ’তে পারে

প্রমথনা, কিন্তু স্বামীভক্তির মূল্যের বিচারও কি তুমি করবে? স্বামী-ভক্তির সঙ্গে তোমার ত' কোনো দিক থেকেই কোনো সম্পর্ক নেই।" বলিয়া মৃদু মৃদু হাসিতে লাগিল।

এই বৃদ্ধ কিন্তু তীক্ষ্ণ আঘাতে আহত হইয়া প্রমথ পুনরায় রুদ্ধ হইয়া উঠিল; উত্তেজিত হইয়া বলিল, "তুমি ছেলেমানুষ, তোমার সঙ্গে কি আর তর্ক করব, কিন্তু এইটে জেনে রাখ. যে, নিঃসম্পর্ক লোকেই ঠিক-মত বিচার করতে পারে। একজন স্বামী বা একজন স্ত্রী স্বামীভক্তির যে মূল্য ধার্য্য করবে, তা বর্ষাৰ্ধ মূল্যের চেয়ে হয় বেশী নয় কম হবেই। স্বামীর কাছ থেকে এ পর্য্যন্ত ভালবাসা অথবা কর্তব্যের কোনো পরিচয় না পেয়ে স্বামীর প্রতি তোমার এই যে ভক্তি অথবা বিশ্বাস, আমি তোমাকে লিখে দিতে পারি অমলা, এর কোনো অর্থ কোনো মূল্য নেই! একে যদি তুমি খুব ভ্রমকালো ক'রে সতীত্ব নাম দাও, তা হ'লেও নেই!"

এতদিন এবং এতক্ষণ অমলা প্রমথের বিষয়ে যে বৈধাৰ্য্যধারণ করিয়াছিল, সতীত্বের প্রতি এরূপ মন্তব্য প্রকাশে তাহা একেবারে লোপ পাইল। রাজ্যচ্যুত হইয়াও রাজা যেমন রাজ-সম্মানের অপমান সহ্য করিতে পারে না, স্বামী প্রেমে বঞ্চিত হইয়াও অমলা তেমন সতীত্বের প্রতি এই অমর্য্যাদা সহ্য করিতে পারিল না। দলিত সর্পীর মত সে তীব্র রোষে আক্ষানন করিয়া উঠিল—

"আমার এ সতীত্বের যদি কোনও মূল্য না থাকে প্রমথনা, তা হলে, আমার কাছ থেকে কিছুমাত্র সাড়া না পেরেও, আমার প্রতি তোমার যে নানারকম জুলুমজবরদস্তি, নানা রকম ছল-ছুতে, ক'রে আমাদের বাড়ীতে এসে বাস করা, কথার কথার আমাদের অন্তে জলের মত পরস্পর খরচ করা, এ সবের মূল্য কি তা' আমাকে বুঝিয়ে দিতে

পার ?” বলিয়া অমলা শুধু দীপ্ত নেত্রে প্রথমধর প্রতি কঠোর ভাবে চাহিয়া রহিল।

এমন গুরুতর কথাগুলো অমলা যে এরূপ স্পষ্টরূপে বলিতে পারে, সেই বিষয়ের আঘাতে প্রথমটা প্রথমধর মুখ পাণ্ডু হইয়া গেল। কিন্তু পরমুহূর্ত্তেই যখন তাহার মনে হইল যে, যে-প্রসঙ্গ উত্থাপন করিবার জন্য সে আজ অমলাকে আহ্বান করিয়াছিল, তাহা অমলা নিজেই উত্থাপিত করিয়াছে, তখন তাহার মুখ আনন্দে উজ্জ্বল হইয়া উঠিল। দুর্ভাগ্য চুরত ব্যাঘ্রীকে সহসা সম্মুখে পাইয়া পরাক্রান্ত শিকারী যেমন মনের মধ্যে একটা বিশেষ প্রকারের উল্লাস এবং উত্তেজনা অহুত্ব করে, অমলার কঠিন কঠোর ভঙ্গী দেখিয়া প্রথম মনের মধ্যে সেইরূপ উল্লাস ও উত্তেজনা অহুত্ব করিতে লাগিল। মুখে সবিস্ময় পরাভবের ভাব আনিয়া বলিল, “এ সব তুমি বুঝতে পেরেছিলে ?”

বিজয়দৃষ্ট-কণ্ঠে অমলা বলিল, “প্রথম দিন থেকেই !”

প্রথমধর অধরোষ্ঠে একটা নিষ্ঠুর বড় হাস্য ঈষৎ স্মুরিত হইয়া উঠিল ; বলিল, “বেশ ! বেশ ! প্রথম দিন থেকেই সমস্ত বুঝতে পেরেও তোমরা অল্প পর্যন্ত জ্ঞানমূর প্রতি যে সদয় ব্যবহার ক’রে এসেছ, তার জন্যে প্রার্থনাই তোমাকে আমার আন্তরিক কৃতজ্ঞতা জানাচ্ছি। তার পরে জিজ্ঞাসা করি, আমাকে এমন একটা দুর্ভাগ্য কেনেও আমার প্রতি তোমাদের এই যে সদয় ব্যবহার, তার অর্থ আর মূল্য কি ? এ কি শুধু তোমাদের নিছক সহনশক্তি, না, তা ছাড়া আরও অন্য কিছু ?”

এত-বড় কঠিন কথার অমলার মুখ শিশুর মত ফিকা হইয়া গেল, এবং উত্তরে কেমন করিয়া কি বলিবে তাহা সম্বন্ধ স্থির করিতে না পারিয়া বিব্রত-বিহ্বল দৃষ্টিতে সে প্রথমধর দিকে তাকাইয়া রহিল।

অমলার এই ছদ্ম অবস্থা দেখিয়া মনে মনে ব্যথিত হইয়া প্রথম শান্ত স্বরে বলিল, “মিড্রিবিছি পরম্পরে এমন ষোঁচাখুঁচি ক’রে ব্যথা দিবে আর ব্যথা পেয়ে কোনো লাভ নেই অমলা। আমার মনে হয়, আমাদের পরম্পরের ব্যবহার ততটা হীন নয়, বতটা হীন আমরা দাঁড় করাছি ! হীরেকে কাঁচ ব’লে গাল দিলেই হীরে কাঁচ হ’য়ে যাবে না।”

তাহার পর তাহার চিরাত্যস্ত কৌশলের দ্বারা কণ্ঠস্বর সহসা প্রগাঢ় করিয়া লইয়া ব্যগ্রভাবে কহিল, “কথাটাকে তুমি যখন আজ এমন সোজামুজি টেনে বার করলে, তখন আমিও অকপটে তার যথাযথ উত্তর দিই। তোমার অহুমান একটুও ভুল হয় নি ; এতদিন ধ’রে তোমাদের সঙ্গে যে ছল-চাতুরী করেছি, তোমাদের অন্ত্রে যে নানাপ্রকার শারীরিক কষ্ট স্বীকার করেছি, পরসা খরচ করেছি, কত রকম কৌশল ক’রে তোমাদের বাড়ীতে এসে যে বাস করছি, তা’ একমাত্র তোমারই অন্ত্রে ! কিন্তু জুলুমঅবরদন্তির কথাটা তুমি অন্তায় বলছ অমলা ! জুলুমঅবরদন্তির ওপর আমার একটুও আস্থা নেই। জুলুমঅবরদন্তি যদি করতাম, তা হ’লে কখনই তোমার পাশের ঘরে এসে বাস করতে পারতাম না ; তাহা অনেক আগেই তুমি আমাকে তাড়িয়ে দিতে।”

উত্তরের অপেক্ষায় প্রথম নীরব হইয়া কণকাল অমলার প্রীতি আগ্রহভরে চাহিয়া রহিল ; কিন্তু এবারও যখন অমলা কোনও কথা না বলিয়া অস্ত্রদিকে দৃষ্টি ফিরাইয়া নির্দীক হইয়া বসিয়া রহিল, তখন সে পুনরায় বলিতে আরম্ভ করিল—

“তোমার প্রতি আমার এই আসক্তির মূল্য কি তুমি জিজ্ঞাসা করছিলে। তুমি রাগীকরো না অমলা, আর কিছু না হোক, তোমার প্রতি বিজয়নাথের নির্ধর্ম উপেক্ষার চেয়ে এ অনেক মূল্যবান ! এর

প্রাণ আছে, অস্তিত্ব আছে, তাই একে তুমি এমন ক'রে অপমান করতে পারছ; কিন্তু বিজয়নাথ আর তোমার মধ্যে এমন কোনো বস্তু নেই, যাকে তুমি কোনও দিক দিয়ে স্পর্শ করতে পার! একজন, তার ধনসম্পদ মান-ইচ্ছা সমস্তর বিনিময়ে, তোমার অন্তে উত্তম হয়ে উঠেছে, তোমার জীবনের এ একটা সার্থকতা। এ এমন-একটা সামান্য জিনিস নয়, যা তুমি অনায়াসে উপেক্ষা করতে পার।”

এবার অমলা কথা কহিল। প্রথমত প্রতি অকুণ্ঠনেত্রে দৃষ্টিপাত করিয়া বলিল, “তা পারি; শুধু অনায়াসে নয়, অবহেলার সঙ্গে উপেক্ষা করিতে পারি! তুমি যে আমার প্রতি আসক্ত হয়েছ, এতে আমার জীবন একটুও সার্থক হয়েছে ব'লে আমি মনে করি নে।”

উদ্ভিন্নায় অমলার সমস্ত দেহ—আপাদমস্তক—কাঁপিতে লাগিল।

অমলা সহসা যে এমন রূঢ় অপমানসূচক কথা বলিতে পারে, সে আশঙ্কা প্রথম একবারও করে নাই। তাই প্রথমটা সে বিশ্বাসের বিহীনভাবে মুক্ হইয়া গেল; তাহার পর ধীরে ধীরে তাহার গুণ্ঠাধর ক্ষুর হস্তের কঠিন রেখার কুক্ষিত হইয়া উঠিল। সবিরূপ তীব্রকণ্ঠে সে বলিল, “এ একরকম মন্দ অভিনয় হচ্ছে না অমলা! ঠেজে ঠাড়িয়ে আমি ক'রে এই জমকালো কথাটা বললে খুব বড় রকম একটা হাততালি লাভ করতে। আর সমাজের মধ্যে ঠাড়িয়ে চোঁচাতে পারলে একজন মস্ত সতী ব'লে তোমার নাম র'টে যেত! কিন্তু তোমাদের এই দুর্গন্ধ পুচ্ছ সতীত্বের ওপর আমার বিন্দুমাত্র শ্রদ্ধা নেই। এই বহুদিনের অজ্ঞাত কুসংস্কারের আর একটা নাম পাগলামী! কেন, তা একটু ভেবে দেখলেই বুঝতে পারবে। যে তোমাকে স্ত্রী ব'লে স্বীকার করে না, তার কাছ থেকে তুমি স্বামীর কোনো ব্যবহার পাছ না, তার স্বত্তির সম্মানে

তুমি আমার, অর্থাৎ যে তোমার জন্তে প্রাণ দিতে প্রস্তুত, তার ভাল-
বাসার প্রমাণে অপমানিত বোধ করছ, তোমার সতীষে আঘাত পড়ছে !
বিল্লেষণ ক'রে দেখ এ সতীষ কি ! এ হচ্ছে, যে জিনিস নেই তা স্বীকার
ক'রে, বা আছে তা অস্বীকার করা ! এ পাগলামী নয় ত অস্ত্র আর কি
তা' ত জানি নে !”

প্রমথর কথা শুনিয়া অমলা কণকাল স্নগতীর স্রুণা এবং বিরক্তিতে
নির্বাক হইয়া রহিল ; তাহার পর লুপ্ট অবজার সহিত বলিল, “এই
রকম বোধ হয় তুমি আরও অনেক জিনিস জান না প্রমথদাদা ! তুমি
বোধ হয় ঈশ্বর জান না, ধর্ম্মাধর্ম্ম জান না, পাপ-পুণ্য জান না, কিছুই
জান না !” জলন্ত নেত্রে অমলা প্রমথর দিকে একদৃষ্টে চাহিয়া রহিল ।

প্রমথ কিন্তু বিচলিত না হইয়া মূহু মূহু হাসিতে লাগিল । তাহার
পর মাথা নাড়িয়া সে বন্ধ-গতীর কর্ণে বলিল, “না, জানিনে ; কিন্তু
তুমিই কি জান অমলা ? ঈশ্বরকে দেখেছ কখনো ? ধর্ম্ম কোন্টা,
অধর্ম্ম কোন্টা, তা বুঝতে পার ? পাপ-পুণ্য সত্য-মিথ্যার ভেদ নির্ণয়
করতে পার ?”

এতগুলো প্রশ্নের মধ্যে একটারও উত্তর না দিয়া অমলা তেমনি
বিরক্তি-বিরূপ মুখে অস্ত্র দিকে চাহিয়া বসিয়া রহিল । “উত্তর প্রদে,
নিজেই পুনরায় বলিতে লাগিল—

“কখনই অসঙ্কোচে বলতে পারবে না যে, পার । কিন্তু আমার কথা
শোন অমলা, আমি তোমাকে বলছি,—ঈশ্বর নেই, ধর্ম্মাধর্ম্ম নেই, পাপ-
পুণ্য নেই । ও-সব শুধু সমাজ-রক্ষার জন্তে কৌশল ; একেবারে
কাঁকিবাড়ী । যে তোমাকে একেবারেই চায় না, তার জন্তে অপেক্ষা
ক'রে ব'সে থাকার কি সতীষ আছে আর কি পুণ্য আছে, সহজ বুদ্ধিতে

তা বোঝা কঠিন। কত ভাল লোক হুঃখ পাচ্ছে, কত মন্দ লোক সুখে আছে। মৃত্যুর পরে কি হয় তা আজ পর্যন্ত কেউ জানে না, অথচ পৃথিবী এত পুরোনো হ'য়ে গেল। পরলোকের কর্তব্য শুধু ইহলোকের চালাকী, ভয় দেখান! স্বর্গ হচ্ছে পুরস্কার, আর নরক হচ্ছে দণ্ড। কিন্তু মৃত্যুর পরে কোন লোক এ পর্যন্ত এ দণ্ড-পুরস্কার পেয়েছে কি না, তার কোন প্রমাণ নেই। এই সব কল্পিত ব্যাপারগুলো দিয়ে জীবন চালানো; আর যা প্রত্যক্ষ, যা রক্ত-মাংসের মধ্যে সত্য, সেগুলোকে উপেক্ষা করা যে কত বড় আত্মপ্রবঞ্চনা, তা তোমাকে আমি বলতে পারি নে অমলা! ধর্ম আর সমাজের দোহাই দিয়ে আমাদের জীবন ক্রমশঃ একটা বিরাট আত্মপ্রবঞ্চনা হ'য়ে দাঁড়িয়েছে! যন্ত্র দিয়ে আমাদের মন অভিভূত, আর বিধি দিয়ে আমাদের দেহ বাঁধা। পুরুষাভ্যুত্থানিক অভিযানের কলে যে সব ব্যাপারগুলো আমরা মানি ব'লে মনে করি, মনের মধ্যে তলিয়ে দেখে বল ত' অমলা, বাস্তবিকই সেগুলো আমরা মানি কি-না? অকপটে বল দেখি, ঈশ্বরের অস্তিত্ব, ধর্মাদর্শ, পাপ-পুণ্য, স্বর্গ-নরক—এ সব নিঃসন্দেহে মনের মধ্যে ভূমি মান কি-না?”

প্রথম তাত্ক্ষণিক স্বলীল বক্তৃতা শেষ করিয়া বিজয়-দৃষ্ট নেত্রে অমলার দিকে চাইিয়া রহিল; এবং অমলাকে নিশ্চল, নির্বাক দেখিয়া মনে করিল যে তাহার প্রতিপাদ্য বিষয়ের বাধার্য ও বুদ্ধির বিরুদ্ধে বলিবার কোন কথাই সে বুঝিয়া পাইতেছে না।

অমলা কিন্তু এক মুহূর্ত্ত নীরবে বসিয়া থাকিয়া ধীরে ধীরে আসন ত্যাগ করিয়া উঠিয়া দাঁড়াইল, এবং প্রথমতঃ মুখের উপর পরিপূর্ণ সহজ নৃষ্টিপাত করিয়া শাস্ত্র অথচ দৃষ্টান্তে বলিল, “সে সব আমি মানি কি মানিনে, সে কথা তোমাকে বলবার কোনো দরকার নেই। তবে

তোমার কথা যে আমি ভুলে-স্মৃতিতেও বানিনে, সে কথা আমি স্পষ্ট ক'রে তোমাকে ব'লে বাচ্ছি ! তুমি যে-সব ব্যাপারকে কুসংস্কার বলছিলে, সে-গুলো কুসংস্কার কি না, তা নিয়ে তোমার সঙ্গে তর্ক করতে আমার প্রবৃত্তি নেই ; কিন্তু তুমি যে নীতি এখন প্রচার করছিলে, কোন দিন যে আমার জীবনে তা' সংস্কার হবে সে প্রত্যাশা কোরো না। আর বোধ-হয় তোমার কোন কথা নেই, এখন আমি চললাম।" বলিয়া অমলা প্রস্থানোদ্ভূত হইল ; তাহার অব্যবহিত পরেই ফিরিয়া ঈড়াইয়া বলিল, "তুমি আমাদের বাড়ীতে অতিথি—তোমাকে আমি বাও বলতে পারি নে, তুমি থাক ; কিন্তু যে ভাবে থাকি উচিত, সেই ভাবেই থেকো।"

অমলার উত্তর শুনিয়া বিশ্বয়ে ও নৈরাশ্রে প্রমথ ব্যথিত হইয়াছিল ; কিন্তু পরবর্তী কথার অপমানের আঘাতে সে সহসা কঠোর হইয়া উঠিল। ভীতকণ্ঠে বলিল, "আর তা যদি না থাকি তা হলে তুমি আমাকে তাড়াতে পার না-কি ?"

চৌকাঠের দুই দিকে দুই হাত দিয়া ঈড়াইয়া অমলা স্থির ভাবে বলিল, "পারি। মেহের মধ্যে অশ্রু হ'লে তাড়াবার গুণ আছে, আর একজন মানুষকে বাড়ী থেকে তাড়ান যায় না। কিন্তু তুমি কি তোমার টাকার জোরে এ কথা বলতে সাহস করছ ?"

প্রমথের মুখ সহসা একবারে বিবর্ণ হইয়া গেল ; বলিল, "আমাকে অনেকে অনেক দোষ দিয়েছে, কিন্তু আজ পর্যন্ত এ কথা কেউ বলে নি অমলা ! আমি দুর্ভাগ্যবান, দুর্ভাগ্য হ'তে পারি, কিন্তু ছোটলোক নই ! তুমি বিশ্বাসনাথের মূর্তি গড়িয়ে পূজা করো, কারণ সে তোমার স্বামী ; কিন্তু তাই ব'লে আমাকে অতটা অপমান করো না ; আমার একমাত্র অপরাধ আমি তোমাকে ভালবাসি।"

অমলার মুখ দিয়া কোনও কথা বাহির হইল না, এমন কি স্থান ভ্যাগ করিবার ক্ষমতা পর্যন্ত তাহার রহিল না। সে আতঙ্ক মুখে চিত্তার্ণবিতের মত ভথায় দাঁড়াইয়া রহিল।

অমলা কোনও কথা বলিল না দেখিয়া প্রমথ বলিতে লাগিল, “আমি আজ তোমার কাছে সম্পূর্ণ হার স্বীকার করছি অমলা, আর সে ক্ষম্তে তোমার কাছে আমি কৃতজ্ঞ। এতদিন পেয়ে-পেয়ে আমার মনে একটা হুঃসাহস জন্মেছিল যে, সব জিনিসই পাওয়া যায়; কিন্তু হুল্লু জিনিসও যে সংগারে আছে, সে জ্ঞান আজ আমি তোমার কাছে থেকে পেলাম! সে যাই হ’ক, আজকের এ ঘটনার পর এ বাড়িতে আমার আর বাস করা চলে না, তা’ তুমিও স্বীকার করবে! আজ বোধহয় হ’য়ে উঠবে না, আজ একটা বাসা স্থির ক’রে কাল আমি চ’লে যাব।”

একটু চুপ ক’রয়া থাকিয়া পুনরায় বলিতে লাগিল, “চ’লে যাবার আগে মাণিকলাল-ঘটিত সব গোলযোগ আমি শেষ ক’রে দিবে যাব। ছাওনোটের টাকার সঙ্গে মাণিকলালের কোনও সম্পর্ক নেই; সে আমার সাজানো মহাজন। তোমাদের বাড়ীতে প্রতিপত্তি লাভের জন্তে প্রিয়নাথবাবু দাঁড় থেকে মাণিকের নামে ছাওনোট কিনে নিয়ে এ ব্যবস্থা আমি করেছিলাম। কিন্তু আর যখন তার কোনও প্রয়োজন রইল না, তখন মাণিকলালের ছাওনোটে পুরো উত্তল লিখিয়ে দিয়ে, আমি মেসোমশাইকে সেখানা ফিরিয়ে দিয়ে যাব। তারপর যখন প্রবিধা হবে, মেসোমশাই আমার টাকা শোধ করবেন।”

কিছু বলিবার অভিপ্রায়ে অমলা তাহার নতদৃষ্টি ধীরে ধীরে প্রমথর প্রতি উদ্ভিত করিল, কিন্তু মুখ দিয়া কোনও কথা বাহির হইল না, পুনরায় সে দৃষ্টি নত করিল। বোধহয় তখন তাহার মনের মধ্যে পাপ

হইতে পানী পৃথক হইয়া ঘৃণা ও বিরক্তির পরিবর্তে কল্পনা এবং সহানুভূতি উদ্ভিক্ত হইতেছিল।

প্রমথর নিকট কিন্তু অমলার অন্তরের সে অব্যক্ত বাক্য অজ্ঞাত রহিল না। সে ব্যথিত আত্মা কঠে বলিল, “আমার শেষ কথা অমলা, তোমার কাছ থেকে বত দূরেই আমি থাকি না কেন, তোমার প্রতি আমার একান্ত অমুদ্রোষ রইল যে, যদি কখনও কোনও প্রয়োজনে-অপ্রয়োজনে এই অধম ব্যক্তিকে দরকার হয়, একবার স্মরণ করলেই সে তোমার কাছে এসে উপস্থিত হবে। তোমাকে হাতের মধ্যে না পেয়ে আমার মনের মধ্যে তুমি যে কত বড় ছয়ে রইলে, তা তোমাকে আমি বোঝাতে পারব না। আচ্ছা, তা হ’লে এস; আর এখন আমার কোনও কথা বলবার নেই।”

নানাবিধ বিভিন্ন এবং বিরুদ্ধ ভাবের উত্তেজনার অমলার চক্ষু সজল হইয়া আসিয়াছিল। সে নতনেত্রে গাঢ়স্বরে বলিল, “আমি যদি তোমার মনে কষ্ট দিয়ে থাকি, তা হলে আমাকে ক্ষমা কোরো প্রমথ-দাদা; কিন্তু তুমি বোধহয় এ কথা স্বীকার করবে যে, আমি কোনও অপরাধ করিনি।”

“না, তা’ তুমি করনি।”

এক মুহূর্ত দাঁড়াইয়া থাকিয়া অমলা ধীরে ধীরে কক্ষ হইতে নিজ্রান্ত হইয়া গেল। আকাশ তখন প্রগাঢ় ধারার বর্ষিত হইতেছিল।

কুটি একটু কমিলেই প্রথম গৃহ হইতে বাহির হইয়া গেল। মাইবার সময়ে প্রত্যাবর্তীকে বলিয়া গেল যে, কার্য্যামুরোধে সেবেলা সে প্রত্যাবর্তন করিতে পারিবে না—অল্পত্ন আহাৰ করিবে।

তাহার কিছুক্ষণ পরেই হরমোহনের নিকট অমলার ডাক পড়িল। নিম্ন কক্ষে বসিয়া হরমোহন অফিসের কাজ দেখিতেছিলেন।

অমলা উপস্থিত হইয়া বলিল, "কি বাবা?"

নাসিকা হইতে চশমা খুলিয়া রাখিয়া হরমোহন ধীরে ধীরে কথাটা অমলাকে জানাইলেন। অমলার বিবাহের অলঙ্কারের হিসাবে প্রায় লাড়ে চারিশত টাকা স্বর্ণকারের নিকট বাকি আছে। কয়েক দিন পূর্বে সেই টাকার দাবী করিয়া স্বর্ণকারের উকিল নোটিশ দিয়াছিল যে, সাত দিনের মধ্যে টাকা না দিলে হরমোহনের নামে নালিশ হইবে। স্বর্ণকারের উকিলের সহিত সাক্ষাৎ করিয়া হরমোহন বহু অমুরোধ উপরোধ করিয়া ব্যবস্থা করিয়া আসিয়াছিলেন যে, উপস্থিত আড়াই শত টাকা দিলে বাকি টাকার জন্য স্বর্ণকার আরও ছয় মাস অপেক্ষা করিবে। এই আড়াই শত টাকা হরমোহনের কোন বন্ধু দ্বারা দিবেন বলিয়া প্রতিশ্রুত হইয়াছিলেন; কিন্তু কাল সহসা তিনি জানান যে, যে-টাকা তিনি অপরের নিকট হইতে পাইবার আশা করিতেছিলেন, সে টাকা না পাওয়ায় উপস্থিত তিনি টাকা দিতে পারিবেন না। কালই স্বর্ণকারকে টাকা দেওয়ার শেষ দিন ছিল। তখন অগত্যা নিকুপায় হইয়া অফিসের তহবিল হইতে আড়াই শত টাকা লইয়া হরমোহন

স্বর্ণকারের উকিলকে দিয়া আসিয়াছেন। এখন, অফিসের তহবিল পূরাইবার জন্য সেই আড়াই শত টাকা অমনাকে প্রেমথর নিকট হইতে সংগ্রহ করিয়া দিতে হইবে।

তিনিয়া অমলা জাগে এবং অপমানে কাঁঠ হইয়া গেল। প্রেমথর সহিত বচসায়-বিচ্ছিন্ন তাহার জীবনের স্পন্দন এখনও সম্পূর্ণ ধামিবার অবকাশ পায় নাই, ইহারই মধ্যে পিতার নিকট হইতে এই আদেশ পাইয়া সে কি বলিবে অথবা করিবে, তাহা ভাবিয়া পাইল না! কণকাল পূর্বে অর্ধ-সম্পর্ক সে সর্বপে যে-কথা প্রেমথকে বলিতে উদ্বৃত্ত হইয়াছিল তাহা স্বরণ করিয়া, আজই অর্থের জন্য প্রেমথর নিকট প্রার্থীরূপে দাঁড়ান অপেক্ষা মৃত্যুও তাহার শ্রেয়ঃ বলিয়া বোধ হইল।

প্রেমথ আঘাত কতকটা সামলাইয়া লইয়া অমলা বলিল, “প্রেমথ-দাদার কাছ থেকে টাকা ধার না নিয়ে, আমার গহনা বাঁধা রেখে বা বিক্রী ক’রে টাকার ব্যবস্থা কর না বাবা?”

অমলা যে অসহ্যের কথা তুলিবে, তাহা হরমোহন জানিতেন এবং তদ্ব্যতীতও ছিলেন; বলিলেন, “বেশ ত, প্রেমথর কাছেই কিছু গহনা বাঁধা রেখে দাও; তাও ত’ এর আগে রেখেছ। প্রেমথ এখন বাড়ী আছে?”

“না, বেরিয়েছেন। সন্ধ্যার পর ফিরবেন।”

“তবে কিরে এলেই তার সঙ্গে এ কথা শেষ ক’রে নিয়ো। কাল রবিবার, পরতই অফিসের টাকা পুরিয়ে রাখতে হবে।” বলিয়া হরমোহন অফিসের কাছে মনোনিবেশ করিলেন।

একটু চুপ করিয়া দাঁড়াইয়া থাকিয়া, কঠিন শুষ্ক মুখে অমলা বলিল, “প্রেমথদাদাকে টাকার জন্যে আমি বলতে পারব না বাবা!”

সবিস্ময়ে হরমোহন বলিলেন, “কেন?—পারবে না কেন?”

এ প্রশ্নের কোনও উত্তর না দিয়া অমলা নীরবে আরক্ত মুখে দাঁড়াইয়া রহিল।

অমলার আচরণে ক্রুদ্ধ হইয়া উঠিয়া হরমোহন বলিলেন, “তুমি কি মনে কর, গলবস্ত্র হয়ে বন্ধুদের বাড়ী বাড়ী অর্থ ভিক্ষা ক’রে ঘুরে বেড়াতে আমিই খুব পারি, না পছন্দ করি ?”

কাতর স্বরে অমলা বলিল, “আমি ত তা’ বলছি নে বাবা ! আমি না ব’লে তুমি ত’ প্রমথদাদাকে টাকার কথা বলতে পার।”

সজোরে হরমোহন বলিলেন, “কাকে কে বললে ভাল হয়, সেটা তোমার চেয়ে আমি কম বুঝি ব’লে মনে কোরো না ! আমার বন্ধুর কাছে টাকার অন্তে চেষ্টা করতে তোমাকে ত’ কখনও অহরোধ করি নি।”

হরমোহনের কথার অদৃষ্ট আঘাতে অমলা বিমূঢ় হইয়া গেল।

“প্রমথদাদাকে টাকার কথা তুমি না ব’লে আমি বললে ভাল হয়, তাই কি তুমি বলছ বাবা ?”

উগ্রভাবে হরমোহন বলিয়া উঠিলেন, “হ্যাঁ, হ্যাঁ, তাই বলছি ! ইঞ্জিতে যে-কথা বোঝা উচিত, সে কথা নিয়ে এত ঘাঁটাঘাঁটি ক’রে কি তোমার লাভ হচ্ছে ?”

গভীর আঘাতে আহত হইয়া অমলা কণকাল নিঃশব্দে হরমোহনের দিকে চাহিয়া রহিল ; তাহার পর বিহ্বল ভাবে বলিল, “কিন্তু এ কথা তুমি কেন বলছ বাবা ? কেন বলছ এ কথা !”

কন্ডার এ প্রশ্নে হরমোহন অধিষ্ঠিত হইয়া অলিয়া উঠিলেন।

“কেন বলছি, তার কৈকিরং তোমাকে দিতে হবে না কি ? কোথাও যাবার সময়ে ক্যানবাস্ত্র চাৰি প্রমথ আমাকে না দিয়ে তোমাকে কেন দিয়ে যায়, তার কৈকিরং আমাকে দিতে পার ?”

এ কথা শুনিয়া অমলার মুখ প্রথমে স্তব্ধ ব্যক্তির মুখের মত সাদা হইয়া গেল, তাহার পর দেখিতে দেখিতে জ্বাফুলের মত আরক্ত হইয়া উঠিল ; কিন্তু তাহার মুখ দিয়া কোনও কথা বাহির হইল না ।

তৎপরে হরমোহন কিছুক্ষণ ধরিয়া যে সকল কথা বলিলেন, তাহার অর্থ এবং ইঙ্গিত এইরূপ :—নানাপ্রকার দুঃখে এবং কষ্টে হরমোহনের জীবন অসহ্য হইয়াছে, মৃত্যু হইলে তিনি নিশ্চিন্ত হন । তদুপরি এই সকল দুঃখ কষ্টের যে একমাত্র কারণ, তাহার এ বিষয়ে কিছুমাত্র সহানুভূতি নাই ! হরমোহনকে কঠিন বিপদ হইতে উদ্ধার করিবার সময়ে অমলার আত্মসম্মানবোধ সবলে সাড়া দিয়া উঠে ; কিন্তু প্রেমধর হস্ত হইতে ক্যাশবাক্সের চাবি লইবার সময়ে সে আত্মসম্মানবোধের অস্তিত্ব খুঁজিয়া পাওয়া যায় না । ইত্যাদি ইত্যাদি ।

কিছুক্ষণ পূর্বে প্রেমধর সহিত যে-সকল কথা হইয়াছিল, অমলা মনে মনে তাহা স্মরণ এবং পর্যালোচনা করিতেছিল ; হরমোহনের কথা কতক সে শুনিল এবং কতক শুনিল না ।

হরমোহন চুপ করিলে সে বলিল, “আচ্ছা বাবা, আমি কালকের মধ্যেই এ টাকার ব্যবস্থা ক’রে দোব ।”

তখন হরমোহন শান্ত এবং সন্তুষ্ট হইলেন ; এবং জুড় হইয়া অমলার প্রতি যে রূঢ় বাক্য প্রয়োগ করিয়াছিলেন, তৎক্ষণাৎ সাঙ্ঘনাস্বরূপ কিছু প্রবোধ বাক্য বলিলেন । কিন্তু তিরস্কারের মধ্যে অমলা বোধহয় ততটা আঘাত পায় নাই, যতটা সে সাঙ্ঘনার মধ্যে পাইল । হরমোহন বলিলেন যে, নিজেই অসংস্কৃত রাখিয়া কার্যোদ্ধারকরী শক্তি প্রয়োগ করা জীবনের সকল অবস্থাতেই চলে । তাহাতে স্ত্রীত্বের কিছু মাত্র অপচয় হয় না ।

অন্তরে বহি বহন করিয়া অমলা প্রস্থান করিল।

প্রভাবতী তখন গৃহকর্ণের রত ছিলেন; তাঁহার অবকাশ হইলে অমলা সকল কথা তাঁহাকে খুলিয়া বলিল।

প্রভাবতী বলিলেন, “তুমি যা বলছ সব বুঝলাম। কিন্তু কি করবে বল? এ রকম বিপদে টাকার ব্যবস্থা না করলেও ত নয়? আজ যদি টাকারীটি বার, কাল তাহলে আর উননে হাঁড়ী চড়বে না। এই ত’ অবস্থা!”

“কিন্তু মা, তাই ব’লে কি টাকার ব্যবস্থা আমাদেরই করতে হবে? সেকরার ধার আমার জন্তে হয়েছিল ব’লে আমিই কি এ ধারের জন্তে দায়ী? তা যদি না হয়, তা হলে তুমিও ত মা, প্রেমধনাদার কাছে টাকা চাইতে পার?”

অমলার কথার বিরক্ত হইয়া উঠিয়া প্রভাবতী বলিলেন, “কথার কথার তোমার অভিমানটা আজকাল বড় বেশী হয়েছে, বাপু! কে তোমাকে বলেছে যে, ধারের টাকার জন্তে তুমি দায়ী যে, এত কথা তুমি শোনাচ্ছ? তুমি চাইলে টাকাটা সহজে পাওয়া যাবে, আমরা চাইলে হয় ত ওঁর আপত্তি ক’রে কাটিয়ে দিতে পারি—এই জন্তেই তোমাকে দিয়ে চাওয়ানো। এতে আর এমন কি মহাতারত অশুভ হয়েছে? তা ছাড়া, প্রথম কি তোমার সঙ্গে কোনও অস্ত্রার ব্যবহার করেছে যে, তার কাছে টাকা চাইলে তোমার অপমান হবে?”

দীপ্ত নেত্রে অমলা বলিল, “আমি চাইলে প্রেমধনাদা সহজে টাকা দেবেন, আর তোমরা চাইলে না দিতেও পারেন, এইটাই কি যথেষ্ট অস্ত্রার ব্যবহার নয়? এর চেয়েও কি বেশী অস্ত্রার ব্যবহার তুমি চাও না?”

এবার প্রভাবতী ক্রুদ্ধ হইয়া উঠিলেন; বলিলেন, “আমি কিছুই চাইনে! কিন্তু তুমি কি চাও যে, আমরা সপরিবারে অনাহারে মারা যাই?”

অমলা বলিল, “আমি তা চাইনে ; কিন্তু তাই ব’লে ত’ আমি কথার কথার এমন ক’রে আত্মসম্মান বলি দিতেও পারি নে !”

সবিক্রমে প্রভাবতী বলিলেন, “সবাই ত’ তোমার আত্মসম্মান বড় রেখেছে যে, প্রমথর কাছে টাকা ধার চাইলেই তোমার আত্মসম্মান বলি দেওয়া হবে ! এটা তুমি ঠিক জেনো যে, অনেকের চেয়ে প্রমথ তোমার আপনার লোক ; তার ওপর তোমার যেমন জোর খাটে, তেমন অনেকের ওপরই খাটে না !”

এই ‘সবাই’ এবং ‘অনেকের’ দ্বারা প্রভাবতী যে বিজয়নাথকে উদ্দেশ্য করিলেন, তাহা বুঝিতে অমলার বিলম্ব হইল না। সে ক্রোধে এবং অপমানে আহত হইয়া বলিল, “না, না, মিথ্যা কথা ! প্রমথদাদা কারুর চেয়ে আমার আপনার নয়, আর সেই জন্যে তাঁর ওপর জোর খাটাতে আমি অপমানিত মনে করি ! কিন্তু—যা হয়ে তুমি যখন আমার হুঃখ বুঝলে না, তখন আমার আর উপায় নেই ! আমি জানি যে, টাকা চাইলেই আমি টাকা পাব, সে জোর খাটাতে আমি আর দ্বিধা করব না ! তোমাদের টাকার ব্যবস্থা আমি কালই ক’রে দোব।” বলিয়া অমলা প্রভাবতীর উত্তরের অন্য অপেক্ষা না করিয়া প্রস্থান করিল।

একবার প্রভাবতীর মনে হইল যে, অমলাকে ডাকিয়া দুই একটা মিষ্ট কথা বলেন, এবং উপস্থিত ঠাঁহাকে অব্যাহতি দিয়া তিনি নিজেই প্রমথকে টাকার জন্য অনুরোধ করেন। কিন্তু ঠাঁহার নিকট একবার কোনও কারণে প্রমথ অস্বীকার করিলে পরে অমলা অনুরোধ করিলেও যদি ফল না হয়, তাহা হইলে হরমোহন কিরূপ বিপন্ন এবং ক্রুদ্ধ হইবেন, তাহা বলনা করিয়া প্রভাবতী নিরন্তর হইলেন।

সমস্ত দিন ঘুরিয়া অমলার অন্তরে বহি জলিয়া জলিয়া বিস্তার লাভ করিল। অবশেষে এমন একটু স্থান রহিল না, যেখানে তাহার চিরপোষিত সংস্কারসমূহ, বাহ্য লইয়া আজ প্রাতঃকালেই সে প্রেমধর সহিত বচসা করিয়াছে, আশ্রয় লাভ করিয়া রক্ষা পায়। মনে হইল, অর্থ-ই সংসারে একমাত্র প্রবল, আর সকলই দুর্বল! এমন কি মাতৃহননে কস্তার যক্ষণচিন্তা পর্যন্ত তাহার নিকট পরাভূত!

অভাব কষ্টকর বটে; কিন্তু অর্থের অভাব সর্বোপেক্ষা কষ্টকর বলিয়া অমলার মনে হইল। ভক্তি, প্রেম, স্নেহ, করুণা এ সকলেরই অভাব সহ্য হয়; কিন্তু অর্থের অভাব অসহ্য! স্বামী-প্রেমের অভাবে তাহার জুদীর্ণ তিন বৎসর কাটিয়া গেল, কিন্তু অর্থের অভাবে তিন দিন কাটে না!

ক্ষুধা রাক্ষসী। অন্ন পাইলে সে অন্ন জীর্ণ করে; অন্যের অভাবে মাহুঘের দেহ এবং মন জীর্ণ করে। পুণ্য-প্রেম, সত্যতা-সংঘম পরিপাক করা চলে; কিন্তু অন্ন পরিপাক না করিলে চলে না! প্রভাবতী বলিয়াছেন, উনানে হাঁড়ী না চড়ার মত বিপদ আর কিছুই নাই। অমলার মনে হইল, মাহুঘের দেহে এ পাপ পাকস্থলীটা যদি না থাকিত!

সমস্ত দিন ঘুরিয়া ঘুরিয়া অবসর হইয়া সন্ধ্যার পর প্রেমধর বাড়ী ফিরিল। তাহার অর্ধ ঘণ্টা পরে অমলা তাহার নিকট উপস্থিত হইল।

অমলাকে দেখিয়া প্রেমধর বলিল, "আমি বাসা ভাড়া ক'রে এসেছি অমলা। বাড়ীর চাবি নিয়ে এসেছি। বায়ুন চাকরও ঠিক হয়ে

গিয়েছে। কাল খাওয়া-দাওয়ার পর ছুপুরবেলা আমি বাসায় উঠে যাব।” তাহার পর টেবিলের উপর হইতে একটা কাগজ লইয়া অমলার হস্তে দিয়া বলিল, “এটা মাণিকলালের হাওনোট; এতে মাণিকলাল সমস্ত টাকার উত্তল লিখে দিয়াছে। এটা তুমি যেসো-মশায়কে দিয়ে দিয়ো। তাঁর যখন সুবিধা হবে আমাকে টাকাটা দেবেন। তার অন্ত্রে ব্যস্ত হবার কোনও দরকার নেই।”

হাওনোটের উপর দৃষ্টি নিবদ্ধ রাখিয়া অমলা বলিল, “আর যদি একেবারেই টাকাটা না দিতে পারেন?”

অমলার দিকে চাহিয়া সহজ ভাবে প্রেমথ বলিল, “না দিলে টাকাটা উত্তল করবার কোন উপায়ই ত’ আমার হাতে আমি রাখিনি। অতএব বুঝতে পারছ, টাকাটা একেবারে না পেলোও আমার কোন অভাব হবে না।”

অমলা প্রেমথর মুখের দিকে চাহিয়া কহিল, “এতটা ত্যাগ স্বীকার তুমি কেন করছ প্রেমথদাদা? বিনিময়ে আমাদের কাছ থেকে ত’ তুমি কিছুই পাবে না।”

প্রেমথ একটু হাস্ত করিল; তাহার পর ধীরে ধীরে বলিল, “যে কথা তুমি বিশ্বাসও করতে পারবে না, শারণাও করতে পারবে না, সে কথা শুনে কি লাভ হবে বল? পৃথিবীতে কত খেরালী লোক আছে, কত পাগল আছে,—যর আমিও তাদের মধ্যে একজন।”

এ কথার উত্তরে কিছু না বলিয়া অমলা কণকাল চুপ করিয়া রহিল। তাহার পর হাওনোটখানা প্রেমথকে প্রত্যর্পণ করিয়া বলিল, “এর মধ্যে আর আমাকে জড়িয়ে না প্রেমথদাদা, এ তুমি বাবার সঙ্গে যা করতে হয় করো। আমি এলেছি তোমার কাছে একটা ভিক্ষা চাইতে।”

“ভিক্ষা চাইতে ? কি ভিক্ষা বল ?”

অমলা বজ্রাঞ্চল হইতে একটা মূল্যবান অলঙ্কার বাহির করিয়া প্রেমধর টেবিলের উপর স্থাপন করিয়া বলিল, “এই গহনাটার বদলে তুমি আমাকে আড়াই শ’ টাকার ব্যবস্থা ক’রে দাও। টাকাটার আমার বড় দরকার হয়েছে।”

মুহু হস্ত হালিয়া প্রেমধর বলিল, “এ কিন্তু ভিক্ষা নয় অমলা, এ ভিক্ষা চাওয়াও নয়। এ মহাজনী।” একটু চুপ করিয়া থাকিয়া বলিল, “তা হ’ক তুমি যেমন বলবে তাই হবে; কিন্তু গহনাটা কি না রাখলেই নয় ?”

অমলা কাতর কণ্ঠে কহিল, “না, প্রেমধরদাদা, আমার এ প্রার্থনাটা তুমি অগ্রাহ্য কোরো না। গহনা রেখে টাকা দিলে মনে কোরো না, আমি তোমার কাছে কম ঋণী হব।”

অমলার কথা শুনিয়া প্রেমধর মুহু মুহু হাসিতে লাগিল। বলিল, “সংসারে ভুল বোঝাটাই বেশী অমলা ! তুমি আমাকে শেষ পর্যন্ত ভুল বুঝেই রইলে। তোমাকে ঋণী করবার প্রবৃত্তি কখনও আমার ছিল না, এখনও নেই। মেসোমশায়কে মাসিমাকে ঋণী করবার প্রবৃত্তি ছিল, কারণ, তাঁরা ছিলেন আমার উপলক্ষ্য।”

অমলা সেই রূপ কাতর ভাবে বলিল, “হয় ত’ তোমাকে আমি ভুল বুঝেছি প্রেমধরদাদা, কিন্তু তবুও আমার অনুরোধ—এ কথাটা তুমি রাখ। গহনাটা এখন তোমার কাছে থাক, আর তোমার কাছে উপস্থিত যদি টাকা না থাকে ত গহনাটা বিক্রী ক’রে আমাকে টাকা দাও।”

“তা ক’রে আর কাজ নেই, গহনাটা আমার কাছেই থাক।” বলিয়া ক্যাশবাক্স খুলিয়া প্রেমধর আড়াই শত টাকা হিসাব করিয়া অমলার

হস্তে দিল। তাহার পর অমলার প্রতি দৃষ্টিপাত করিয়া বলিল, “একটা কথা ভিজ্জাসা করি অমলা—এখনি ত তুমি ঋণ, বিনিময়, এই সব কথা বলছিলে ; কিন্তু কোন্ ঋণের পরিশোধে, কিসের বিনিময়ে তুমি আমার সকালবেলাকার অপরাধ এমন ক’রে ক্ষমা করলে, তা বলতে পার ? সংসারে দোকানদারী আর মহাজনীই কেবল নেই,—তা ছাড়া অন্য জিনিসও আছে।”

নতদৃষ্টি হইয়া গভীর স্বরে অমলা বলিল, “আমি তোমার অপরাধ ক্ষমা করতে আসিনি প্রমথদাদা, আমি নিজের স্বার্থে তোমার কাছে এসেছিলাম।”

অমলার কথা শুনিয়া প্রমথ ধীরে ধীরে মাথা নাড়িতে লাগিল।

“তা নয়, অমলা, তা নয়। আমি তোমাকে বেশ চিনি। নিজের স্বার্থে আমার কাছে আসবার মত চুর্কল তুমি নও। কত শক্তি তুমি ধারণ কর, তাই আজ সকালবেলার ঘটনার পর টাকার জন্তে আমার কাছে তুমি আসতে পেরেছ, তা বোকবার শক্তি আমার আছে। এ শুধু তুমিই পার ! আগুন নিয়ে সেই খেলা করতে পারে—আগুনের চেয়েও যে প্রবল !”

অমলা অগকাল নীরবে নতনেত্রে ঝাঁড়াইয়া রহিল। তাহার পর সহসা তাহার মুখে-চক্ষে একটা অস্বাভাবিক কাঠিন্ত দেখা দিল। নিঃশ্বাস ধন ধন পড়িতে লাগিল এবং দেহ অন্ন অন্ন কঁাপিতে লাগিল।

তাহার আকৃতি দেখিয়া বিস্মিত হইয়া প্রমথ বলিল, “তোমার কি অল্পব করছে অমলা ?”

“না।”

“তবে ?”

“একটা কথা বলব।”

“কি কথা, বল।”

অদূরে একটা খালি চেয়ার ছিল, তাহাতে বসিয়া পড়িয়া, একটা হাতলের উপর যুক্তকরে ভর দিয়া, অমলা একমুহূর্ত প্রমথের দিকে তুচ্ছ নেত্রে চাহিয়া রহিল। তাহার পর হাঁপাইতে হাঁপাইতে বলিল, “যদি দরকার হয়, তুমি আমার ভার নিতে পারবে প্রমথদাদা?”

সবিস্ময়ে প্রমথ বলিল, “কিসের ভার?”

“একজন মানুষের বা কিছু ভার, সব। খাওয়া, পরা, খাকার।”

বিহ্বল হইয়া প্রমথ নিঃশব্দে অমলার মুখের দিকে চাহিয়া রহিল।

“পারবে?”

বিমূঢ় ভাবে প্রমথ বলিল, “পারব। কিন্তু এ সব কথা তুমি কেন বলছ অমলা?”

অমলা সে প্রশ্নের কোনও উত্তর না দিয়া বলিল, “যদি দরকার হয়, কাল রাত্রে আমাকে তোমার বাসায় নিয়ে যেতে পারবে?”

অপরিসীম বিস্ময়ে প্রমথ জিজ্ঞাসা করিল, “যেসো মশায়ের অমতে?”

“শুধু অমতে নয়, অজ্ঞাতে। বল! বল! শীঘ্র বল। আমাকে সংশয়ের মধ্যে কেল রেখো না!”

প্রমথ বলিল, “পারব। শুধু পারব না অমলা, চিরদিন—”

প্রমথকে বাধা দিয়া উঠিয়া পড়িয়া অমলা বলিল, “ও-সব বাজে কথা বলতে হবে না। পারবে, তাই বখেট। কাল তুমি তোমার বাসায় উঠে যেয়ো, আর সন্ধ্যাবেলা এসে আমার সঙ্গে দেখা কোরো, তখন ঠিক ক’রে বলব।”

টলিতে টলিতে অমলা প্রমথর কক্ষ হইতে নিজস্ব হইয়া হরমোহনের কক্ষে প্রবেশ করিল।

নোটগুলো হরমোহনের সম্মুখে রাখিয়া বলিল, “এই আড়াই শ’ টাকা।”

হর্ষোৎফুল্ল মুখে হরমোহন বলিলেন, “আজই পেলে ? দেখ দিখি, এই আজই ত’ তোমাকে চাইতে বলেছিলাম। গহনা-টহনা কিছু রাখ নি ত’ ?”

চলিয়া বাইতে বাইতে অমলা বলিল, “হ্যাঁ, রেখেছি।”

তিনি হরমোহনের মনের মধ্যে হর্ষের দীপ্তি ঈষৎ ছায়ামণ্ডিত হইল।

নিজ কক্ষে প্রবেশ করিয়া অমলা শব্দ্য শুইয়া পড়িল। তাহার পর ছিন্নমস্তক ছাগের মত নিঃশব্দে সে ছট্‌ফট্‌ করিতে লাগিল।

রাত্রে সকলে নিদ্রিত হইলে, অমলা বহুক্ষণ আগিয়া বিজয়নাথকে নিম্নলিখিত পত্র লিখিল—

শতকোটি প্রণাম পূর্বক নিবেদন,

জীবনে বোধহয় আর কখনও আপনাকে চিঠি লেখবার কারণ ঘটত না, যদি না এত বড় বিপদে আজ আমি বিপন্ন হতাম। আজ আমার লজ্জা সঙ্কোচ মান অপমানের কথা ভাবা চলে না ; কারণ, জীবন মরণের চেয়েও বড় সঙ্কট আজ আমার সম্মুখে উপস্থিত হয়েছে।

প্রমথনাথ চট্টোপাধ্যায় আমাদের একজন দূর-আত্মীয়। তিনি বলেন যে, আপনার সঙ্গে তাঁর আলাপ আছে ; আর দু তিন দিন আগে তিনি আপনার সঙ্গে সাক্ষাৎও করেছিলেন। এই প্রমথনাথই কিছুদিন থেকে আমার জীবনে বহা সঙ্কটের কারণ হ’য়ে দাঁড়িয়েছেন।

প্রমথদাদাকে আমি একটুও ভয় করিনে ; অবহেলার সঙ্গে তাঁকে রোধ করবার শক্তি আমার আছে, তা আমি জানি। কিন্তু অল্প দিন দিয়ে আমার জীবন দুঃসহ হ'য়ে উঠেছে।

প্রমথদাদা বড়মানুষ ; আর আমার বাবা দরিদ্র, জগপ্রস্তু। যখন-তখন যথেষ্ট ভাবে বাবাকে অর্থ সাহায্য ক'রে প্রমথদাদা বাবাকে আরস্ত করেছেন। কিন্তু এই অর্থ পাওয়ার চাৰি হজ্জি আমি ; আমি চাইলেই প্রমথদাদা টাকা দেন। সেই জন্তে আমাকেই প্রতিবার টাকা চাইতে হয়।

এই যে টাকা চাওয়া আর টাকা দেওয়ার তলে তলে একটা, অজ্ঞাত উদ্দেশ্য রয়েছে, এ সকলেরই জানা আছে ; এ প্রমথদাদা জানেন, বাবা জানেন, আমি জানি, এমন কি মা পর্যন্ত জানেন। অথচ এ বিষয়ে আমাদের পক্ষ একেবারে নিরুপায় !

এই যে অল্প অল্প ক'রে প্রমথদাদার হাতে নিজেকে বিক্রী করা এ আমাকে পাগল ক'রে দেবার মত করেছে ! প্রমথদাদার টাকা আত্মসাৎ ক'রে কোন রকমে প্রমথদাদার হাত থেকে নিজেকে বাঁচিয়ে রাখা, প্রমথদাদার হাতে যাওয়ার চেয়েও আমার মন্ব ব'লে মনে হয়। বাবা মা জানেন আমি ঠিক আছি, প্রমথদাদাও জানেন আমি ঠিক আছি। কিন্তু আমি এ'কে ঠিক ধাকা মনে করি নে। যেয়েমামুখের মৰ্য্যাদা নিয়ে জুয়াচুরী খেলার চেয়ে যেয়েমামুখের পক্ষে মহাপাতক আর কিছুই হতে পারে না !

প্রমথদাদার পক্ষ থেকে আমার উপর কুলু-অবরদত্তি কিছু নেই ; তিনি ত্যাগের দ্বারা আমাকে আরস্ত করতে চান। কিন্তু তা'তে কি আসে যায় ? নরকের পথ প্রশস্ত হলেও নরক বা' তা'-ই।

প্রমথদাদা বলেন, স্বর্গ-নরক নেই, পাপ-পুণ্য নেই, ধর্ম-অধর্ম নেই, এমন কি ঈশ্বর পর্যন্ত নেই। তিনি বলেন, এ সব শুধু সমাজ-রক্ষার জন্তে মানুষের ফাঁকিবাঁজি। আমি তাঁকে বলেছি যে, আমি তাঁর এ কথা একেবারেই মানি নে।

প্রমথদাদা চিরদিনের জন্তে আমার সব ভার নিতে প্রস্তুত আছেন। আমার জন্তে সব রকম ত্যাগ স্বীকারও তিনি করবেন ব'লে আমার বিশ্বাস। কিন্তু সেইটেই যে আমার পক্ষে সব চেয়ে বড় বিপদ। আমি সত্যী, আমি সাক্ষী—আমি ধর্ম বিশ্বাস করি, ঈশ্বর বিশ্বাস করি,—আমি ভক্তলোকের মেয়ে, ভক্তলোকের স্ত্রী,—আমার কোন্ পাপে এ সব কথা আমাকে কানে শুনতে হয়!

কিন্তু এ দোটানা জীবনও আমার অসহ্য হয়েচে! স্বর্গের কল্পনা মনের মধ্যে বহন ক'রে নরকের বিভীষিকা সহ করা বড় কষ্টকর।

তাই আমি আজ আমার এ মহাবিপদে যান অপমান অভিমান সমস্ত ভুলে আপনার শরণাগত হয়েছি। আপনি আমাকে রক্ষা করুন! আপনি আমার স্বামী, আপনার কর্তব্য আমাকে রক্ষা করা, বিশেষতঃ এ রকম বিপদে। আপনার স্ত্রী ব'লে আমার যে অধিকার আছে, আমি স্পষ্ট ভাবে আজ সে অধিকারের সম্পূর্ণ আশ্রয় চাচ্ছি। এর পরেও আপনি যদি উদাসীন থাকেন, তা হলে প্রত্যবারের দায়ী আপনি হবেন।

আমি আজ, রবিবার, রাত্রি বারোটায় সময়ে বাড়ীর সদর দরজা খুলে ফুটপাথে এসে দাঁড়াব, আপনি পূর্ব থেকে সেখানে উপস্থিত থাকবেন এবং আমাকে সঙ্গে ক'রে যেখানে নিরে যেতে হয় নিরে যাবেন। সে সময়ে প্রমথদাদাও আমার জন্তে পথে অপেক্ষা ক'রে

থাকবেন। স্বর্গ অদৃষ্টে না থাকলে, অগত্যা নরকেই প্রবেশ করতে হবে।

আমি ধর্মে বিশ্বাস করি বলে আমার বিশ্বাস যে, আমি আপনার আশ্রয় পাব। পরকালে বিশ্বাস করি বলে ইহকালের যন্ত্রণা এত দিন এক-রকম ক'রে সহ্য ক'রে এসেছি। আমার সমস্ত বিশ্বাস আর ধারণা গুলট-পালট ক'রে দেবেন না।

আমার আর কিছু বলবার নেই। আপনি স্বামী, তাই অকপটে সমস্ত কথা আপনাকে জানালাম, আর আমার জীবন মরণের সমস্ত আপনার হাতে তুলে দিয়ে নিশ্চিত্ত হলাম। ইতি

শ্রীচরণাশ্রয়প্রার্থিনী

শ্রীমতী অমলাবালা দেবী

রাত্রি তিনটা পর্যন্ত জাগিয়া অমলা ছুইখানি চিঠি অমূল্যিপি করিল এবং প্রত্যুষে তন্মধ্যে একখানি ডাকযোগে বিজয়নাথের নামে পাঠাইয়া দিল।

তাহার পর পুরাতন বিশ্বস্তা পরিচারিকা যশোদাকে নিজ কক্ষে ডাকিয়া লইয়া গিয়া অমলা তাহার ছুই হস্ত চাপিয়া ধরিল।

“যশোদা, তুই আমাকে ছেলেবেলা থেকে মানুষ করেছিস, আমার একটা কাজ তোকে ক'রে দিতেই হবে!” তাহার পর একখানি পাঁচ টাকার নোট যশোদার হস্তে গুঁজিয়া দিয়া বলিল, “এখন তোকে পাঁচটাকা দিলাম; কাজ হয়ে গেলে আরও পাঁচ টাকা দোবো।”

চক্ষু বিস্তারিত করিয়া যশোদা বলিল, “কি কাজ দিদিমণি?” একটা কাজের জন্তে দশটাকা পুরস্কার লাভ তাহার ইহজীবনের অভিজ্ঞতার বহির্ভূত।

অপর চিঠিখানা যশোদার হস্তে দিয়া অমলা বলিল, “এই চিঠিখানা যেমন ক’রে পারিস আজ দুপুরবেলার মধ্যে বউবাজারে গিয়ে তাঁর হাতে তাকে নিজে দিয়ে আসতে হবে।”

“জামাইবাবুকে ?”

“হ্যাঁ। পারিবে নে ?”

“এ আর পারব না ! কিন্তু এ টাকা আমি কখনই নোব না দিদিমণি ! জামাইবাবু যখন তোমাকে খণ্ডরবাড়ী নিয়ে যাবেন, তখন আমাকে যা দেবে তাই নোব।” বলিয়া নোটখানা যশোদা ফিরাইয়া দিল।

অমলা কিন্তু কিছুতেই গুনিলা না ; অবশেষে জোর করিয়া যশোদার অঞ্চলে নোটখানা বাধিয়া দিল।

“বাড়ী চিন্তে পারবি ত যশোদা ?”

যশোদা বলিল, “কতবার তত্ত্ব নিয়ে গেছি, বাড়ী চিন্তে পারব না কি বল গো ?”

“তাকে চিন্তে পারবি ?”

“না ! সেইটেই ভুল ক’রে তোমার খণ্ডরের হাতে চিঠিখানা দিয়ে আসব।” বলিয়া হাসিতে হাসিতে যশোদা প্রস্থানোক্ত হইল।

যশোদাকে অঞ্চল ধরিয়া টানিয়া ফিরাইয়া অমলা বলিল, “এ কথা যেন আর কেউ টের না পায় যশোদা। আর, চিঠিখানা তুই নিজের হাতে তাঁকে দিবি, আর দিয়ে এসে আমাকে বলবি, তবে হবে।”

“হ্যাঁ গো হ্যাঁ, তবে হবে। তুমি নিশ্চিন্ত থাক।” বলিয়া যশোদা প্রস্থান করিল।

বৈকালে আসিয়া যশোদা অমলাকে জানাইল যে, যথাদেশ কর্তব্য পালন সে করিয়াছে।

বারম্বার নানাপ্রকার প্রেরণ করিয়া অবশেষে অমলা সন্তুষ্ট হইল যে, তাহার চিঠি বিজয়নাথের হস্তে ঠিক পৌঁছিয়াছে।

কল্পিত হৃদয়ে অমলা জিজ্ঞাসা করিল, “তোকে কিছু বললেন?”

“চিঠিখানা পকেটে রেখে বললেন, ‘আচ্ছা, তুমি যাও।’

“চিঠি তোর সমুখে পড়েছিলেন?”

“হ্যাঁ, তা পড়েছিলেন।”

আহারের পরেই প্রথম তাহার বাসায় উঠিয়া গিয়াছিল। হরমোহন এবং প্রেভাবতী অনেক আপত্তি করিয়াছিলেন; কিন্তু কিছুতেই সে নিবৃত্ত হয় নাই। যাইবার পূর্বে তাহার নিকট হইতে হাওনোটখানা অমলা নিজেই চাহিয়া লইয়াছিল।

সন্ধ্যার পর প্রথম আসিল এবং সুবিধামত অমলার সহিত সাক্ষাৎ করিল। অমলা তাহাকে রাত্রি বারটার সময়ে গৃহ-সমুখে উপস্থিত থাকিতে বলিল।

অসীম উরাস বন্ধের মধ্যে চাপিয়া রাখিয়া প্রথম বলিল, “নিশ্চয় বাবে ত’ অমলা?”

আরক্ত কঠিন মুখে অমলা বলিল, “বললাম ত’ যদি দরকার হয়।”

অমলার আকৃতি দেখিয়া এবং কর্তব্যর গুনিয়া প্রথম অধিক কিছু জিজ্ঞাসা করিতে সাহস হইল না; শুধু বলিল, “আচ্ছা। আমি নিশ্চয় অপেক্ষা ক’রে থাকব।”

প্রথমতঃ সহিত কথার পর অমলা ক্ষণকাল বুদ্ধিহতর মত চূপ করিয়া একলা বসিয়া রহিল। সে যে এ পর্য্যন্ত কি করিয়াছে এবং অতঃপর কি করিবে, তাহা ভাল করিয়া ধারণা করিবার ক্ষমতা পর্য্যন্ত তাহার লোপ পাইবার উপক্রম করিল। কয়েক ঘণ্টা পরেই যে মহা সমস্তার সময় আসিবে, তাহার কথা মনে ভাবিবার সাহসও তাহার রহিল না। সে নিজেই জীবন ও মৃত্যুকে একই সময়ে আহ্বান করিয়াছে,—অদৃষ্টে কি আছে, কাহার হস্তে আত্মসমর্পণ করিতে হইবে, কে জানে !

কিন্তু স্বপ্নাবশিষ্ট সময়টুকু যতই ক্ষয় পাইতে লাগিল, ততই অমলা তাহার হৃদয়ের মধ্যে একটা অস্বাভাবিক ব্যগ্রতা অনুভব করিতে লাগিল। আসন্ন সন্তানবনার সমাধান পর্য্যন্ত অপেক্ষা করিয়া থাকিবার ঐশ্বর্য্য তাহার রহিল না। রাত্রে ছায়া দর্শন করিয়া ভীত হইয়া মানুষে যেমন কখন-কখন ভ্রম নিরাকরণের জন্য ছুটিয়া গিয়া তাহা স্পর্শ করিয়া দেখে, তেমনি অমলার ইচ্ছা হইতে লাগিল যে, তখনি কোন রূপে রাত্রি বারটার অবস্থায় উপস্থিত হইয়া তাহার ডায়াবহ ভবিষ্যতের অদৃষ্ট মূর্ত্তি দেখিয়া লইয়া নিশ্চিন্ত হয় ! কিছুক্ষণ পরে যখন সমুদ্রগর্ভে ঝাঁপাইয়া পড়িতেই হইবে, তখন ক্ষণকালের জন্য ভীরে দাঁড়াইয়া অপেক্ষা করিয়া কি ফল ! মানুষের মনে ভয়াবহের প্রতি যে ছরতিক্রমণীয় আকর্ষণ আছে, অমলা মনের মধ্যে সেই প্রবল আকর্ষণ অনুভব করিতে লাগিল। এই অশৈথ্ব্য-তার মধ্য হইতে ক্রমশঃ সে মনের মধ্যে একটা শক্তিও লাভ করিল।

সুরেশ বাহিরের ঘরে মাষ্টারের নিকট পড়া করিতেছিল। সে উপরে

আসিলে অস্বাভাবিক আগ্রহের সহিত অমলা তাহাকে কণকাল আদর করিল। তাহার পর যে-সব জিনিষ বহুদিন হইতে সুরেশের লোভ এবং প্রশংসা উদ্ভিক্ত করিয়া আসিয়াছিল, অথচ পাইবার কোনও সম্ভাবনা ছিল না, অমলা ছুই হস্তে সে সব জিনিষ সুরেশকে দান করিতে লাগিল।

দানের অমিততা সুরেশকে পীড়ন করিল।

সে সবিস্ময়ে বলিল, “এ সব দিয়ে দিচ্ছ কেন দিদি? তোমার আর দরকার নেই?”

“আমি যে এখন বড় হয়েছি তাই! এ সব আমার আর দরকার নেই। কিন্তু খবরদার, আজ যেন মাকে বাবাকে এ-সব দেখাস নে।”

“কেন?”

কোনও কারণ নির্দেশ না করিয়া অমলা কহিল, “আজ দেখাতে নেই।”

“কাল সকালে দেখাতে আছে?”

“তা আছে।” বলিয়া অমলা তাহার উবেল অশ্রু চাপিবার জন্য তাড়াতাড়ি জানালার ধারে গিয়া দাঁড়াইল।

হরমোহনের সহিত অমলা কিছুক্ষণ কথা কহিল। কিন্তু প্রত্যাবর্তীর নিকট গিয়া বসিতেই, তাহার কণ্ঠ রুদ্ধ এবং চক্ষু সজল হইয়া আসিল। তাড়াতাড়ি উঠিয়া পড়িয়া সে প্রস্থানোদ্ভূত হইল।

ঈষৎ বিম্বিত হইয়া প্রত্যাবর্তী বলিলেন, “এসেই চ’লে যাচ্ছি। বে অমলা? কোনও কথা ছিল?”

কোনও প্রকারে একটি মাত্র ‘না’ বলিয়া অমলা প্রস্থান করিল। মনে মনে বলিল, ‘না, তোমার পারিষ্ঠা ঘেরেকে কমা কোরো! হয় ত’ আর এ জীবনেই তোমার সঙ্গে কথা কওয়া হয়ে উঠবে না। আজ

তোমার সঙ্গে কথা কহিতে গেলে, আমি আর নিজেকে সামলাতে পারব না !’

সকলে শয়ন করিলে, অমলা নিজ কক্ষের দ্বার রুদ্ধ করিয়া তাহার পিতা মাতাকে ছুইখানি ক্ষুদ্র পত্র লিখিল। কোথায় যাইতেছে, কাহার সহিত যাইতেছে, কিছুই লিখিল না,—শুধু লিখিল, কেন যাইতেছে। ‘এ জীবন অসহ্য হয়েছে—তাই এ জীবন ত্যাগ ক’রে যাচ্ছি।’ তাহার পর ক্ষমা প্রার্থনা এবং প্রণাম। লিখিল, ‘আমি যে তোমাদের মনের মত হ’য়ে থাকতে পারলাম না, তার জন্যে আমিই অপরাধী, আমাকে ক্ষমা করো।’

পত্র লেখা শেষ হইলে, পত্র ছুইখানি এবং মাণিকলালের ছাণ্ডনোট টেবিলের উপর রাখিয়া তত্পরি চাবির রিং স্থাপন করিয়া অমলা দেখিল, ঘড়িতে সাড়ে এগারটা বাজিয়াছে।

আর আধ ঘণ্টা !

অমলার দেহের মধ্য দিয়া একটা তড়িৎ-প্রবাহ বহিয়া গেল, এবং তাহার পরেই একটা গভীর অবসন্নতার সমস্ত শরীর অগাড় হইয়া আসিল। মনে হইল, যে শিরা-উপশিরার মধ্য দিয়া তড়িৎ-প্রবাহ বহিয়া গিয়াছিল, তথায় রক্ত জমিয়া বরফ হইয়া আসিতেছে !। সমস্ত শরীরটা তার বোধ হইতে লাগিল এবং শীত-শীত করিতে লাগিল।

দেহ পাছে বিকল হইয়া পড়ে, সেই আশঙ্কায় অমলা উঠিয়া পান-চারণা করিতে গেল ; কিন্তু মনে হইল, ছুই পায়ে কেহ যেন পাথর বাঁধিয়া দিয়াছে ! অতি কষ্টে পা টানিয়া টানিয়া সে কোন মতে তাহার প্রতিশক্তি বাঁচাইয়া রাখিল।

তৎপরে সে বখন বায়ান্দায় আসিয়া ঘড়ি দেখিল, তখন বারটা

বাক্সিতে দশ মিনিট বাকি। আর দেৱী করা চলে না! দেহের এই নিরবলম্ব অবস্থায়, উপর হইতে নামিয়া পথে বাহির হইতে কত সময় লাগিবে, কে জানে!

ঘর হইতে বাহির হইতে গিয়া অমলা ফিরিয়া দাঁড়াইয়া একবার ঘরের চতুর্দিকে চাহিয়া দেখিল। কি যে তাহার দেখিবার ছিল, এবং কি যে সে দেখিল, তাহা সে নিজেই বুঝিল না! ঘর-ভরা সামগ্রী উদাস অবগাঢ় ভাবে তাহার দিকে চাহিয়া রহিল।

অমলার ঘর হইতে সিঁড়ির পথে বাইতে মধ্যে হরমোহনের ঘর পড়ে। তথায় একবার দাঁড়াইয়া, অমলা দ্বারে মন্তক ঠেকাইয়া তাহার নিদ্রিত পিতামাতাকে প্রণাম করিল। তাহার পর নিগড়বদ্ধ বন্দীর মত সিঁড়ির হাতল জড়াইয়া জড়াইয়া নীচে নামিয়া গেল। বাকি রহিল, সদর দরজার অর্গল খুলিয়া পথে বাহির হইয়া পড়া! অর্গলে হাত দিয়া অমলার মাথাটা ঘুরিয়া গেল,—মনে হইল, চৈতন্য বিলুপ্ত হইয়া আসিতেছে। স্থির হইয়া দাঁড়াইয়া সে তাহার তন্দ্রাহত শক্তিকে ক্ষণকালের জন্য আগ্রত রাখিতে প্রাণপণে চেষ্টা করিতে লাগিল। কোন প্রকারে দেহটাকে দ্বারের অপর দিকে লইয়া গিয়া ফেলিতেই হইবে, তাহার পর অদৃষ্টে যাহাই থাকুক না কেন! কিন্তু দ্বারের এদিকে আর নয়,—আর নয়!

রাজপথ তখন জনশূন্য, নিস্তরঙ্গ। পথের দুই ধারে গ্যাসের বাতি নপ্, নপ্ করিয়া জ্বলিতেছে, এবং উপরে নক্ষত্র-খচিত স্তর আকাশ আলম-অভিনয়-দৃশ্যের উপর নিঃশব্দে চাহিয়া রহিয়াছে।

উপরে বড় ঘড়িতে চং চং করিয়া বারটা বাজিতে লাগিল। ঝট করিয়া ধারের শব্দ হইল, এবং পরমুহুর্তেই অমলা ফুটপাথের উপর আসিয়া দাঁড়াইল। দরজাটা খোলাই থাকিয়া গেল, ভেজাইয়া দিবার কথা পর্য্যন্ত তাহার মনে রহিল না।

অদূরে একটা বৃহৎ মোটরকার উদ্ভত হইয়া ছিল; অমলাকে দেখিবামাত্র লবেগে ছুটিয়া আসিয়া অমলার সম্মুখে স্থির হইয়া দাঁড়াইল।

অস্বাভাবিক ভীত্বন্ধরে অমলা চীৎকার করিয়া উঠিল, “কে?—কে তুমি?”

“আমি বিজয়নাথ।”

“আমাকে ধর! তুলে নাও!”

মুহুর্তের মধ্যে বিজয়নাথ নামিয়া আসিয়া, বাহ-বন্ধনে অমলাকে বেঁটন করিয়া ধরিয়া, মোটরকারে নিজের পার্শ্বে বসাইয়া লইল।

পথের অপর দিকে একটা লেকেওক্লাস বদ্ধ গাড়ী হইতে প্রথম লাফাইয়া পড়িয়া মোটরের নিকট ছুটিয়া আসিল।

“অমলা! অমলা! আমি এখানে!”

কিন্তু তখন মোটর চলিতে আরম্ভ করিয়াছিল।

প্রথমকে দেখিয়া মুখ বাহির করিয়া বিজয়নাথ উচ্চ স্বরে বলিল, “বন্ধু, সুবিধামত আমার সঙ্গে দেখা করো ; কথা আছে।”

তাহার পর ফিরিয়া চাহিয়া দেখিল, অমলা অচৈতন্য সংজ্ঞাহীন হইয়া নত মস্তকে সীটের পার্শ্বে হেলিয়া রহিয়াছে। দুই হস্তে তাড়াতাড়ি তাহার মস্তক তুলিয়া লইয়া নিজ বন্ধের উপর স্থাপন করিয়া কর্ণের নিকটে মুখ লইয়া গিয়া বিজয়নাথ বলিল, “অমলা ! অমলা ! কি করছ ?—শব্দ হও !”

সম্ভবতঃ অমলা বিজয়নাথের ডাক শুনিতে পাইল। তাহা ছাড়া, তাহার মুখে-চক্ষে নিশীথের শীতল বায়ুও সবেগে লাগিতেছিল,—সে ধীরে ধীরে চাহিয়া দেখিল।

বিজয়নাথ তেমনি বন্ধের উপর অমলার মস্তক ধরিয়া রাখিয়া তাহার মুখের উপর গভীর ভাবে দৃষ্টিপাত করিয়া বলিল, “শব্দ হও ! আর ভয় কি ?”

কোনও কথা না বলিয়া অমলা শুদ্ধ হইয়া বিজয়নাথের বন্ধের উপর পড়িয়া রহিল।

অনতিবিলম্বে মোটর একটা বৃহৎ দ্বিতল অট্টালিকার গাড়ী-বারান্দায় প্রবেশ করিয়া দাঁড়াইল। যতটা মনে পড়িল,—অমলা দেখিল, এ তাহার বউবাজারের স্বত্ত্বালয় নহে।

গাড়ী-বারান্দার সম্মুখে সিঁড়ীর উপর দাঁড়াইয়া একজন পুরুষমানুষ এবং একজন স্ত্রীলোক অপেক্ষা করিতেছিল।

বিজয়নাথ গাড়ীর ভিতর হইতে বলিল, “দিদি, তুমি এসে ধ’রে নিয়ে যাও।”

এ কথা বলিবার প্রয়োজন ছিল না ; কারণ, বিনোদিনী আপনিই

নাথিয়া আসিতেছিল। গাড়ীর দ্বার খুলিয়া অমলাকে হাত ধরিয়া নামাইয়া লইয়া বিনোদিনী দ্বিধাকণ্ঠে বলিল, “এস, তাই, এস। বুঝতে পারছ না ? তোমার দিদির বাড়ী। এসেছিলে ত দ্বার।”

অমলা বুঝিতে পারিয়া নত হইয়া জুই হস্তে বিনোদিনীর পদব্রজ জড়াইয়া ধরিল।

বিনোদিনীর স্বামী ব্রজবিলাস সিঁড়ীর উপর দাঁড়াইয়া প্রফুল্লমুখে সমস্ত নিরীক্ষণ করিতেছিল। অমলা নিকটে উপস্থিত হইয়া প্রশ্নাম করিতেই, তাহার পৃষ্ঠে মৃদু করাঘাত করিয়া সে বলিল, “সাবাশ ! জ্বাবাশ ! তোমার মত ডেক্সী আরও জুঁচারটি মেয়ে বাংলাদেশে থাকলে, এই বিজয়ের মত লক্ষ্মীরা একেবারে ঠাণ্ডা হয়ে যায় ! তোমার চিঠি প’ড়ে আমি যে আশ্রয় কত খুসী হয়েছি, তা বলতে পারি নে ! এই রকমই ত চাই ! আমি তোমাকে সসন্মানে আমার বাড়ীতে আশ্রয় করছি ! আজ সন্ধ্যা থেকে আমি নিজের হাতে তোমার ঘর সাজিয়েছি। এস !”

ব্রজবিলাসের কথা শুনিয়া অমলার চক্ষু দিয়া কঁরকর করিয়া জল পড়িতে লাগিল ; বিজয়নাথের চক্ষুও সজল হইয়া আসিল।

সমাপ্ত

